

620

十九路軍抗日戰史

第二集


上海圖書館藏書






A541 212 0015 97368

上海戰區擴大圖





壕戰之築所軍九十茹真



人敵射擊在壕戰在軍九十



九十軍在前線工作



各鄉農民為九十軍服務




機日射瞄軍九十



砲擊迫用施軍九十




日軍在虬江路口準備衝鋒



被我國軍奪獲之日軍坦克車



我方赴開隊刀大軍我




房民擊轟砲鋼小以兵砲日



敵射壕戰線前在軍路九十



敵射壕戰守堅軍我淞吳



日機擲彈虬江路全市被焚



日兵逮捕我無辜良民

十九路軍抗日戰史（第二集）目錄

- | | |
|-----|--------|
| 第一章 | 市府戰後交涉 |
| 第二章 | 日將最後通牒 |
| 第三章 | 吳淞江灣之戰 |
| 第四章 | 我軍發砲擊敵 |
| 第五章 | 和平談判決裂 |
| 第六章 | 雙方大戰開始 |
| 第七章 | 敵軍三次大敗 |
| 第八章 | 我軍空前大捷 |
| 第九章 | 我軍圍擊殘敵 |

第十章 敵軍掙扎失敗

第十一章 全線血戰退敵

第十二章 敵主力戰敗北

第十三章 敵軍待援再攻

第十四章 敵軍夜戰失利

第十五章 江灣三路却敵

第十六章 退師前之惡戰

第十七章 我軍全師而退

第十八章 退師後之評論

第十九章 十九軍之戰史

第二十章 中委代表慰勞

- 第二十一章 西報讚揚我軍
- 第二十二章 敵軍援軍彙誌
- 第二十三章 日軍屠殺慘紀
- 第二十四章 各界重要文電
- 第二十五章 總退前後戰況
- 第二十六章 吳淞退兵情形
- 第二十七章 吳淞血戰始末
- 第二十八章 我軍軍官略表
- 第二十九章 敵軍之空中戰
- 第三十章 敵軍之新武器
- 第三十一章 敵軍現在陣綫

第三十二章 滬戰之第一夜

十九路軍抗日戰史續集

◎第一章 市府戰後交涉

▲市政府抗議日機轟炸

逕啓者。關於日本海軍。侵攻閘北一節。前經向貴總領事提出嚴重抗議在案。連日以來。該海軍濫用飛機。炸擊閘北一帶。所有火車站及多數商廠民房。盡成灰燼。人民死傷累累。又復糾同浪人。在北四川路附近。縱火焚燒屋宇。阻止撲救。不獨違背國際公法。抑且慘無人道。本市長相應嚴提抗議。即希查照。轉飭制止爲荷。此致日本國駐滬上海總領事村井倉松。

▲市政府抗議日軍違約進攻

逕啓者。查關於貴國海軍侵攻閘北一節。前經向貴總領事提出抗議在案。旋經英總領事暨美總領事。集我兩方當局。及各國防軍司令。於一月三下。會建議。避免兩軍衝突辦法。并約定。不能同意。再由本府請示我國。乃自該日會議後。貴國

行開釁。

事聲明外。相

此致日本國駐劄上海總領事村井倉松。

函達英總領事。美總領事。暨各國領

與各國僑民生命財產之安全。重

▲市政府抗議日軍殺戮市民

逕啓者。查自一月二十八日日本海軍陸戰隊向我駐軍開釁以來。連日公共租界之一部。暨越界築路。以及閘北其他地點。有中國市民橫遭逮捕。不經審判手續。被處私刑。或加殺戮情事。據報至今。受非法監禁者。尙有數百人。似此違反人道及國際公法。本市長不得不提出嚴重抗議。用特函達請即飭知貴國海軍司令官迅予釋放。並對此項橫施私刑及殺戮之兇犯。迅即依法嚴加懲處。以後對於此項情事。務請負責加以取締。並希見復爲荷。此致日本國駐劄上海總領事村井倉松

▲市政府向工部局抗議一

逕啓者。查自本月二十八日夜。日本軍隊進攻閘北以來。迭次攻擊時。均以租界區域爲根據地。與貴局所稱嚴守中立之主旨不符。乃貴局對於日軍隊。破壞租界中立之舉動。未聞有任何制裁表示。殊深詫異。相應提出抗議。請煩查照。迅予設法制止。並希見覆爲荷。此致公共租界工部局總董麥諾登。

▲市政府向工部局抗議二

市政府爲連日日軍又在租界登岸。仍以租界爲攻擊我軍之根據地。向工部局重提抗議云。逕啓者。查關於日本海軍利用租界區域。爲攻擊華軍之根據地一節。迭經本市長向貴局提出嚴重抗議。並促請制止在案。現據確報。昨日有大隊日軍抵埠。係在租界登岸。登岸後。即散佈租界各處。爲攻擊華軍之準備。而危害本市之治安。乃貴局猶復加以優容。殊難索解。相應重提抗議。請煩切實考慮。採取有效方法。嚴加制止。實紉公誼。再據報一二日內復有大批日軍來滬。並希注意。勿得任其在租界登陸。以維持貴局嚴守中立之宣言。免重貽本國人民之誤會爲荷。此致上海公共租界工部局總董麥克那登。

▲市政府向工部局抗議三

逕啓者。查關於公共租界容許日本軍隊。以租界區域爲攻擊軍隊之根據地一節。本府業經向貴局提嚴重抗議。未蒙見覆。在過去數日間。復又疊據報告。日本海軍陸戰隊。屢次武裝通過租界以達滬西。及其他種種軍事行爲。危及本國人民之生命財產。而租界當局。雖經宣言中。於先。復經本府抗議于後。尙復予以優容。尙未見切實制止。殊爲詫異。相應重提抗議。并嚴重聲明。所有因此陳發生之一切責任。當全由租界當局負之。請煩查照見復爲荷。此致公共租界工部局總董麥克那敦。

▲市政府通告各國領事

逕啓者。查關於日本海軍侵攻閩北一節。前經函達貴總領事在案。旋經英美總領事爲

維持和平避免戰禍起見。邀中日兩方當局。及各國防軍司令。於一月卅一日。在英總領事官舍會議。當經英國防軍司令建議。避免兩軍衝突辦法。并約定由日總領事請示日本政府。以三日為期。如日本政府不能同意。再由本府請示本國政府。在此請示期內。仍各不相侵。以上各節。均有紀錄可稽。乃自該日會議後。日軍屢向我本國軍隊襲擊。迨至今日下午二刻五十分。本府忽接到日本總領事署電話通知。謂日本政府對於上述建議辦法。不能同意等語。殊為詫異。且在本府未接到日總領事署通知前一小時。日軍已向我方駐在閘北之軍隊復行攻擊。且用飛機任轟炸該處。查日方既違背信約。且不顧上海市內我國人民與各國僑民生命財產之安全。重行開釁。所有一切責任。當全由日本政府負之。除向日本總領事提出抗議外。相應聲明。並函達貴總領事。請煩查照。主持公道為荷。此致英國美國駐滬上海總領事暨各國總領事。

▲市政府通告各國總領事

逕啓者。查關於租界當局。容許或不制止日本軍隊。利用租界區域。為攻擊中國軍隊之根據地一節。本市長節經向公共租界工部局。提出嚴重抗議。並聲明所有因此而發生之一切責任。應全由租界當局負擔在案。惟租界當局。雖明知日本軍隊之上述行為。足以破壞租界中立。及危害本國人民之生命財產。迄今尚未採取任何有效辦法。加以制止。本市長不得不請貴總領事及其他各國總領事。嚴飭該工部局。即予採取有效辦法。以制止日本軍隊之上述行為。同時鄭重聲明。如本國軍隊為自衛起見。對於利用租界為根

據地之日本軍隊。施以攻擊時。各國僑民之生命財產。受有損害情事。本國政府。概不負任何責任。除分函外。相應函達。請煩查照爲荷。此致各國駐劄上海總領事。

▲市政府向領團表示

上海市政府致各國總領事暨領事云。逕啓者。查關於日本軍隊。利用租界區域爲攻擊中國軍隊之根據地一節。迭經本市長函達貴總領事領事。并其他各國總領事。提出嚴重抗議在案。乃迄今租界當局雖有願意維持中立之表示。但仍未聞採取任何有效辦法。以制止日本軍隊之破壞租界中立。危害中外人民生命財產之行爲。連日以來。日本援軍。又屢在租界當局優容之下。由虹口登陸有攻擊中國軍隊之根據。甚至日本旗艦。亦繼續停泊虹口附近。利用租界之掩護。發號施令。以攻擊我國軍民。雖明知各國船舶及其他產業。必因此而蒙軍事之影響。亦所不恤。本市長暨本國軍事當局。對於租界內中外人民生命財產之安全。本極關懷。惟處此情形之下。本市長不得不重提抗議及嚴重聲明。所有關於租界當局不能制止日本軍隊利用租界區域爲攻擊中國之根據地。所發生之一切結果。本國政府概不負任何責任。再爲安全計。本市長請貴總領事領事。飭住居於戰區附近或日軍駐在地附近之貴國僑民。設法遷避。及轉知貴國海軍當局。勿將軍艦及其他船舶。停泊於日軍根據地附近爲荷。相應函達查照。此致云云。

●第二章 日將最後通牒

敵軍提哀的美敦書

我軍堅拒無理要求

自一月二十八日以來。日軍突然攻擊開北吳淞等處。我十九路軍。爲盡守土之責任。起而謀正當自衛之抵抗。人人抱必死之心。奮勇應戰。轉戰經旬。敵竭全力迭次攻。均遭慘敗。遂派遣數萬大軍應援。連日積極備戰。重圖侵犯。茲以各方佈置已妥。遂於十八晚八時四十五分。以日本軍司令植田謙吉名義。向我十九路軍蔡軍長提出良的美敦書。其內容。包括六項無理要求。同時並以日總領事村井倉松名義。致吳市長一份。措詞大致相同。茲將通牒原文。錄述如下。

日本司令植田謙吉致蔡軍長通牒 本職基於欲以和平友好之手段。達到任務之熱烈希望。茲對於貴軍通考左開各件。

一。貴軍應即從速中止戰鬥行爲。於二月二十日午前七時以前。將現據之第一線撤退完了。於二月二十日午後五時以前。從黃浦江西岸。由租界西北端。連結曹家渡鎮。周家橋鎮。及蒲淞鎮之線起算。黃浦江東岸由連結爛泥渡。及張家橋鎮之線起算。各從租界境界綫。向北二十基羅米突之地域。(包含獅子林砲台)內撤退完了。且在該地域內撤去砲台。及其他之軍事設施。並不新設之。

二。日本軍於貴軍開始撤退後。不行射擊轟炸。及追擊動作。但用飛機之偵察。不在此限。又貴軍撤退後。日本軍僅祇保持虹口附近之工部局道路地域。(包含虹口公園之

（周圍）

三。貴軍第一綫撤退完了後。日本軍爲確認其實行起見。派遣有護衛兵之調查員。於撤退地域。該項調查員攜帶日本國旗。以資識別。

四。貴軍對在該撤退地域外。上海附近之日本人生命財產。應完全保護之。此項保證如不完全。日方當採適當之手段。

五。關於在上海附近（包含撤退區域）外國人之保護。容另商議。

六。關於禁止排日運動。一月二十八日吳市長對於村井總領事之約諾。應嚴重實行。關於此項。當另由帝國之外務官憲。對貴國上海行政長官。有所交涉。

如以上各項不能實行時。日本軍將對貴軍。不得已採自由行動。其結果所生一切責任。應由貴軍負之。昭和七年。二月十八日午後九時。大日本帝國司令官植田謙吉。

第十九路軍蔡延楷閣下。

▲日領致市府函

日總領事村井倉松致市府原函云。逕啓者。自一月二十八日晚。貴國第十九路軍及便衣隊。向日本陸戰隊攻擊以來。聞北方面。中日兩軍。成對抗之形勢。二十九日晚。雙方雖有停止戰鬥行爲之成約。但貴國軍隊。仍背約向我方射擊。或加轟擊。使我方不得不予以應戰。且以貴國軍隊。實行其有計畫的挑戰。於吳淞及江灣方面。亦發生軍事行動。在此時間。貴方一方面散布關於第十九路軍勝利等無稽之虛報。一方面對於我方

公正之行動。加以種種誹謗。其結果第十九路軍對於防衛租界保護居留民而絕無他意之我軍。加以新的攻擊。便衣隊出沒於各處。依然不停止其惡劣兇暴之行動。在留日本人固無論矣。卽上海租界。亦受到非常之威脅。本總領事。認爲在此之時。從速解決。由兩國軍隊衝突而起之事態。乃極爲必要。故希望依照左列條件。從速終止戰鬥行爲。切望貴國軍隊。接受該項條件。並望貴市長卽行轉達貴國軍隊。接受該項條件。同時予以切實之履行。如貴國軍隊不接受該項條件。日本軍隊。將有自由行動之事實。(一)中國軍隊。須於二月二十日午前七時以前。將第一線撤退完了。於二月二十日午後五時以前。從黃浦江左岸。由公共租界西北端。連結曹家渡鎮周家橋鎮及蒲淞鎮之綫起算之租界北部境界綫以北。及接連黃浦江右岸爛泥渡及張家樓鎮之綫以北。完全撤退。至距租界綫二十基羅米突以外之地域(包括獅子林砲臺)卽將該地域內之砲臺。及其他軍事設施撤去。並不得重行建築。在上海附近而不屬於上述撤退地域內一帶之日本人生命財產。須由中國方面完全保護。如上項保護有未完全之情形。日本方面。得執行適當之手段。便衣隊。中國方面應一概有效禁止之。(二)日本軍在確認中國軍隊。業已撤退之後。僅祇保持虹口附近之工部局道路地域(包括虹口公園之周圍)日本軍自中國開始撤退以後。停止射擊轟擊及追擊之動作。但飛機之偵察。不在此限。(三)中國軍第一線撤退完了後。日本軍爲難認其實行起見。得派遣有護衛之調查員於撤退地域。(四)關於保護上海附近(包括撤兵地域)之外人。另行商議之。再關於第十九路軍。此次採取此

種行動之經過。業於二月十五日日本總領事致貴市長函中言及。認為畢竟由於貴市長對於一月二十八日答復一月二十日本總領事要求所稱隨時解散抗日會及禁止其他排日運動之諾言。未有切實實行之誠意與能力而發生。是以本總領事。應重新向貴市長要求。從速而且完全實行上述貴市長之諾言。本總領事以極大之關心。監視貴市長對於本案之實行。如貴市長不能實行。我方不得不採取適當手段時。由此所發生之一切責任。應由貴方負擔。合併聲明。相應函達。即煩查照。此致。

▲駁覆日方通牒

謂一切行動聽命國府

所提各節由外部答覆

日軍司令植田謙吉。及日總領事村井倉松。向我十九路軍。及市政府當局所遞之最後通牒。十九日下午七時。我十九路軍軍長蔡廷楷。市長吳鐵城。同時將覆文分別送交日軍司令部。及日總領事署。十九路軍總指揮蔣光鼐。蔡廷楷軍長。并發表負責談話。表示軍人守土有責。絕不因敵人之恫嚇而畏縮。茲將覆文。詳誌於下。

十九路軍覆文

逕覆者。頃接貴司令二月十八日下午九時來函。備悉種切。大

軍為中華民國國民政府所統轄之軍隊。所有一切行動。悉遵國民政府之命令。來函所關各節。業經呈報國民政府核奪辦理。由外交部逕行答復貴國公使。本軍長未便答復。此致大日本軍司令植田謙吉。中華民國第十九路軍軍長蔡廷楷。二十一年二月十九日午

七時。

市政府之覆文

逕復者。昨晚九時。接准貴總領事來函所開各節。業經閱悉。查來函所述。上海方面嚴重之形勢。均係貴國軍隊。違反公約公法。任意進攻我國領土。慘殺我國人民所造成。其一切責任。應由貴國方面負擔一節。迭經函達在案。此次貴總領事所請轉達本國軍隊。要求實行之各項條款。本市長未便轉達。查來函所指各節。均為足以影響中日兩國一般關係之問題。應由兩國外交代表處理。故本市長業已呈報本國政府核奪。由外交部逕行答復貴國駐華公使矣。惟應聲明者。貴國軍隊。現仍實行挑釁。攻擊轟炸。無所不為。以致本國國民之憤慨。日見增加。在此情形之下。所謂抗日運動。自難消滅。因此而發生之一切責任。貴國自應完全負擔。相應函復。即煩查照。此致。

▲外交部嚴重抗議

外部對日本植田司令最後通牒。已向日使提出嚴重抗議。原文如下。據上海蔡軍長廷楷電稱。十八日下午八時四十五分。接到日軍司令植田謙吉來文。請中國軍隊從速終止戰鬥行爲。於二十日午前七時以前。將現據之第一線撤退完了。並於是日午後五時以前。從黃浦江東西岸指定地面。各離租界線二十基羅米突之地域內撤退完了。又在撤退區域內之砲台及其他軍事設施。予以撤去。並不新設。並開列其他條款。要求實行。否則採自由行動等語。又據吳市長鐵城電稱。駐滬日本總領事村井倉松亦有同樣公函致諸

市長。查自上年九月十八日日本軍隊在瀋陽無端開釁以來。節節以武力進逼。侵佔東北各地。迨本年一月二十八日。日本軍隊又突然向上海閘北地方進攻。二旬之間。日本大隊陸海空軍在閘北吳淞各地肆意攻擊。中國駐軍爲自衛計。不得不加以抵抗。乃在滬之貴國軍司令及總領事。竟復分向蔡軍長及吳市長提出種種不可能之要求。實屬無理已極。倘日本軍隊再行進攻。中國軍隊仍必竭力抵抗。所有因此發生之一切結果。應由貴國政府負其全責。相應提出嚴重抗議。照會貴公使。即希查照爲荷。(二十日專電)

●第三章 吳淞江灣之戰

敵艦砲轟吳淞旋即停止

江灣激戰我軍獲戰利品

日報評論我軍戰壕精巧

敵將野村植松幾遭不測

(二月十六日之戰況)

敵軍戰略。已由閘北移至吳淞。而江灣爲兩路之聯絡線。故亦爲敵軍所重視。連日砲轟吳淞及今日襲攻江灣。均爲其戰略之見端。而閘北砲聲不過爲其聲東擊西之威脅而已。我軍沈着應戰。抱敵來則攻之決心。故敵軍砲火雖猛。均爲我軍所擊退也。茲將各情

分誌如次。

▲吳淞之戰況

敵騎多名中伏覆沒

今晨敵艦攻獅子林

寶山民房略有損失

吳淞方面。於十五日傍晚七時許。在蘊藻浜方面。曾用大砲向我陣地攻擊。並有飛機數架。黑夜航空擲彈。我軍沉着應戰。至今晨二時許。敵軍復遣騎兵多名。由西唐家橋方面進犯。冀圖包抄我軍後方。當中我軍伏兵。即被我軍殲滅。奪獲戰利品無算。又今晨五時許。敵艦四艘。在吳淞口外。向我獅子林砲台轟擊七十餘砲。並有飛機三架。在吳淞寶山一帶擲彈助戰。我軍竭力應戰。約歷一小時之譜。敵仍不得逞。茲將本日戰況。及我軍奪獲之戰利品。分別彙紀如下

紀家橋之激戰

昨日下午七時許。敵軍又用大砲掩護。向蘊藻浜南泗塘河。直至紀家橋全綫我軍猛攻。同時泊於張華浜之敵艦三艘。發射探海燈。探照我軍最前線陣地。使我戰士目眩神迷。並有飛機數架。黑夜環繞天空。亂擲炸彈。我軍憑河堅守。敵軍終不得逞。雙方激戰終宵。至今晨二時許。敵軍砲火益形劇烈。

殲滅敵騎多名

同時敵軍復派騎兵多名。在西唐家橋附近。人馬銜枚疾進。希圖包抄我軍後方。詎在該處口口中。伏有我軍五十名。攜有機關槍三架。當敵騎馳經口

此
页
缺
页

此
页
缺
页

此
页
缺
页

此
页
缺
页

此
页
缺
页

此
页
缺
页

此
页
缺
页

此
页
缺
页

此
页
缺
页

此
页
缺
页

此
页
缺
页

此
页
缺
页

此
页
缺
页

此
页
缺
页

此
页
缺
页

此
页
缺
页

昨日傷亡之衆。

江灣站附近大火 江灣方面。戰事異常激烈。兩軍互有進退。雙方砲隊尤有特殊之活躍。敵全日發砲至千餘發之多。至敵方飛機。則於上午六時起。即有六架飛機到江灣。到處拋擲炸彈。七時許。萬安橋一帶之民房。因中硫磺彈而起火者數處。在大場一帶。已可見到。江灣方面之烈焰冲天。江灣車站附近之廟宇民房。亦有數處起火。

敵用火焰放射機 植田謙吉統率之第九師團。號稱爲福田師團中之最精銳部隊。開拔來滬後。即備作困獸之鬥。聞植田此次總攻。有見肉搏衝鋒。徒受損失。故變更策略。取化學攻擊。以克制我軍。惟毒瓦斯之施用與否。尙在顧慮。刻得確訊。該團携來有一種「火焰放射機」。狀如普通公事皮包。內藏壓縮瓦斯及燃料。專作黑夜火攻之用。射放後火焰能及十五米達之遠距離。使我軍受極大傷害。而減少作戰能力。並悉前次由黃浦碼頭登陸之白衣兵。即爲火焰放射機之機手。但我軍方面早已探悉。并已早事預防妥貼。

日軍擲下汽盆 今日上午九時十分。日軍用飛機一架。在大場附近。放下汽盆百餘個。查此項汽盆。上用白線罩住。下用白紙爲底。中藏藥物。下地後即行炸發。變成濃烟。該地鄉人見狀。即持赴報告。現正在研究中（按即前條火焰放射機所投下者）

▲閘北方面戰況

擊燬坦克車二輛

奪獲山砲共六尊

佔領敵軍司令部

日軍江灣吳淞兩地實行總攻。今晨九時許。同時猛襲閘北八字橋。天通庵路。邢宅路。西寶興路。並利用飛機。大砲。坦克車。掩護步兵衝鋒。虹口靶子場。及狄忠威路日軍兩砲基地。發砲竟日。無一效果。反被我軍將狄忠威路日軍司令部轟燬。奪獲山砲六門。八字橋方面。燬敵坦克車二輛。敵兵傷亡無數。我軍陣線。在天通庵方面有進展。餘無變化。茲將閘北各路戰況分誌如次。

八字橋敵大潰

今晨七時起。

日兵首先向閘北進攻者。爲八字橋方面日兵。先

以大砲向該處我軍防地轟擊。但我軍均伏處戰壕。不動聲色。亦不還擊。日兵乃於九時許。以坦克車十餘輛。步兵二千餘名。向八字橋進攻。步兵均尾於坦克車後。我軍即以機關槍射擊。日擊砲隨之。敵兵仍利用坦克車。猛烈進衝。我軍乃拋擲手榴彈。同時敵方飛機。亦在空中助戰。大砲密發。我軍在彈雨之下。益奮勇迎擊。待敵坦克車衝入火綫時。我軍即以手榴彈引發地雷。轟然一聲。敵坦克車二輛。卽爲炸燬。敵兵死傷狼藉。血流成渠。我軍乘勢反攻。敵兵不支。紛向原路奔逃。我軍恐敵埋伏。固守原防。祇用步槍追射至十一時許。敵兵又用砲轟。但均未中的。未傷我軍分毫。我軍間亦以迫擊砲鋼砲還擊。至下午二時稍殺。三時後。日兵又圖反攻。因此雙方又起激戰。但敵方因晨間受挫後。已露畏縮情態。故祇在原防線內射擊。我軍沉着應戰。日兵不敢前進。乃漸

平息。結果。我軍大捷。敵兵傷亡四百餘名。燬去坦克車二輛。

天通庵路敵敗退

日兵於進攻八字橋後。即於十時許。向天通庵路我軍防線。同樣進攻。槍砲互射。密如連珠。敵兵視爲唯一利器之坦克車。屢圖衝散我軍防綫。惟我軍手榴彈炸彈。密如雨點。齊集敵兵坦克車上。同時我軍。多從戰壕中躍出。猛烈前衝。敵坦克車恐受圍擊。亟亟後退。敵兵胆寒。中亦且戰且退。所用爲掩護衝鋒。坦克車。乃變而爲掩護敗退之用。敵傷亡者二百餘名。至下午二時許。敵又圖襲擊。我軍即伏於戰壕內應戰。但敵軍至距離約三百米突地點。即不敢前進。互相對峙。約二小時。敵因不得逞而敗退。

邢家宅路敵受挫

下午一時許。日兵以八字橋及天通庵路。先後久敗。乃急急抽派陸軍四百餘名。鐵甲車十餘輛。由邢家宅路新民路。在飛機野砲掩護之下。向北站進襲。至寶山路口。吾軍突出應戰。一面拋擲手榴彈。一面以機槍橫掃。敵人驚惶四竄。有一小部份。由鴻興路向東逃去。被寶興路吾防軍迎頭痛擊。悉數殲滅。義品里之南。屍骸狼藉。敵偷襲不成。張脈憤興。北河南路底與靶子路北。同時以大砲轟擊吾軍陣地。我亦發砲還擊。至一時後。完全以砲作戰。隆隆之聲。二十分鐘始息。聞靶子路口日人所設之大砲兩門。完全爲我軍擊毀。

西寶興路激戰

日兵既敗於八字橋。又敗於天通庵路。再敗於邢家宅路之後。猶圖作困獸之鬥。於下午五時一刻左右。重調精銳。向我西寶興路進攻。我軍早已嚴陣

以待。俟敵進衝。卽予痛擊。日兵乃改用鐵甲車衝鋒。又爲我軍手榴彈逼退。敵方大砲。頓向我軍轟擊。但多中於民房內。且未炸裂。我軍乘勢進擊。同時手機關槍盒子砲迫擊砲步槍手榴彈鋼砲。齊向日兵陣線集擊。敵兵在我方砲火威逼之下。漸覺不支。傷亡枕藉。後援無應。乃逐步敗退。我軍因戰略關係。仍守原防。

佔領敵司令部 今日。日兵以大砲轟擊我軍陣綫者。均發自虹口靶子場及狄思威路日司令部方面。但我軍還砲準確。曾予敵兵後方以巨創。因此在今晨間。敵兵陣綫。確起變化。未幾敵兵援軍開到。乃得勉強支持陣地。至中午。狄思威路日兵司令部。被我砲擊燬。靶子場方面敵兵砲位。有被壓迫放棄之勢。砲聲從未間斷。至下午六時三十分左右。我砲隊又將狄思威路敵兵砲基擊燬。同時天通庵路我軍乘機追擊。敵砲兵因步兵失却抵禦力。節節敗退。乃亟圖携砲退却。但我軍已追到。當爲我軍奪獲山砲六門。敵司令部。卽被我軍佔領。沿途敵兵屍狼藉。滿衢血斑。刻我軍尙在分途夾擊中。

第七章 敵軍三次大敗

江灣激戰竟日敵受重創

持志大學敵軍七百全殲

敵司令部中彈起火延燒

我軍擊落敵軍飛機二架

(二月二十一日之戰況)

日軍昨日拂曉起。遣派海陸空軍。向我方全線總攻。竟日。結果又遭慘敗。本日自晨至晚。仍向我江灣及吳淞砲台。全線繼續攻擊。我方亦全線應戰。敵終不得逞。且在江灣路持志大學內有日兵七百餘名。被我軍包圍。於下午五時許。完全殲滅。並於上午十一時許。在廟行鎮八字橋。擊落敵飛機兩架。下午三時許。又在劉行鎮擊落一架。聞北方面。今日較爲靜靖。惟晚間我方曾向敵軍司令部(即北四川路日本小學)開砲。被我砲彈擊中起火。爲勢甚烈。死傷甚多。敵軍飛機多架。今日飛至我軍後方各處。偵察擲彈。炸燬民房甚多。民衆受傷亦不少。又二十日上午敵艦被我獅子林砲台擊沉一艘。擊傷二艘。蘊藻浜方面。被我擊傷一艘。茲將詳情。彙誌如後。

▲江灣方面戰況

血戰竟日敵軍潰退

炸燬敵坦克車二輛

奪獲機關槍廿餘挺

敵司令部退引翔港

敵軍自昨晨七時二十分下總攻擊令後。主力部隊。集中江灣。吳淞閘北同時進攻。我軍浴血應戰。相持達二晝夜。敵死傷枕藉。始終未能越我防線一步。敵前次竭海陸空軍

全力。曾二度總攻。均遭慘敗。此次蓋為第三次也。茲將昨日江灣戰況。分誌於後。

敵軍三路攻擊

敵軍此次作戰。注全力於廟行鎮及江灣間之陣線。敵軍目前晨開始向該線進攻時。據外人調查。敵及該處備有大砲一百十三尊。坦克車及鐵甲車共四十餘輛。陸路飛機共三十餘架。全數用於該陣線上。陸軍兵力約一萬餘人。分正面與左右兩翼三路進攻。其正面配置於江灣鎮東北方。右翼在廟行鎮與孟家宅一帶。左翼在江灣車站東面。近復旦大學。沿翔殷路前進。三路戰事。入夜未止。已經兩晝夜之血戰。

孟家宅敵全滅

昨日敵右翼約五百餘人。向江灣車站之西。進攻我孟家宅防線。在猛烈砲火掩護之下。努力衝退。我軍躍出戰壕。肉搏鏖戰。並以奇兵截斷敵之去路。成包圍形勢。敵苦戰不得脫。至今晨二時。全被我軍殲滅。今晨拂曉起。敵更以坦車數輛。排一字形。向前推進。行至距孟家宅一軍陣線約一千餘米突處。忽有三數輛陷入陷阱。以致其餘坦克車不敢再行前進。我軍當由戰壕中衝去。以手榴彈步槍及手提機關槍等。向敵坦克車後尾隨之十隊前進。待相距約二三百米突之時。我軍即下令衝鋒。一時入混戰狀態。雙方肉搏。血戰數小時。敵終以不支潰敗。

獲機關槍多架

至正面之敵。自今日迭次進攻江灣慘敗後。今日上午十時。敵仍積極向我陣地衝擊。以坦克車。機關槍。繼以步槍。復由重砲掩護進攻。向梅園宅。天樂寺。及江灣萬國體育場進逼。我軍態度鎮靜。彈無虛發。俟其逼近我戰壕時。地雷機關槍同時齊發。而敵之砲彈遂失其效用。敵旅進旅退。衝攻餘次。死傷無數。至下

午四時。敵 竭停攻。我軍奮獲機關槍二十餘挺。及戰利品無算。

敵軍騎兵中伏

敵軍右翼。以復旦大學為中心。時時向陣線攻擊。均被我軍擊退。敵騎兵一小隊。中計被包圍。全部。決。惟該校子彬院。聞公室樓上。及全部宿舍。及留校學生之行李。均被殲毀。該校附近之民屋。如李校長登輝住宅。亦被日機投彈焚燬云。

敵司令部移退

江灣方面。我軍以江灣跑馬場為根據。敵以引翔港跑馬場為根據。至昨晚八時。敵向我江灣跑馬場進攻。肉搏極為猛烈。經我軍痛擊。激戰二小時後。敵有不支勢。並聞敵司令部已移退至引翔港方面。

敵機擲彈幼稚

今日下午二時。敵飛機兩架。在江灣復旦大學天空盤旋。擬向我陣地擲彈。結果落下之彈。竟中我軍陣地炸壞唐克車二輛。足見日空軍技術之幼稚。

炸燬敵坦克車

江灣方面。今晨有猛烈之劇戰。十時後敵方以坦克車七輛。掩護千餘敵軍。向我軍防地衝鋒。當敵軍衝駛中我軍所埋地雷爆炸。我軍並以子機關槍手榴彈還擊。敵不得逞。當燬敵坦克車二輛。餘五輛旋即退逃。斯時敵軍千數百人。為我軍猛擊。隨車後逃。非常狼狽。死傷遍地。

江灣車站被炸

今日敵在江灣方面。以重砲轟我江灣車站。今午當被擊中數彈。車站大部被燬。職員均安全出險。並無死傷。

▲持志大學激戰

敵軍被圍血戰五小時

全部七百餘人均擊斃

今午十二時。江灣持志大學內之日軍。約七百餘人。經我軍先以重砲轟擊。繼以大隊猛衝。雙方激戰至爲劇烈。我軍另一部隊由後抄襲。將敵全部包圍。戰至下午五時。敵七百餘人全被殲滅。無一生還。又據報告。今晚八時許。北四川路方面有日人卡車四五輛。滿載日屍。開往楊樹浦而去。想係今日江灣激戰。日軍之犧牲者云。

▲吳淞方面戰況

敵軍偷渡蘊藻浜失敗

我軍曾越蘊藻浜擊敵

敵艦夕張號中彈受傷

吳淞口外。今日下午。有敵軍艦二十餘艘。飛機數架。向我獅子林砲台會攻。早晨四時許。亦有敵艦七艘。向砲台環攻。同時蘊藻浜方面。有敵軍步兵二百餘名。向蘊藻浜橋塊偷渡。均被我軍擊退。我軍陣線。仍無變動。茲將戰況。紀述如後。

攻擊吳淞又失敗

今晨四時許。敵艦七艘。在吳淞鎮附近之浦江中。向砲台灣

方面開砲進攻。至十時許始停。下午三時。敵方復以軍艦三十餘艘。飛機數架。向我獅子林砲台集中火力。猛力轟炸。我軍沉着應戰。敵終不得逞。並有二五六號敵機一架。

在劉行鎮方面。被我七十八師擊落。

蘊藻浜敵偷渡敗退

今晨四時許。有敵軍步兵二百數十人。分乘鐵壳駁船四艘。由停泊黃浦江中之敵艦掩護。駛退蘊藻浜。希圖在蘊藻浜大橋堍偷渡登岸。襲奪我軍戰壕。當該駁船駛進浜內時。遂被我軍發覺。立時以機關槍奮勇掃射。敵不支。隨即敗退。至七時許。復有敵機三架。自口外飛來。向砲台及蘊藻浜一帶擲彈十餘枚。蘊藻浜正面之敵軍。昨日仍用大砲轟擊。並無進攻模樣。故雙方陣線。亦無特殊變化。

我軍曾越蘊藻浜進攻

路透社云。今晨吳淞前線之華軍。突越過蘊藻浜。向日軍陣地進攻。各方對華軍之勇敢。咸表驚愕。以在日軍陸海空軍激烈攻擊之下。而華軍竟能越過蘊藻浜咸認為大可讚美云。

擊沉日軍艦一艘

昨晨三時。敵艦十餘艘。圍攻我獅子林砲臺。經我軍還擊。激戰至昨日下午三時許。結果。擊沉日艦一艘。餘艦始狼狽逃去。

敵艦夕張號受傷

敵軍於昨日攻我吳淞時。有敵方指揮艦夕張號。泊於張華浜糧米站碼頭。於二十二日下午二時許。被我軍砲彈擊中艦尾砲位。轟燬大砲一尊。日兵二名。該艦中彈受傷後。即行駛離碼頭。退泊光華油棧前浦江中。

▲閘北方面戰況

敵分三路進攻

均被我軍擊退

敵軍總攻擊後。雖其重心側向於江灣方面。而對於閘北一帶。仍時以部隊二百人

。或數十人衝鋒。擾亂我軍陣線。今日上午。新民路川弓路等處。仍時有接觸。茲刊誌於次。

敵襲新民路

今晨十時許。敵軍先以大砲開放四五發。繼即用鐵甲車一輛。在旁掩護穿黃色制服之陸軍五百人。向防守新民路之防地衝來。經我軍於沙袋旁猛轟一砲。將敵鐵甲車廂穿一巨洞。車身既爲傾覆。車上敵軍。見勢不佳。即向後逃竄。同時敵軍五百餘人。亦經我軍猛射擊退。是役戰爭時間。祇一時許。至午後四時許。敵又由該處衝出。當被我軍用機關槍擊退。

川弓路敵又潰

今晨八時許。沿北四川路敵兵約二百餘人。突向川弓路進攻。我軍即在廣東街接戰。雙方激烈之巷戰。重又開始。我軍迫擊砲機關槍助戰得力。日軍前部先鋒隊相繼倒斃。後部敵兵見狀。乃亟潰退。我軍乘機追擊。又斃敵十餘名。敵分向靶子路狄思威路一帶敗退。

天通庵有激戰

今午十一時十五分。天通庵方面。日軍又以大砲。我軍陣地轟擊。軍未加還擊。至二十五分。日軍四五百名。以我方毫無動作。即藉砲火掩護。向我軍衝鋒。我軍沉着應戰。迨日軍馳抵我方防線外百碼時。即以機關槍來福槍手榴彈等。加以猛烈掃射。頓時擊斃日軍百餘人。其餘日軍。即紛紛向後倒退。我軍當即出壕追逐。又擊斃日軍數十人。遺屍遍地並奪獲步槍百餘枝。

日軍虛耗砲火

大陸報云。昨日（二十一）湖北方面華軍沉着應戰。居於砲旁。詳

待日軍攻擊。僅偶答一二砲而已。日軍則砲轟不絕。大半發於靶子場砲兵陣地。當其猛轟時。發砲如狂。小鋼砲與四生的半砲依次而發。該處砲隊三隊每隊大砲二尊。自晨至下午時。常砲聲不斷。每次第一號砲發彈後。即繼以第六號砲。嗣是第二第九第五第八第三第七與第四各砲相繼而發。周而復始。每歷半分鐘。輒發一砲。不僅其順序不亂。且時間之準確。幾若時辰鐘之不爽分秒。顧對於敵人。則效力極微。祇見閘北各處濃煙衝天。徒事延燒民居而已。然堅固之建築物。雖飽受砲彈。往往屹立無恙至於中國軍隊則極鎮靜。居於陣線之內。睇察敵人動靜。苟見敵方有前進模樣。立起應之。極為機警。但若一二日兵露其身體。則視若無覩。仍不放槍。蓋華兵顯然以為一二敵兵。不足介意也。

日司令部中彈 北四川路橫濱橋日本小學日軍司令部。經我軍發砲中着。頓時起火。延燒甚烈。

擊落敵機三架 今日上午敵機四方拋擲炸彈時。吾方除用高射砲轟擊外。並用空軍飛機應戰。敵機前後被吾擊落者共計三架。(一)劉行鎮一架。係用步槍擊落。(二)閘北八字橋。被吾軍用高射砲擊落一架。(四)廟行鎮敵機與吾空軍作戰。被我飛機開機關槍擊落一架。

軍部發表戰訊 十九路軍司令部發表戰訊如下。(一)昨日敵軍。向我總攻。結果。敵人全部潰退。我軍擊燬及奪獲敵坦克車九部。擊落敵飛機四架。敵人死傷無數。

(二)昨日敵衆五百餘人。攻我孟家宅防線。(在江灣車站之西)激戰多時。我軍突出奇兵。向敵包圍。敵苦戰。得脫。於今晨二時。被我軍全部殲滅。(三)昨日敵艦二十餘艘。集中火力。向我砲臺轟擊。但我方並無損失。僅被擊燬離砲臺甚遠之小橋一道。敵艦見不得逞。退去。(四)今晨。敵飛機二十餘部。在吳淞擲下燒線彈。致以房到處起火。焚燬甚多。(五)日兵於進攻孟家宅時。對於附近之中年婦女。先行輪姦。然後以刀斷其四肢。或用刀割傷各部。聽其在地上輾轉呼號。其慘狀有非筆墨所能形容者。(六)今晨八九時間。敵機十餘架。在南翔車站擲彈十餘枚。我方并無損傷。祇死傷難民甚衆。(七)今晨敵機十餘架。在真茹迴旋許久。爲我軍擊退。至九時許。復有敵機六架。在真茹無線電台附近。擲下猛烈炸彈五六枚。當即爆炸。聲聞數里。惟該彈均落空地。我方毫無損傷。

又下午五時發訊。(一)今日下午三時起。敵艦三十餘艘。飛機數架。向吳淞獅子林砲台。集中轟炸。我軍略有傷亡。同時在劉行鎮被我八十七師步槍擊落飛機一架。該飛機號數爲三五六號。(二)同時江灣一帶。敵用坦克車大砲。向我進攻。經我軍沉着應戰。敵死傷甚多。(三)一時許南翔車站被敵機炸死站長一人。難民三四十。又同時敵機四五架。轟炸大場車站。共炸死無辜難民四五十人。(四)昨夜孟家宅居民。全被屠殺。祇餘小孩三名。由我劉旅帶回安置。(五)江灣鎮房屋已全數被毀。

◎第八章 我軍空前大捷

敵軍全線潰退損失奇重

廟行鎮血戰殺敵三千餘

(二月二十二日之戰況)

▲江灣方面戰況

金穆宅敵受大包圍

晚九時敵軍總退却

敵軍自連日傾其全力。向江灣鎮進攻。迭受重創後。乃於昨日午夜。又復變更計劃。今晨集中二萬大軍猛攻我廟行鎮。一萬人進攻我江灣之西面。六千餘人攻我八字橋。竭全力向我衝擊。我軍沉着應戰。激戰至下午五時後。敵大部份在江灣之北。廟行鎮之東金穆宅地方。被我軍全部包圍。餘衆全線總退却。我軍乘勝追擊。斃敵無算。茲將江灣廟行鎮等處。我軍激戰殺敵詳情。分誌於下。

敵軍分三路進兵

敵以攻擊江灣鎮失利。遂又變更作戰計劃。於今晨三時許。

分三路進兵。猛攻我廟行鎮。計第一路由江灣分一部份兵力向西北開進。第二路調駐蘊藻浜全部敵軍向西南。第三路由張華浜向南北。集中二萬大軍。攻擊我廟行鎮。敵之預

備隊。亦全開赴前線作戰。蘊藻浜張華浜方面。僅留二三百人防守。

廟行鎮空前血戰

敵軍二萬集中於廟行鎮方向後。即用鐵甲車坦克車卅餘輛。在猛烈砲火下。掩護衝鋒。企圖一舉佔領。故其來勢之猛烈。爲開戰以來所僅見。幸經我軍步哨。覺察甚早。當即奔回報告。全體準備。俟其來近。卽由當前之軍隊。奮力還擊。同時並由左右突出。向敵軍側面夾擊。并包抄其後。加以圍攻。惟敵軍來意。頗存奢望。故亦極力掙扎。作困獸之鬥。戰至最後。短刃相接。完全肉搏。其後敵漸不支。二次又調集後方部隊。加入作戰。亡命猛攻。雙方混戰肉搏。激戰之猛烈。較諸曹家橋一役尤甚。同時敵機數架。亦飛翔空際。頻向我軍陣地拋擲炸彈。並以機關槍助戰。我軍以司空見慣。兀不爲動。但敵衆我寡。實力相去懸殊。至十時後。頗現危急之象。幸將士抱必死之心。無不以一當十。勇猛抵禦。至十二時。我援軍大至。出奇兵包抄敵軍後路。於是始轉險爲安。敵軍驟出不意。死傷無算。敵陣線遂大搖動。此時日飛機增至十餘架。向我陣地投彈如雨。我軍以敵勢已衰。遂改守爲攻。左右衝擊。至下午五時。斃敵至三千餘人。敵遂全部潰退。是役我軍大獲全勝。燬滅敵坦克車二輛野砲二十餘門。槍械無算。

襲江灣之敵軍慘敗

今晨。敵一方面以主力猛攻廟行鎮。同時以萬餘人兵力。攻我江灣鎮之正面。今晨。時二十分許。敵萬餘人。由持志大學東首突出。憑藉先施足球場之東圩下。向我猛烈攻擊。携有野砲十五門。馬拖過山砲五尊。當時我軍。伏於淞

滬路畔之小溝中。寂然不發一槍。日軍乃衝鋒前進。將抵淞滬路時。我軍突起迎擊。同時我美衆祠駐軍。亦聞警包擊。雙方搏鬥至烈。相持甚久。敵另支隊由小觀園附近向我猛襲。我軍當其前進時。立即化作散兵線。將近戰壕時。乃出而應戰。混亂三小時。此時駐防六三花園之敵軍。聞警衝援救。而我開北方面。亦調到援軍。參加作戰。至下午四時。敵傷亡千餘人。紛紛潰進。

金穆宅之大包圍 廟行鎮方面及江灣敗退之敵。經我軍追擊。狼狽不可名狀。至晚間八時。敵萬餘人。在江灣鎮之北。廟行鎮之東。金穆宅地方。全部被我軍包圍。敵雖拚命突圍。終不得逞。預料明晨當可全部解決。

敵軍全線總退却 敵大部在金穆宅被我軍大包圍。殘餘部隊。軍無鬥志。經我軍衝攻。防線立潰。今晚九時。敵沿廟行鎮江灣八字橋等防線。全線總退却。由引翔鄉而至狄思威路。平涼路。在匯碼頭集合。我軍乘勝追擊。先鋒部隊到達岳州路沈家灣等處。一時虹口區域以敵軍之無秩序總退却。陷於大混亂。我軍爲尊重條約。下令不得衝過租界。否則託庇於租界之敵。今晚當更得一總解決。

▲開北方面戰況

我軍砲火猛烈

敵軍各路皆潰

開北方面。今日均有激烈戰事。自晨至晚。竟日未息。砲火之烈。爲大戰中之第一次。

。日軍傾其全力。圖攻閘北。均經我軍先後擊潰。並乘勢追擊。於下午三時。我軍已全部挺進。至狄思威路岳州路虹鎮及老靶子路北四川路等處。日兵陣線當即全部總退却。至晚間八時。尙在沿吳淞路閔行路向後奔潰。同時竄樂安路。忽起大火。虹口日軍陣線。因此大亂。我軍後方砲隊。掩護得力。日軍在我砲火威逼之下。竟失其戰鬥力。刻已移向浦江方面敗退。同時。日軍中路線後方。已被我軍阻斷。虹口靶子場及北四川路底日軍司令部。已無日軍踪跡。茲將閘北方面我軍各路報捷。分誌於次。

八字橋我軍大捷

今晨拂曉。日軍於總攻廟行鎮江灣鎮後。即分重兵。向我八字橋進攻。計有陸軍五千餘名。利用鐵甲車迫擊砲機關槍在前衝鋒。我軍即奮起迎擊。手榴彈機關槍同時並發。當即斃敵先鋒數十名。嗣敵軍又繼起猛衝。前仆後繼。終以我軍砲火猛烈。未爲所逞。我軍即於斯時反攻。以至肉搏。雙方機關槍迫擊砲。全失其效用。敵旅進旅退。我軍出沒於敵陣間。銳不可當。但見我軍到處。敵兵東倒西傾。血花四濺。我軍愈戰愈勇。敵軍已無抵禦能力。乃漸漸向虹口花園方面潰退。我軍即乘勝追擊。沿途在靶子場。施高塔路。又起激戰。但敵氣已餒。稍抗即潰。至下午三時許。我軍已達狄思威路。我後方部隊。亦呼應而進。至四時許。我軍最前線。達岳州路。至六時許。已趨虹鎮。於是該路日軍陣線。全部被我軍擊潰。同時竄樂安路突起大火。虹口一帶。日軍秩序頓時大亂。狼狽逃竄。在八時許。日軍沿吳淞路。閔行路。向浦江方面敗退。我軍尙在追擊中。此役日軍傷亡達二千餘名。我軍傷百餘名。已送醫院救治。

虬江路又報殲敵

日軍於進攻八字橋後。繼即向虬江路。福生路。進攻。計達千餘人。惟此處街道縱橫。故非有精密之佈置。決難應付。我軍利於巷戰。且防守得宜。以致日軍屢攻屢敗。當日軍進攻時。係分兩路進犯。一自虬江路。一自邢家宅路。我軍於該處久有重兵。當亦分兩路回擊。雙方均在夾弄間。衝鋒肉搏。機關槍。迫擊砲。居高臨下。尤使敵兵心寒。故未幾敵兵已死亡盈百。其後部隊。正擬退走。我軍即乘機衝進。於是兩路敵軍。同時退至北四川路。我軍會合。追達虬江路口。乃向老靶子路進攻。日軍處斯絕境。回軍頑抗。至午後一時許。敵全部覆滅。至三時許。因悉我軍一路已達狄思威路。乃繼續向虹口腹地推進。同時我後方砲隊。用砲掩護。於晚間十時許。此路我軍前線。已達沈家灣。進逼吳淞路。與岳州路我軍會合。

天通庵路之截擊

今日。我兩路軍擊敗日兵。追蹤至虹口區域。時進攻天通庵路之日軍五百餘名。同時被我軍擊潰。向北四川路底司令部退却。我軍遂即進逼。向敵司令部圍擊。至下午四時許。敵軍即放棄退出。但我軍並不佔據。仍向北四川路追擊。因此虹口方面敵軍受圍。全部奔潰。

▲吳淞方面戰況

日艦一艘被我軍擊傷

敵兩次攻蘊藻浜未逞

今日上下午。敵軍艦及飛機。均向我吳淞砲台進攻。仍不得逞。且被我軍擊傷軍艦一

艘。蘊藻浜方面。今晨一時許。敵軍曾向我陣地進攻兩次。均被我軍擊退。敵軍並受重創。至上午十時許。敵方有鐵甲車在蘊藻浜正面進犯數次。亦終不得逞。茲將戰況詳情紀述如下。

敵艦一艘被擊傷

今日上午。有敵軍艦十餘艘。在口外用重砲向吳淞砲台猛攻。同時並有飛機一架。在空中助戰。我軍亦還砲抵抗。激戰約一小時。敵艦一艘。被我砲彈擊中要害。該艦受傷時。立向左右擺動不已。大有沉沒之勢。旋被敵艦四艘保護退去。餘艦亦向長江方面駛去。敵機見勢。遂向楊樹浦方面飛去。

敵兩次進攻失敗

駐紮淞南黑橋及周家浜口之日軍。於今日上午一時。向西猛衝直至季家橋南首尼姑菴地方。爲我軍擊退。至大將黎明。又作第二次衝鋒。我軍初則沉着不戰。俟其逼近我軍防線時。一聲令下。以大包圍勢將日軍包在核心。遂以大刀隊上前將日軍砍死二百數十名。餘均不支而退。

敵甲車向我射擊

今日上午八時許。有敵機數架。飛至我軍各處陣線偵察。未拋擲炸。不久即向南而去。十時許敵軍有十二號鐵甲車一輛。自張華浜海軍醫院方面循軍工路直衝至距蘊藻浜新大橋約百碼處。發射機關槍。當被我軍擊退。不久該鐵甲車去而又來。復被我軍擊退。如是者四五次。復有京滬鐵路B字損壞機車頭一輛。竟爲敵軍修好。昨日下午一時許。經敵兵駕駛在兩路工廠至張華浜分路中間之軌道上往來開行。現張華浜方面敵軍。大部均被調赴候家木橋廟行一帶。故人數已不滿二三百人。兩路工

廠附近各處。幾不見敵兵踪影。

吳淞劇戰之補紀

吳淞張華浜日軍忽於前日（二十）天明時。發海陸空三路重兵。猛攻吳淞。三次衝鋒。均未得逞。被我軍擊退。茲錄詳情如次。是日天明時。忽有日艦三艘。一泊於砲臺南首呆猪熬油作浦濱。一泊於蘆藻浜口。一泊於糧米碼頭。三艦發砲。向吳淞攻擊。同時蘆藻浜南之日陸軍。以大砲掩護。向淞猛攻。我軍沉着不應。俟敵軍已近。開放步槍機關槍掃射。其時日飛機十餘架。分作數隊。每隊三隻。用炸彈機關槍向下轟炸。其時海陸空三軍猛攻。我軍奮勇抵禦。遂開空前未有之大劇戰。初次猛攻。互戰至十點鐘時。始被我軍擊退。下午二時。砲聲復起。日空陸兩軍。均集中於蘆藻浜一帶進攻。至四點鐘。日軍因死傷頗衆。仍爲我軍擊退。當晚八時。日軍又圖作第三次之攻擊。仍歸失敗而退。至今晨零時。日軍竟派陸戰隊三四千爲總攻擊。向蘆藻浜進截吳淞。經我軍拚死抵禦。巷戰至三時餘。日軍死傷過半。不支而退。據目觀者云。是役戰爭最烈。險爲敵軍衝入。幸我軍十分奮勇。始將日軍擊退。誠凶幸也。

楊行擊落敵機

楊行西顧家宅附近東六地方。昨日午後二時許。忽有日軍偵察機一架。盤旋於該鄉空際。偵察我軍狀況。適爲駐紮該處之軍隊。開槍擊中。墮落於地。機身震碎。機內祇有機師一人。奄奄一息。已將垂斃。當爲某兵士開放兩槍。結果性命。後將屍拖出。該機師身軀肥白異常。

淞鎮市房盡被毀

二十日日艦開砲轟擊吳淞時。外馬路一樂天茶社。首當其衝

。着砲後。遂即延燒。加之日機拋擲硫磺彈。並且東南風猛烈。因此一發竟不可收拾矣。共燒兩晝夜之久。火勢之盛。殊覺少有。以致外馬路西半段及荳市路一帶房屋。悉成灰燼。慘酷空前罕有。此次一燒。吳淞全鎮已去其九矣。恐完好者尙不足一成之數耳。

▲廟行大勝捷報

淞滬警備司令部電

淞滬警備部捷報云。提前發限即到。洛陽行政院南京軍政部衛戍長官公署均鑒。各綏靖公署各省市府各機關各報館均鑒。敵於本晨午後三時。以全刀向我廟北江灣廟行一帶陣地猛攻。經我軍夾擊。激戰至現在。陣地前方。敵傷亡已逾三千。潰不成軍。刻我軍正在追擊中。謹此捷聞。淞滬警備司令部參謀處叩養戍印。

十九路軍戰訊

十九路軍部二十二發（第一次）戰訊。（一）日軍連日發現非

戰宣傳品極多。軍中發現不安狀態。士氣大受影響。（二）昨（二十一）日敵人以全力攻我江灣。雙方搏戰猛烈。我方殺敵神勇。敵終不得逞。各報記者傳江灣失守。絕無其事。晚間敵人進攻。已比較和緩。而我軍向敵砲攻多命中。（三）昨（二十一）日吳淞口有敵艦十一艘。會同飛機多架來攻。交戰移時。敵艦一艘。爲我軍砲中要害處。由敵艦四艘保護却退。餘六艘向長江方面逸去。（四）昨（二十一）日日軍竟日以坦克車大砲及步兵數千。向我江灣方面進攻。結果敵坦克車傷二輛逃去。敵軍死傷千餘人。敵以不得逞。故今晨（二十二）轉向廟行鎮進攻我軍。刻雙方在接觸中。

◎第九章 我軍圍擊殘敵

金穆宅殘敵尙圖拼扎

吳淞閘北無劇烈戰事

(二月十三日之戰況)

▲江灣方面戰況

廟行鎮昨又血戰竟日

激戰結果斃敵二千餘

日軍昨日起。總攻廟行鎮。被我軍全部擊潰後。敵二萬餘人。狼奔豕突。死傷在三千人以上。前晚九時。我軍乘勝追擊時。並將敵二千餘人。全部包圍於廟行鎮迤南十里許之金穆宅侯家木橋附近。詎於是晚十二時。敵敗退之先頭部隊。業已接得被圍報告。乃聯絡殘敵一萬五千餘人。一方並報告日司令部。遣派援軍五千餘名。前往馳救。敵軍得此生力。又竭力反攻。以期援救被圍敵軍出險。我軍方面。遂調遣一部份士卒。迎擊敵軍。一部則仍將敵軍包圍。激戰異常激烈。戰至今日午後二時半。敵死傷二千餘人。勢漸不支。其應援之部隊。遂完全崩潰。被我包圍之敵。明日可完全解決。詳情分誌如下。

廟行血戰竟日

離廟行迤南十里餘之金穩宅侯家木橋地方。昨晚十一時許。卽有日軍大部二千餘人。被我包圍。乃日軍司令部得悉。卽派大批援軍。連同潰退士卒。向我作猛烈之反攻。敵軍坦克車卅輛。鐵甲車二十餘輛。頑強當先。冀將我軍衝破。以期援被圍之敵軍出險。是役敵軍。因本國軍隊被圍在內。不克施放大砲。祇恃機槍槍刺與我作猛烈之肉搏。我軍某師。當卽分撥一部分士卒。約計五千餘名。與之應戰。大刀隊機槍連迫擊砲連等均調赴前方。參加戰役。吾軍當時。前後首尾銜接。重以敵軍顧慮被圍士卒。未能充分發揮其砲火利器。故吾軍雖以少敵多。殊佔優勢。惟當清晨四時許。敵軍因反攻仍復不利。由日司令部電命海軍艦隊。派飛機多架。飛往我軍陣地。猛烈擲彈。且由空中發射機槍。並開機關砲。我軍頗受危迫。時我駐防江灣東鎮之某部。得悉戰報。立卽乘曉霧未清之際。由敵軍左翼包抄。予以迎頭痛擊。敵軍前鋒。乃呈不支。於今日上午十時許。反攻敵軍後退約三里許。於是被圍敵軍與反攻敵軍。完全被我隔絕。不能呼應。惟敵軍因此舉關於戰局。殊爲重大。始終猛烈衝攻。我軍則亦以一當十。爭先殺敵。相持至本日下午三時三十分。敵死傷二千餘人。勢漸不支。其應援之部隊。遂完全崩潰。至被圍敵軍二千餘名。仍頑強抵抗。

江灣獲敵機槍

江灣方面。爲敵軍第九師團左翼。於今日午刻。並出第九十兩聯隊。向我陣地進攻。我軍於敵軍進至三百米達外。以大隊衝出。敵軍見我人數較衆。有迫不得已而應戰者。有見勢兇猛棄械而逃者。未及一小時。我已衝至戰場。當奪取機

關槍兩架。並斃敵軍第九聯隊隊長西尾少尉。及兵士森山山木等近百人之衆云。

日司令部地點

敵軍前敵司令部。本設在復旦大學內。昨日起。移設於江灣跑馬場之東北角。關帝廟之對面。附近民房被焚燬一空。

運出大批日屍

日軍自連日向我總攻失敗後。據我方精密調查。日軍死傷人數。確在萬人以上。除遺棄陣地。未及搶回者外。即公大紗廠內堆積之日軍屍首。已達三千餘具。死傷之多。實打破自有戰事以來之新記錄。據被日方壓迫而作此項工作之某工人云。公大紗廠內。流血成渠。腥臭撲鼻。有傷重之日兵。猶在地上掙扎。但已不能言語。慘悽之狀。目不忍觀。但此項將死未死之傷兵。亦經在旁監督之輻重兵。囑令裝入麻袋。故當我（工人自稱）捐該麻袋捐上卡車時。日傷兵尙在袋中蠕動云。

閘北方面戰況

今晨殘敵襲擊即敗退

前晚砲彈掠過日領署

日軍自迭次總攻失敗。昨晚又經我軍壓迫。實已潰不成軍。故今日無重大戰事。我軍前線已達虹鎮。老靶子路一帶。已無日軍踪跡。其殘部均在海甯路吳淞路一帶。並在外虹橋至裏虹橋一帶。收集殘部。加築防禦工程。今晨四時許。日軍一大部份殘兵。約三百餘人。曾一度重向我軍前線襲擊。未幾仍潰退。閘北方面。北四川路一帶。於拂曉及今晚六時許。亦有小接觸。茲將閘北戰情分誌於次。

殘敵襲擊敗退

今晨四時許。日軍殘部。約三百餘名。於全部潰退時。突又回來向北四川路口我軍陣綫。猛烈反攻。初以大砲猛轟。我軍間亦略加還擊。砲戰至六時許。三百餘日軍。忽由集合綫而變化散兵綫。藉坦克車之掩護。向來軍衝鋒。我軍當即迎頭痛擊。以手榴彈機關槍等。向其猛烈掃射。立將在日軍左當作掩護之坦克車兩輛擊燬。斃敵百餘人。餘衆見勢不佳。亟反身向後潰退。以坦克車兩輛。在後掩護。斯時我軍精神百倍。跟踪追擊。又將日方坦克車兩輛加以炸燬。一部份。後。日軍六十餘人。見我軍來勢勇猛。驚惶失措。即將槍拋棄而退。是役也。交戰約三時有餘。計擊毀日軍坦克車四輛。奪獲步槍七十餘支。機關槍一架。斃敵百餘人。我軍則僅傷五六人。

出雲艦險中彈

大陸報云。昨日午夜前。北站附近開砲轟擊日旗艦出雲。在一小時半間。共有七十彈飛過日領事署屋頂而入浦江。距出雲艦不過咫尺。至十二時三十分。見出雲旗艦已升火。料正準備移泊他處云。

吳淞方面戰況

敵艦開砲虛張聲勢

敵抄揚行中途擊退

敵軍因趨重於廟行鎮方面。故吳淞一帶。今日敵艦除照例向我開砲及擲彈外。並無激烈戰事。蘊藻浜正面之敵軍。有時亦有小隊進犯。但隨時均被我軍擊退。惟前日我方會乘敵軍兵力稀薄時。改取攻勢。頗為得手。茲將所得戰況。紀錄如下

泗漕廟殲滅日軍。今晨十時。駐紮南泗塘河西徐港巷黑橋等處。有日軍一隊。約八十餘名。迫該處某鄉民爲引導。向西擬兜過胡家莊。直達至楊行。不料爲駐紮李家橋南孫家宅三其宅之我軍警見。當時均不動聲色。躲避於戰壕內或民房中及樹林間。俟敵軍過去。再行截擊。敵以爲該處並無我軍。直向前我行過二其宅。已抵泗漕廟時。我軍從其後背突出。開放機關槍掃射。日軍知已中計。拚命冲圍。因我軍奮勇圍擊。敵歸路已斷。劇戰約四十分鐘。援軍不至。故將敵軍全部解決。同時蘊草浜周家浜口之日軍。用砲向北轟擊。將永安第二廠房屋轟毀。旋經我軍開機關槍掃射。敵遂不支而退。

敵艦三艘攻吳淞 吳淞方面。於昨晚八時許。有敵艦五艘。駛近淞口砲台及淞鎮開砲攻擊。直至深夜十二時許始息。總計在四小時中。敵艦約開砲三百餘發。我軍間亦發砲還擊。康家宅因中敵砲起火。同時張華浜張行宅及徐家灣兩處。被敵兵艦據之農民房屋。亦被我軍砲火所中。爆裂焚燒。今晨五時半許。復有敵艦三艘進攻砲台。至八時許。敵艦不逞而去。其時又有敵大型毀炸機三架。自口外飛來。向我軍蘊藻浜陣地擲下炸彈五六枚。當經我軍高射砲擊退。

昨日戰況之補記 藻浜正面之敵軍。昨日因集全力。進攻我廟行方面之故。將該處原有之兵力。大部調向西進。冀圖大舉攻我廟行。截斷我方吳淞與閘北之聯絡。故蘊藻浜南至張華浜一帶。敵軍兵力。甚爲單薄。浜北我軍。得悉前情。遂乘機攻過蘊藻浜。將正面敵軍。猛力逼退。當敵軍被逼退時。情形甚爲狼狽。後方陣線。紊亂異常。至

下午。敵軍由軍工路方面。調到生力軍數千名。我軍遂迎頭痛擊。激戰至深夜。當在相持狀態中。

今晨敵退唐家橋 自今晨至下午三時。蘊藻浜正面無激烈戰事。惟張華浜方面。敵軍人數。似較昨日增加不少。敵軍因進攻江灣西北之孟家宅及廟行潰敗。故今晨黎明時。有大隊敵兵退至東唐家橋迤南一帶。現正在與我軍相持中。若斷若續之大砲機關槍聲。在蘊藻浜方面聞之。頗為清晰。

譚翁兩氏之坐鎮 此次日本軍閥。驅其新編之卒。當我軍勁旅。是以迭遭挫敗。益以譚啓秀翁照垣兩健將。坐鎮吳淞。指揮若定。日寇縱有海空兩軍。以掩護其陸軍。亦無從逞其兇鋒。聞近更受任吳淞區之左翼正副指揮。當益能一顯身也。

▲軍部兩日戰報

前日戰況 (二月二十三日上午九時發) 敵軍自二十日晨七時二十分。下總攻擊令。連日激戰。並集中兵力。攻我江灣方面。被我軍痛擊失敗後。昨晨(二十二)敵又變更戰略。集中兵力。攻我廟行鎮。並襲擊我吳淞一帶。我軍與之血戰終日。結果。敵軍各路均敗退。現敵軍各路均被我軍包圍及追擊中。茲將昨日各路激戰情形。分述如下。

(一) 廟行鎮血戰。敵軍昨晨七時許。有陸軍二萬餘人。坦克車三十餘輛。向我廟行鎮方面推進。我軍守此方面者。為張治中部少數部隊。當即與之接觸。惟敵軍人數既衆。來勢極凶。先用克坦車十餘輛。結成一字形前進。步兵大隊隨後。後敵機有數十架在空

中向我軍陣地。亂擲炸彈。敵大砲隊。尤不斷的對我陣線轟擊。一時火力密集。聲振天空。敵來勢之凶猛。爲開戰以來所僅見。我張部士兵亦異常勇敢。與之激戰半日。繼以肉搏。無不以一當十。敵勢雖凶。終不能衝破我軍陣線。激戰至下午三時許。敵生力軍數千。後加上前線。進攻尤烈。我守軍究以人數懸殊。且久戰已疲。此時我方陣地勢將危險。幸我後方援兵張炎旅馳至。遂將敵軍包圍兜擊。敵至此漸覺不支。且戰且退。我軍乘勢追擊。敵傷亡極衆。且有一部傷軍退走不及。被我軍包圍。至今仍在激戰殲滅中。此役敵軍損失極大。官兵傷亡狼藉。我軍安。略有損失。(二)江灣殲敵。昨晨敵軍雖集中全力攻擊我廟行鎮。同時亦以數千兵力。進攻我江灣方面。我軍守禦此方面者爲劉占雄團。我劉團在江灣與敵苦戰已兩日一夜。未嘗停息。聞敵軍進攻我江灣之部隊數千。亦已苦戰兩日一夜。不得停息。惟我軍捱苦精神。究勝於敵數倍。昨日進攻江灣之敵軍。一經我軍痛擊。便敗不可收拾。我軍着着追迫。敵軍狼狽狂奔回楊樹浦一帶。沿途被我軍擊斃甚多。此役敵死傷千餘人。我軍損失甚少。(三)吳淞戰況。敵軍昨日集中兵力攻我廟行鎮及江灣方面。故吳淞方面。敵方兵力稀薄。我軍乘勝攻過蘊藻浜。將敵軍追逐。此時敵生力軍數千馳至。我軍便與之激戰。至今尙在相持中。敵艦十餘艘。昨天整天對我吳淞砲台及獅子林砲台射擊。並有敵機數十架。在空中擲炸彈。以助敵軍進攻廟行鎮之聲勢。我吳淞砲台及獅子林砲台大砲。被敵砲擊燬者有之。惟我譚啓秀司令。沈着異常。於敵方大砲飛機進攻劇烈當中。從容帶工人修理。被敵砲擊毀之砲位。

繼續應戰。敵軍卒不能進攻我砲台前線一步。(四)此次抗日戰爭。十九路軍因忠勇善戰。屢摧強寇。使倭勢不得逞。惟參加前線作戰之張治中俞濟時宋希濂等部隊。亦奮勇異常。上級長官均任前線指揮。決死殺敵。我國軍隊既已一致具偉大的犧牲精神。協力殺敵。則倭寇雖橫蠻。行將見其力疲勢絀矣。

◎第十章 敵軍掙扎失敗

廟行鎮我軍堅守

金穆宅殘敵肅清

(二月二十四日之戰況)

▲江灣方面戰況

日軍總攻廟行。被我軍迎頭痛擊。且在金穆宅一帶。包圍殘敵二千餘人。昨日深晚。敵援軍五千餘人。晝夜由張華浜方面登陸後。即分批運往前線。聯合殘部。重行向我軍反攻。由左右兩翼派隊擾吾陣地。雖經我軍奮力擊退。惟被圍敵軍。遂被免脫千名左右。餘敵至今日下午一時。被我軍全部殲滅。今日敵軍精疲力盡。已不敢大舉進犯。惟小部隊肆意挑釁。茲將詳情彙誌如次。

擊斃敵聯隊長 敵軍總攻廟行。昨日起。已被吾軍由朱家橋猛力衝擊。敵軍逐漸南退至唐家宅。再退至金穆宅侯家木橋。殘部二千餘人。遂於核處被吾包圍。當時敵軍

大部。本已遠退侯家木橋迤南十里之遙。聞警集合援軍。乃復竭力反攻。當經吾軍分隊迎擊。將殘敵隔絕兩處。激戰之烈。為中日滬戰所未有。敵軍屢擬猛力衝鋒。終不得逞。前晚起。日節節敗退。殘部解決。不過指顧間事。詎此時日方來滬援軍五千餘人。已在張華浜登陸。且立即分開前線。加入作戰。敵軍得此生力。遂以坦克車四十餘輛。立即反攻。並分批擾我左右兩翼。此時吾前線駐軍。人數不足五千人。以敵三萬餘日軍。且苦戰已數十小時。遂被日來取得聯絡。被圍殘敵。衝出千餘。此時吾軍士卒。雖極疲勞。然人人具必死之心。故仍猛力衝殺。被圍殘敵千人。立即全數殲滅。並乘勢進逼敵軍。敵軍遂全部敗退。復由侯家橋以南撤退十餘里。是役吾軍以少敵多。侯家橋一帶。日軍屍骸。堆積如山。敵軍高級長官。亦陣亡數十人。今日起。吾軍掩埋餘骸之際。曾發覺敵第九師團第二聯隊長百海實男。亦在陣亡之列。此可想見是役戰事之烈。我軍俘獲敵機槍二十四挺。步槍千餘支。小鋼砲數十門。其他戰利品無算。

黑家宅敵敗退 敵援軍五千餘人。於昨晚在張華浜登陸後。除分撥一部仍援助廟行一帶殘敵外。今晨五時許。另遣一千餘人。由張華浜秘密出發。冀由黑家宅而至侯家橋。意擬擾吾左翼。援敵出險。我軍當時。不動聲色。任令敵軍深入。惟當敵軍大部將抵黑家宅時。吾軍遂一躍而起。拊其背部。予以痛擊。時吾黑家宅以西之駐軍。亦已聞警。趕到參戰。於是敵腹背受敵。激戰亘一時半。敵軍死傷過半。乃由間道逸去。

大火今晨熄滅

江灣方面自昨日被敵機擲彈轟炸後。民房各處起火延燒。至今日

上午八時。始完全熄滅。江灣鎮大街之市廛精華。已盡成焦土。

區師長之談話

七十八師師長區壽年氏云。(一)敵軍於昨日(即前日)在江灣鎮與廟行鎮間作戰時。敵軍除有大尉一名西尾勝六者。被我生擒解後方詢問外。并斃敵軍第九師第二營營長百海實男一名。(二)當前日敵軍以重兵向廟行鎮江灣鎮我軍某某師進攻時。我軍最前線在南沈宅。金穆宅。及白漾宅。各一連。當時因敵軍人數過衆。該三連人乃退至孟家宅一帶。敵軍大部隊。亦追至該處。并竭力猛衝。已趨趙家宅至竹園墩。將窺大場。我軍於千鈞一髮之際。急調張炎迎戰。除將敵軍大部隊完全擊退。奪回原有之近線外。我軍最前線。并追至鍾家宅。成爲侯家木橋起。沿鍾家宅。陶家灣。沿朱家橋東。折越淞滬路。繞萬國體育場。至西體育會路。與東體育會路至虹口公園之東而陣綫(三)敵軍昨日進攻廟行鎮我軍口口師時。我軍伏於戰壕內。一槍不發。敵軍約百餘人。以爲我軍已退走。遂圖深入。我軍待敵行近。即以手榴彈向敵轟擊。因將敵軍擊斃。無一生還。(四)敵軍戰鬥力薄弱。故屢次被我軍所敗後。能於最短時期。約可二十分鐘左右。集合一處。仍組成軍隊作戰。此頗則可讚美。敵軍尤一佳點。爲歐美各國軍隊所難能者。即敵軍不易爲人繳械。蓋彼必待其被殺而後可奪其槍械。非若歐戰時。常有繳械之事可比也。(五)敵軍鐵甲車多至百餘輛。作戰時。固不能視爲進攻之利器。然以之防守。則甚得利云云。

▲金穆宅之戰況

日軍連用重兵圖攻廟行鎮。結果均被我軍擊敗。死傷無數。廟行確在我軍手中。日軍從未越雷池一步。其相持點。係沿泗塘爲界。金穆宅附近被我包圍之日軍。刻已殲滅。該 仍由我軍駐守。

日軍現在之陣地

日軍於二十日起。因進攻吳淞閘北不利。乃改移戰區。側重江灣。但又未得逞。乃於二十一日。突以重兵。由南泗塘河黑橋及西唐家橋。向泗塘方面進攻。該處河面甚闊。我軍早有防禦。故日軍歷次衝鋒渡河。終未有成。然其損失已屬不貲。二十三日晚。我軍在金穆宅誘敵偷渡。待其偷渡上陸。將及一半時。伏兵四起。突出圍擊。因此其後部即退回侯家木橋。所圍敵軍。當於二十三日晨。被我軍全部解決。日軍死傷者當在千人以上。二十三日午。日軍又派重兵三十餘人。仍從金穆宅偷渡。我軍仍不阻擊。沉着以待。因此又起第二次之激戰。廟行鎮我軍。同時亦調往作戰。經一日夜之肉搏。日軍傷亡過半。落水而死者無數。當於今日下午一時。被我軍全部肅清。故廟行鎮。日軍始終未曾到過一兵一卒。確在我軍手中。惟金穆宅曾有二次激戰。我軍均獲大勝。刻下日軍在泗塘以東。侯 橋爲其最前線。西唐家橋爲其司令部。所謂天樂寺宅者。乃該處一帶 總稱。又名高境廟。現設車站。江灣車站迤北。均在我軍範圍以內。惟在金穆宅之南泗塘之東之白漾宅。已爲日軍砲火 燬。全村成爲瓦礫場矣。

日軍臨陣之退縮

日軍現在侯家木橋者。其數不多。皆伏於田野土墳間。每於發槍後。即向後退縮。移避他處。若恐被我軍還擊者。其傷亡兵士。確用麻袋裝屍。由

卡車載運。在二十三日間。敵軍因死亡過多。不及裝運。乃將死屍放在村內。各戶皆是。值至今晨尙未運完。由此可見日軍死亡總數。至少在三千人以上云。

▲關北方面戰況

早晨入晚均有砲戰

結果均被我軍擊退

關北方面各防綫。不時有小接觸。晨間與晚間。日軍利用砲轟。我軍亦還擊。故砲戰甚烈。永興路於晨間。被日機擲彈起火。旋即撲滅。寶山路新民路處。於晨間曾有日軍十餘名偷襲。被我軍居高臨下。用機關槍掃射。無一生還。茲將各情分誌於次。

晚間激烈砲戰

今晨上午八點四十分。防守北四川路東面之日軍砲兵陣地。以開花砲彈向我軍陣地射擊。砲聲隆隆。連續不絕。我軍初未加以還擊。至日砲射至三十餘發後。始亦開砲還擊。雙方砲戰至十一時。始漸平息。至下午六時許。日兵又以重砲。向我軍關北八字橋。天通庵路。陣線轟擊。我軍亦開砲還擊。砲聲隆隆。愈發愈密。至十時左右。雙方步哨。亦起接觸。日軍雖利用重砲掩護進衝。但我軍砲火威逼。槍彈密發。實予敵軍以巨創。始終未爲所逞。日軍乃重藉大砲轟炸。我軍又復還擊。直至十二時後。始漸平息。我軍陣線無變動。

青雲橋小接觸

今晨上午九時三刻。日方戰鬥機二架。拋擲機一架。由虹口方面飛至關北青雲橋我軍陣線視察。並擲彈一枚。當被我軍高射砲擊退。同時對青雲橋對

河。史金弄內駐防守之日軍二三百人。憑飛機迴翔於我軍陣地之時。突躍出戰壕。用機關槍向我軍猛烈掃射。我軍當即憑河作戰。以手榴彈手提機關槍等對之猛烈射擊。交戰約一時許。敵不支而退。是役斃敵約三十餘人。

敵偷襲被殲滅 今晨九時許。在那家宅路民房內。突出日軍殘部約二十餘人。沿新民路偷進。爲我軍瞭見。即開槍射擊。敵亦依牆還擊。寶山路我軍聞得槍聲。即來追擊。敵見狀。乘勢前衝。在來安里之我軍居高臨下。用機關槍掃射。旋即全部殲滅。刻我軍尙在搜查殘餘敵部。

▲吳淞無戰事

吳淞口外之敵艦。今日均停泊離我要塞甚遠之海面。自晨至晚。均無特殊行動。亦未開砲。僅飛機數架。曾至砲台及蘊藻浜一帶天空。偵察數次即去。亦未投擲炸彈。我軍亦靜守防線。未加射擊。至蘊藻浜方面敵軍似在休戰中。我軍亦未攻擊。故吳淞方面。昨日甚安靜云。又據大美晚報云。星期一二兩日。吳淞方面殊少活動。今日仍然。僅有日海陸軍飛機高飛天空。從事偵察。未擲炸彈。

▲軍部發表戰訊

廟行鎮一帶我血戰竟日

斃敵 千七百六十三人

十九路軍部昨日（廿四日）上午十時發（第一次）戰訊。（一）昨日黃昏。在江浦鎮

東北被我斃敵百餘名。獲槍一百零五枝。(二)昨夜被我六師繳獲敵水機關二挺。旱機關一枝。步槍十餘枝。(三)昨夜十時至現在。各方無激戰。想敵已精疲力盡矣。(四)敵因開北我軍出擊北四川路虹口一帶。正恐其僑民居住地。被我軍佔領。故現由前方調回多數兵力。防守北四川路虹口一帶。至江灣廟行鎮方面。暫取守勢待援等語。(五)昨日敵民團開會。決議與戰鬥有直接關係者外。全部回國。(六)昨(廿二)敵飛機往攻蘇州時。敵之飛行大尉一名。被我擊死。(七)昨日(廿三)敵之爆敵機一架。離陸不慎。自行燒燬。(八)敵政府昨日開閣議。討論上海援兵。因戰費問題。議論紛紛。終無結果而散。又昨日(廿四日)上午十一時發(第二次)戰訊。茲將廿二十三兩日戰況通告如下。(一)敵自廿一日以海陸空軍全部向我線來衝。企圖在江灣間突破我中央之計劃。失敗後。廿二日復以全力向我廟行鎮陣地正面突擊。經我派隊由孟家宅及甯沈宅向該敵夾擊。敵用物質。頑強抵抗。血戰竟日。彼此突擊十餘次。短兵相接。血肉橫飛。死亡枕藉。卒將該敵完全擊退。是役斃敵二千七百六十三人。傷尤衆。

◎第十一章 全線血戰退敵

小場廟斃敵千七百餘名

江灣敵軍被我側擊崩潰

(二日廿五日之戰況)

▲廟行方面戰況

敵砲雖猛吾軍固守陣線

雙方戰事激烈廟行起火

敵軍向我全線猛攻。自二十日以來。已歷四晝夜之久。對於廟行方面。更爲激烈。吾方堅守陣地。敵不得逞。乃自今晨零點左右起。用極猛烈之重砲。向吾轟擊。拂曉後。又以飛機八九架在空中向吾陣線轟炸。侯家木橋與金穆宅之間。最爲吃緊。午後敵方砲火密集。彈下如雨。吾方集中主力起見。將陣線略爲縮短。亦以大砲還轟。午後敵漸不支。向後移退。吾方則仍固守原來陣線。

金穆宅殘敵肅清

被圍於廟行鎮金穆宅之殘敵。業於昨午十二時後。經我軍兩

面包抄。當場將被圍之四百餘人。擊斃二百餘人。奪獲槍械二百餘枝。餘敵負傷逃回。嗣後敵人又於今晨二時後。得其後援加入。會集殘敵約三千餘人。再度猛向反攻。藉其重砲之掩護。圖衝破我江灣鎮之東北吳家宅左右陣線。當經我軍奮勇抵禦。肉搏激戰。形勢猛烈。當激戰時。敵機同時有九架飛出助戰。向下紛擲炸彈。惟敵軍因迭遭敗績。已失鬥志。而我軍則前仆後繼。愈戰愈勇。且得口帥口。捷徑直抄其後。準備斷其歸路。於是敵軍愈覺不支紛向後退。我軍蹤後追擊。敵多自相踐踏。是役敵傷亡過半。極爲狼狽。約歷十時許。始得稍事喘息。但敵方又在中午十一時後。再集合其部隊向我軍

陣線進衝。其時敵兵已多畏縮不前。經我軍與之交戰一小時左右。即行敗退。午後敵仍時有進攻。但不若前次之激烈。

敵分三隊攻廟行

敵軍於今晨拂曉起。繼續昨夜戰事。向我廟行鎮東北部進攻。并以飛機十數架。大砲多門助戰。分陸軍步兵四十餘人爲左中右三大部隊。左隊配於陶家灣方面。右隊在侯木橋與金穆宅之間。向金穆宅推進。中隊則在陶灣與右中兩隊之間。直向孟家宅猛攻。我軍則以大部隊配於金穆宅與孟家宅前面迎戰。并以大砲等向敵猛轟。雙方砲火交加。極爲猛烈。兩軍即於砲丸之間。從事作戰。雙方肉搏數小時之久。敵軍漸形不支。至十一時許。我軍再接再厲。誓死抗拒。敵死傷達數百人之衆。我方傷亡。未及敵之半數。至午刻。敵右方隊。略向南斜。擬與中路隊聯絡。被我軍以猛烈砲火所隔。至下午。敵始敗退。我軍仍守原防。

廟行鎮今晨大火

廟行鎮方面。我軍與敵軍抗戰至烈。爲數日來所僅有。敵方兼以飛機助虐。到處拋彈。今晨七時。敵機飛至廟行鎮。一排九架。在我軍第一道防線擲彈。當經我軍以高射砲發擊。幾至命中。旋在我軍後方擲硫磺彈數粒。民宅草舍。遭殃肇焚至夥。火光燭天。烟燄繚繞。達數里外。自晚至下午一時許。灰燼飄至大場彭浦間。猶未止息。

▲江灣方面戰況

敵軍分兩路偷攻

我方出奇兵側擊

結果敵全軍崩潰

我軍陣線大進展

江灣方面。今日上午。均在砲戰中。日飛機在空中擲彈。間有步槍聲。亦惟步哨與步哨之接觸。至下午六時許。日兵由體育會路天樂寺方面突出進攻。我軍奮起應戰。至晚七時許。敵軍不支。紛向後退。我軍乘勝追逼。楊樹浦方面聞得槍砲聲甚晰。我軍前綫。已向前進展。茲詳記如下。今日下午六時許。日軍於飛機擲彈之後。乘大砲掩護。分兩路重兵。一沿天樂寺。集趨江灣。並以坦克車前導。我軍除以手榴彈轟炸外。並有大刀隊在前破陣。敵兵被殲大半。乃不支而退。未幾敵軍增援。重又前衝。砲彈密如雨點。我軍砲隊。亦以砲向敵兵陣內轟擊。在鐵道以東。砲火連天。江灣鎮上亦中幾彈。激戰多時。敵軍毫不能得手。至七時許。敵兵愈戰愈衆。我軍突出奇兵。向體育會路之敵側擊。敵軍陣線動搖。天樂寺之敵。亦似不支。未幾。竟被我軍全部擊潰。我軍在體育會路方面。已逼近跑馬廳。在天樂寺方面。亦有進展。敵軍見陣線危急。乃亟用砲轟。我軍砲位。亦移進還擊。至十時許。雙方砲轟。仍在相持。

▲閘北方面戰況

敵軍砲攻劇烈

均為我軍擊退

下午二時起。開北方而日軍。仍繼續以大砲向我軍各陣線轟擊。我軍亦以大砲還擊。日軍砲彈。多落中興路。永興路。共和新路。大統路。等處。未有重大損失。中有一彈。落於滬太路普路之間草屋內炸死苦力二人。另傷婦孺各一名。日飛機於十二時許。在開北投彈。致寶興路附近民房起火。我軍用高射砲瞄射。當擊傷敵機一架。天通庵路。八字橋。虹江路。等處。日軍仍不時向我射擊。至下午六時。忽起激戰。我軍又向虹鎮進迫。雙方砲擊。竟日未息。茲將各情分誌於後。

八字橋之激戰 八字橋方面。日軍於晨間進攻失敗後。仍不時用步槍向我軍防線施射。我軍伏處戰壕。不動聲色。日軍砲隊。雖聯用大砲轟擊。但絲毫未損我軍陣線。敵彈多中附近民房。我軍乃予相當之還擊。至下午六時左右。敵軍五百餘人。暮色沉沉之下。又重向該處我軍進攻。勢頗猛烈。我軍奮起抵禦。雖敵方砲彈密如雨下。亦無畏縮之態。雙方機關槍及迫擊砲。亘半小時未息。此停彼起。想見當時衝鋒肉搏之烈。而我軍又善用手榴彈。故敵軍犧牲者甚衆。至七時許。敵軍以屢攻不逞。我軍乘勢反逼。至九時許。虹鎮方面。已可耳聞槍砲聲甚晰。想我軍尚在追擊中。同時楊樹浦方面。敵傷兵有十餘卡車載運。自東往西。

天通庵路敗敵 敵攻八字橋後。下午七時許。又有敵兵七百餘人向我天通庵路方面。再度進攻。以大砲鐵甲車。為掩護衝鋒。機關槍斷續向我軍發射。我軍沉着不應。待敵衝進距離較近。我軍兩旁機關槍步槍。同時並發。先鋒敵軍。裹頭潰退。敵之鐵甲

車起而衝鋒。我軍以手榴彈迫擊砲向之轟擊。密集如雨。敵軍亟亟後退。我軍覓機。齊出衝擊。敵軍不支。稍事抵抗。隨戰隨退。我軍仍固守原防線。旋敵方砲隊大砲又忍轉密。我軍繼起還擊。至十一時許未斷。槍聲稀。又入砲戰中矣。

虬江路小接觸 虬江路與川弓路。以接壤北四川路。故日軍不時以少數兵士。向該處騷擾。但一經我軍還擊。即紛紛退却。至晚六時許。日軍又施故技。戰約二十餘分鐘。敵即支潰敗。

寶興路傷日機 閩北東寶興路一帶天空。今午十二時一刻。飛來日機三架。在該處我軍陣地視察。並陸續擲下巨量炸彈十二枚。有二枚當即爆發。致附近民房又起大火。延燒至下午一時三刻。尚未告熄。我方陣線。則絲毫未受損失。我駐防軍隊。即將高射砲瞄準三架中之最大一架。發砲轟擊。彈中該機左翼。在空中連翻斛斗墮地。詎該機離地約二百尺時。突然機身向左一旋。復向上飛去。時未受傷之日機二架。仍在空中飛翔視察。道見受傷之一機飛起後。始左右掩護。向公大紗廠方面逸去。

▲吳淞方面戰況

我軍砲中敵指揮部

殷行鎮日兵又慘殺

吳淞蘊藻浜方面。自昨晚起。敵軍與我軍之陣線。仍舊隔浜堅守。時或雙方前哨小有接觸。但不十分激烈。惟敵方軍艦及飛機。曾有數次向我砲臺及蘊藻浜。一帶陣地轟擊

。結果我軍防線仍不為動。茲將雙方戰況以及敵軍之慘暴行為分別紀述如後。

敵艦砲攻無結果

吳淞方面敵軍與我軍。仍遙隔蘊藻浜而守。並無十分激烈之接觸。但敵方海軍艦。則於前晚（二十三）至昨日下午。仍派敵艦三艘。不同向砲臺淞鎮蘊藻浜等處開砲轟擊。一次在前晚八時三十分許至十時四十分許。第二次在昨晨二時許至四十分。第三次在昨日上午十時許至十一時。第四次在昨日下午二時許至四時許。敵艦每次砲轟。均在百餘發以上。當敵艦歷次砲轟我軍鎮靜異常。死守防地。故陣線毫無變動。敵軍雖耗費砲彈數百發。可謂一無結果也。

紀家橋雙方激戰

上午九時許。有敵沅江丸裝載敵兵約五百人。自滬駛至糧米站碼頭登岸。敵我兩軍自蘊藻浜至紀家橋一帶陣線自晨至午後三時。各處均有哨兵接觸。斷續之步槍聲。東起西應。侯家木橋一帶。昨晚七時起。有敵兵二千餘名。用重砲及野跑掩護數次。向我軍地猛衝。結果均被我軍擊退。雙方激戰終宵。敵軍始行退去。

砲中敵軍指揮部

吳淞方面今晨雙方有砲戰。我軍射力甚準。聞張華浜前面敵軍。在淞滬路工場所設之前方指揮部。被我軍砲彈所擊中。并有參謀一人。被擊斃。

日機到處擲彈

敵軍連日慘敗。羞憤欲死。乃又派出大批飛機。飛往各地。肆意轟炸。如新龍華。真茹。南翔。等處均被敵機擲彈甚多。毀屋傷人。損失頗重。前聞海外僑胞。有購買飛機救國之舉。此真刻不容緩者也。

●第十二章 敵主力戰敗北

(二月二十六日之戰況)

▲廟行江灣戰況

敵重創後全線沉寂

我軍固守兩鎮陣地

本日廟行及江灣方面。雙方無甚重大接觸。僅有大砲互轟。我軍所發砲彈。多中敵軍後方。敵方則仍用巨額大砲。向我廟行陣地轟炸。但未 重大損害。惟廟行前里許一帶田地。經敵軍兩日夜砲轟後。已無一片乾淨土。砲彈所炸窟洞。恰似蜂窠。我軍陣線仍完整無變動。江灣我軍前線。在距跑馬廳二百碼處。江灣車站及江灣鎮。仍在我軍手中。一無變化。雙方步哨。不時槍擊。但未有激戰。

敵重創後一蹶不振 日軍於昨日藉援軍之助 於下午二時。六時。及十一時許。接續二次。自廟行以迄江灣。前線向我總攻。被我軍歷次擊退後。其方調前線之第十一師團損失甚重。尤以小場廟竹園墩受創最巨。當我軍進逼時。幾已失其戰鬥力。故今日敵軍陣線甚為沉寂。今日上午十時廿五分起。敵方以大砲猛向我軍轟擊後。我軍亦起還擊。至十一時許。敵飛機在天空偵察。並在大場及廟行投擲炸彈。我方高射砲瞄射不息。因此砲聲甚密。江灣方面亦有日機投彈。敵方步哨不時以步槍向我軍施射。我軍沉

着不應。敵恐中計。乃旋息。惟雙方砲轟。有加無已。我軍前線兵士均伏處戰壕中。以敵軍始終無動靜。故亦不予追擊。鞏固防務。敵砲轟至下午五時許。漸趨平息。晚十一時。沿各該線未有發生戰事。

廟行江灣敵軍陣綫 據我軍某中級人員談。敵自攻江灣不得。改攻廟行後。現在攻廟行之敵軍。已被殲滅。外間屢傳廟行頻危。江灣失守等等。盡屬謠傳。總之我軍決與死拚。即剩一兵一槍。亦與抵抗。現我軍自廟行以至江灣一帶防線。迄無變動。江灣廟行兩鎮。仍在我手。最綫已越竹圍墩。小場廟。孟家宅。金穆宅。敵軍最前敵兵在白漾宅。周家宅。梁印宅云云。又據他方消息言。敵在白漾宅以東。軍力達一萬四千。在江灣跑馬廳以北。梁印宅以東。確有第十一師團之步兵約九千名駐守。

敵坦克車全失效力 敵自以鐵甲車坦克車作侵略工具後。不料連戰皆北。且蹈中我地雷。燬壞十餘輛。因之該項車輛至今。已專作砲壘之用。每輛外圍沙包。盤踞戰場要隘處。不復再作衝鋒陷陣。其亦自知龐然笨重。燬去一輛。損失甚大。故前昨兩日。敵攻竹圍墩。小廟廟。趙家宅。水車頭。等處。已屏棄不用。蓋該處地為低窪。泥土潮濕。港汊紛歧。尤為坦克車鐵甲車所忌者也。

▲開北雙方砲戰

敵軍屢攻失敗

砲火雖猛無益

開北天通庵八字橋一帶。日來戰事。較爲沉寂。昨夜我方集中砲火。向敵猛攻。敵軍憑壕頑抗。雙方激戰甚烈。至昨日拂曉。敵始不支而退。我軍除將前線移進外。並不窮追。至下午五時。敵又反攻。但人數不多。僅用大砲轟射。我方亦以重砲還擊。雙方激戰約一小時。敵因進攻失利。即向後退。不敢再衝。至晚八時半起。敵又用重砲轟我陣線。或斷或續。亘數小時之久。毫未得手。

▲吳淞方面戰況

敵艦輪流開砲

敵機亂擲炸彈

吳淞要塞方面。敵艦於昨日曾有數次。向我開砲攻擊。今日上午。敵艦十餘艘。均停泊三夾水外。並未開砲。惟至下午漲潮時。有三艦向輪流開砲。翻落時。即行停止。蘊藻浜方面之侯家木橋紀橋一帶。敵軍於今日上午。向我陣地進攻。同時並有敵機六架擲彈助戰。我軍固守無變動。茲將戰況分紀如下。

敵艦漲潮時進攻

淞口三夾水外洋面。現泊有敵艦十餘艘。距離砲台火線甚遠。今日該敵艦等。未向砲台攻擊。惟每逢平潮時。即派敵艦三艘。向淞鎮輪流往來發砲轟擊。一俟潮落。即行退出口外。張華浜附近浦中。現無敵艦踪跡。

今晨敵攻泗塘河

吳淞蘊藻浜之正面。兩軍仍隔河對峙。並無接觸。沿南泗塘河之侯家本橋。紀家橋。(侯家木橋距吳淞十八里。係江灣境。紀家橋距吳淞十里。均

係寶山縣屬楊家境。一說胡家莊。等一帶。敵軍於上午八時許。突增派重兵。向我軍陣地進攻。同時並有敵機六架。擲彈助戰。我軍在該方面築有堅固戰壕。兵力亦至為充厚。故敵軍砲火雖猛。頗能應付裕如。張華浜附近一帶敵軍陣地內。已不若前數日之沉寂。敵兵均異常忙碌。三兩成組。由淞滬鐵路運輸軍實送往前線。九時許並有小輪一艘。拖帶駭船三艘。裝載敵兵四百餘名。及大批軍用品。由滬駛至糧米碼頭。該方戰事起後。至下午益形劇烈。截至下午三時許。雙方向在相持中。

大批敵機擲炸彈 又據另一報告稱。今晨七時許。淞口航空母艦上。又飛出敵機十三架。計有燬炸機七架。偵察機六架。至吳淞外馬路一帶擲下炸彈數枚。甯商救火會高樓着彈炸燬。并殃及海濱醫院。經我軍開放高射砲。始見六架飛往西北方面。七架至江灣一帶而去。八時後。日艦發砲十餘響。彈均落於砲台灣獅子橋中間。又今日下午一時。日飛機一隊三架。又向蘆藻浜方面投下延燒彈數枚。未幾遂即起火。因無人施救。至下午三時始熄。

敵機飛杭與我空軍激戰

今晨上午六時半。有日戰鬥機十五架。由高橋起飛。向海外繞道飛至寬橋。盤旋空中。竟圖拋彈轟炸我航空場。適時我航空場停有飛機十三架。有十架即時飛起應戰。餘三架因不及飛起。當被轟略受微傷。日機拋彈約十餘枚。(全係重量炸彈。)其時該站對面有草屋一間。亦被炸毀。車站人員。莫不驚慌異常。但該站幸未殃及。當我機在空中與日機戰鬥時。我駐軍亦用高射砲轟擊。日機不敵。

紛紛逸去。至午時許。又有日機三架。沿滬杭鐵道飛至良山門一帶。並在空中觀察約數十分鐘後。轉飛至臨平站對面翁家坡。盤旋一週。幸未擲彈。惟覓橋長安硤石一帶。嗣後仍有日機多架飛行。直至下午六時。始飛返高橋。

路透社二十六日南京電云。航空處發表今日杭州空戰之公報如下。今晨黎明後。日轟炸機三架。追逐機十二架。共十五架。忽飛至杭州。中國飛機十架即與迎戰。另有飛機多架。未及飛起。日機即擲下炸彈。損中國訓練機三架。運輸機一架。惟所損甚微。可早修竣。當日追逐機十二架與我機交戰時。日轟炸機三架即逃去。戰僅十分鐘。日追逐機亦向上海逃去。我駕駛員兩人受微傷。敵一機落於杭州灣附近。機身三毀。機師亦斃命。

第十三章 敵軍待援再攻

獅子林被敵艦砲攻

閩北方面火光燭天

(二月二十七日之戰況)

▲吳淞方面戰況

敵軍砲轟獅子林

我軍擊沉偷渡船

敵軍自偷渡蘊藻浜一役遭受鉅創後。對於吳淞之企圖。已不敢輕於嘗試。近數日內乃集中主力。側重江灣大場方面。始則以步兵肉搏。但被我軍包圍。復遭重創。遂不惜以數十重砲。竟日澈夜。不斷猛轟。終因我軍天賦神勇。敵絕鮮效果。非獨毫無進展。並且連連敗北。敵司令植田勢成騎虎。迭電乞援。冀挽頹勢。聞昨日吳淞口外有十餘艘大批日艦。專待各國商輪進口。即可藉作掩護長驅直入。而所載援兵。約有六千餘名。現敵艦前後共達三十餘艘。聞敵現將再變戰略。又將視吳淞矣。茲將詳情。分述於下。

敵艦轟獅子林 今晨七時半。敵軍艦二十餘艘。集中於瀏河寶山間江面。同時飛機七架。集中砲火。向我獅子林砲台轟炸。我軍沉着應戰。亦時發砲還擊。至十一時二十分敵機飛去。而砲轟如故。掩護敵軍。圖在砲台灣登陸。候至相當地點。停止砲擊。我軍是時乃以機關槍及迫擊砲向敵射擊。多命中。敵艦亦開砲猛擊。混戰至下午二時許。尚未停止。其所投炸彈。多爲二百五十餘磅之重彈。但我方要塞佈置極週。敵投彈雖多。大半均陷入淤土。失爆炸力。

敵船擊沉三隻 上午十時許。張華浜糧米棧碼頭日兵二百餘名。分乘鐵甲駁船四隻。藉依周塘以掩護。沿塘駛至蘊藻浜口。希圖偷渡。當被我方外馬路駐軍覺察。即用陸戰砲轟擊。敵船一時欲退不能。當被擊沉三艘。斃敵約一百五十餘名。其最後之一艘。急轉舵避入塘邊。急駛逃去。是役敵軍生還者僅五十餘人。我方未傷一卒。

蘊藻浜敵縱火 今晨八時許。敵於慘敗之餘。秘密派遺漢奸便衣隊多人。改扮良

民。偷渡蘆漢。潛至各村落。肆行縱火。於是邇中居民又遭一炬。自晚至晨。迄未稍息。加之風伯助威。施救無人。故延燒更烈。在本埠較高之處。即可遠見黑烟冲天。

▲閘北砲聲火光

敵軍偷襲均經擊退

中興公興等路大火

閘北方面日軍。自晨至晚。全用大砲飛機。向天通庵路。中興路。青雲路。公興路。等處轟炸。擲彈結果。發生大火數處。竟日未熄。入晚七時起。天通庵虬虹路方面日軍。利用少數兵士。不時向我軍偷襲。均被我軍擊退。砲轟至下午六時許平息。

入晚敵偷襲擊退

下午七時許。日軍於砲轟後。即撥派少數步兵三四十人不等

。向虬江路。天通庵路。我軍防線偷襲。我軍伏處戰壕。沉寂不動。日軍意為我軍已被其砲火逼退。乃仍摸索前進。約距我軍陣地百碼左右。我軍機鎗突起。日軍當者盡靡。未幾又來又遁。如是者三四次。嗣後日陣見無隙可乘。乃停進行。惟仍不時用步槍遠射。我陣亦還擊。

中興路竟日大火

日陣自昨日起。因步兵接觸。非惟不能越我雷池一步。反致

喪兵折將。故改用砲轟飛機擲彈。但結果仍不能損我分毫。昨為敵陣施用此計之第二日。於上午五時起即用大砲。向天通庵及閘北轟炸。同時日飛機三架。亦在閘北等處。空中旋盤投彈。中興里。先中敵機炸彈一枚。繼中硫磺彈。立時起火。先僅在里中廷燒

。旋因大風助威。乃漸延及鄰屋。同時敵方砲彈紛飛。墮地爆炸。更助火勢。延燒至午。已將中興路對宇房屋。全付一炬。未幾鼎元里亦累及。入晚已焚及大半。火勢尚有增無減。遠望滿天通紅。天通庵路附近。公興路。於晨間起火後。亦竟日未熄。至晚間十二時。仍見火光熒熒。黑烟瀰漫。火勢不下中興路。兩處損失。不計其數。

▲廟行江灣沉寂

砲聲繼續並無劇戰

大批敵屍運揚樹浦

廟行江灣間戰事。敵自昨晨總攻失敗後。乃利用飛機大砲。不時向我威嚇。同時以少數部隊。擾我陣線。自昨晨起。迄午後止。全線沉寂。並無劇烈戰事。昨日午后四時後。江灣方面。砲聲復起。但極稀疏。我軍以敵方徒費子彈。並未還擊。

沿途敵屍縱橫

大場全鎮。於昨日被日飛機投擲巨量炸彈三枚。立即爆炸。全鎮

房屋。炸毀十分之七。已成一片焦土。幸民衆均已避走。暫時躲身於附近各鄉村中。前日廟行。趙店宇。竹圍墩。孟家宅。大沈宅。一帶。日軍大敗。沿途各田地上死屍堆積。血流成渠。除在我軍火線外之屍身。於今日下午傍晚時。由日軍拖至鐵路附近。裝入大卡車上。運往楊樹浦及公大紗廠者。共計有四十八車之多。約計足有三千餘名。沿途血跡淋漓。觸目皆是。尚有手足擊壞。氣息未絕者。亦均一併裝去。

●第十四章 敵軍夜戰失利

敵宵圍攻均被我軍擊退

竹園墩獲勝敵軍死傷枕藉

敵砲猛轟八字橋圍北大火

(二日二十八日之戰况)

▲敵夜襲竹園墩

自敵方援軍大批到滬後。昨日已入於最後準備時期。其主力仍集中於廟行江灣至八字橋方面。昨晚黃昏後。敵仍施其故智。利用大砲。猛轟我軍陣地。同時以少數部隊向我軍廟行至八字橋陣線。到處騷擾。竟宵未停。至今晨六時。敵砲火稍止。上午八時江灣之正面復有小衝突。均被我軍擊退。廟行我軍稍有進展。其餘陣綫無變動。今日上午十時至下午一時止。前線又較爲沉寂。敵機十餘架今日上午七時起迭往大場彭浦沿交通路拋擲重量炸彈。及硫磺彈百餘枚。焚燬民屋。炸死男婦各一名。餘彈均落在四週空地上。并無損害。各情分誌如次。

黃昏時砲攻猛烈 昨日江灣廟行一帶戰訊沉寂。延至昨日下午六時後。敵砲百餘門。向我軍廟行江灣八字橋陣地猛轟。八字橋尤爲砲火密集所在。至晚十時後稍停。

至今晨零時三十分許。隆隆砲聲又起。每分鐘約開數十發。至今日上午九時始停。敵所發多爲硫磺彈。擊中民房。焚燒甚烈。於我軍毫無損害。

竹園墩兩軍肉搏

日軍於連續斷向我砲轟後。於下午五時許。即撥派三四百人小部隊。先向竹園墩小場廟兩處。作斷續的衝鋒。均不得逞。乃於下午八時許移其主力軍隊向竹園墩方面偷進。約有千餘人。但該處我軍亦有重兵。於是兩軍相搏。激戰由晝而起。日軍衝鋒時。係用手提機關槍及手榴彈。我軍亦用手榴彈還擲。機關槍左右輔助。向敵軍掃射。我大刀隊隨先鋒而進。同時小場廟方面敵軍又用小部隊二百餘人。向我進攻。鋼砲接連向我軍射擊。我軍亦起還應。因此兩處槍砲聲接成一片。敵軍藉軍力充足。連續衝鋒。我軍乃奮勇而進。與之肉搏。喊殺震天。刀彈到處。但見敵軍授首。血花四濺。滿地染紅。經我軍二小時之勇戰。敵軍漸見不支。逐步退却。我軍四起追擊。敵全部紛亂奔潰。我軍乃回守原防線。斃敵二百餘人。

沿全線小部擾亂

敵軍經此一敗後。心尙不休。乃收拾殘部。分爲十餘小隊。

於昨晚十時後。重向淞滬鐵路我軍各線進攻。我軍先亦還擊。嗣見敵軍一聞我方槍聲。即返身奔逃。乃變更方策。俟其深入後。在其兩旁。用機關槍掃射。因此敵軍曾受一次重大損害。旋敵軍以此方不利。乃又竄往他處襲擊。如是者二十餘起。敵軍死傷近百餘人。至今晨一時許。沿全線敵軍。又以無隙可乘。乃即退却。

敵反攻拂曉退却

至今晨二時許。敵軍意爲我軍無備。乃突以重兵約。千餘人

。重向竹園墩小場廟一帶我軍防線猛攻。砲火繼起助戰。當時我軍除以大砲還擊外。前線步兵。均沉寂不動。敵直衝而進。我軍機關槍於其稍近時。即奮起掃射。先斃敵十餘名。敵後部即中止。未幾重起衝鋒。約數百人。散兵而進。我軍一躍而出。與之接戰。先僅以槍擊。繼愈逼愈近。乃又入肉搏。血戰之中。我軍到處圍殺。致敵死屍遍地。雙方援軍紛到。因此愈戰愈烈。混戰四小時餘。敵仍不支。立即向後潰退。我軍以鋼砲機槍追擊掃射。敵四向奔逃。至今晨六時。已全部敗退。我軍固守原防線。

廟行陣線有進展 今晨七時。敵軍以數百人部隊。向我廟行側面陣線進攻。經我軍猛烈還擊。未幾敵即不支。紛紛後退。我軍陣線略有進展。

高境廟我軍獲勝 頑敵經竟宵困戰。絲毫未能得逞。戰敗之餘。全軍已現疲態。至今晨八時許。敵在江灣正面高境廟一帶補充生力軍約五百餘人。向我陣地襲擊。初用野砲不斷轟攻。意欲破壞我方壕壘。但我軍均潛伏壕內。遠處瞭望。祇見一片荒邱。蜿蜒如隴畝。故敵砲毫無標的。頻轟約半小時。敵見我方塵土蔽天。於是藉作掩護。向我陣地衝鋒。我軍明知頑敵狡計。故作不見。直待敵軍逼近壕溝時。我軍乃以步槍及機關槍猛烈掃射。敵應聲而倒者五十餘人。

一排人擊退頑敵 敵遭迎頭痛擊。正欲向後潰退時。敵後援又續到六百餘人。分兩批繼續猛衝。我軍見來勢甚烈。即一面在正面迎擊。一面以一排精銳。用手提機關槍從左右衝出。猛烈掃射。將敵軍衝為三段。敵遂失其連絡。深懼又遭包圍。乃如急潮

湧退。是役敵死傷逾百人。我軍奪獲手機關槍五架。步槍數十枚。手榴彈百餘枚。至十時二十分。敵全部退去。

敵機轟炸大場鎮

今晨六時許。敵飛機十餘架。分作數隊。又飛至大場一帶偵察投彈。歷兩小時之久。共投下重磅炸彈至一百十七枚之多。滬太汽車路彭浦站對過之民房。炸燬無遺。滬太汽車二輛炸去過半。路旁男女屍身各一。厥狀至慘。

敵砲擊八字橋

經我軍擊退未得逞

殘餘房屋延燒甚廣

昨晚六時後。敵軍以重砲數十門。向我天通庵路。青雲路。八字橋。一帶陣地猛攻。同時以零星部隊。向青雲路。天通庵路附近我軍陣地襲擊。經我軍還擊。敵未得逞。乃紛紛退去。今晨零時二十分起。敵又用燒夷彈向八字橋一帶轟擊。至晨九時始停。八字橋南面一帶殘餘民房。受猛烈砲火攻擊。有數處起火。延燒甚廣。截至發稿時止。尙未熄滅。至老靶子路。虬江路。橫浜橋一帶。昨晚及今晨。均無戰事。

江灣一片焦土

金穆宅楊家橋

我軍防禦鞏固

江灣成爲砲火焦點

敵軍自變更戰略。以全力進攻我江灣方面後。因我軍猛烈

抵抗。每次進攻。終不得逞。乃利用大砲數十門。飛機數十架。日夜向江灣鎮轟炸。亘三十餘小時之久。希圖毀壞我軍陣地。但結果仍告失敗。惟鎮上民房。則因此焚燒殆盡。全鎮幾成一片瓦礫場。而鎮上尙未逃出之無辜居民。多被炸死。屍積如山。臭氣逼人。不堪久耐。尤以附近河水。愈形惡濁。我軍爲安全起見。於二十六晚間九時。暫行離去該鎮。即將陣線移至附近防守。然敵軍以我方嚴陣以待。仍在該鎮東面一帶窺視。膽怯不敢前進。至二十七晚間。敵軍會派少數哨兵。乘黑夜偷入鎮內窺探。當被我軍察覺。立即開機槍擊退。嗣後雙方均隔鎮而守。故江灣鎮上。現實爲兩方火線之焦點也。

我軍憑泗塘河嚴守 昨日下午三時四十分起。敵又以少數部隊。向江灣以南之楊家樓衝擊。當經我軍奮勇擊退。但我軍以戰略上便利關係。現均在江灣稍西之○地築防。敵以爲我軍詐退。不敢遽進。直至今晨七時。敵用飛機先將虛實探明。復用巨砲轟擊。直至近午十一時。始前進至萬倉橋。其時我軍早已準備完竣。猛烈迎擊。敵不支。後退數十碼。敵軍進抵鎮上。因防我伏軍。留匿民宅。故將所有房屋。盡行縱火焚燒。烟燄之烈。較昔在寶山路焚燒時。尤爲猛烈。午後四時三十分。國聞社記者在滬太路東望。見火尙在延燒中。至於萬倉橋之敵。被我敵住後。遂在附近紛紛築防。午後二時。復用小數部隊。向江灣北面之嚴家宅。與江灣南面之楊家樓。舉行偷襲。但均以我防地鞏固。不能得手而退走。三時後。偶有槍聲。均爲雙方哨兵所發出。戰事並不十分激烈。現我軍防線。北自金穆宅起。南迄楊家樓止。已成一直線。憑泗塘及俞涇作戰。防護

較前更為嚴密。

小場廟嚴家宅劇戰 今日上午。江灣敵以大砲及飛機十餘架。向小場廟與嚴家宅一帶轟炸。至午砲火始止。旋敵千餘。由大沈宅及周家宅一帶。向我進攻。我軍奮勇衝殺。將敵截成兩段。致首尾不相應。即行退却。於下午一時許。被我軍包圍。混戰歷二小時之久。敵軍被我解決。截至下午四時。該方面又有砲戰。

●第十五章 江灣三路却敵

敵步兵三路進攻大砲飛機助戰

雙方激戰二小時敵軍損失奇重

(二月二十九日之戰況)

敵軍三路會攻江灣

敵機五架擲彈助戰

戰至十一時敵敗退

敵軍於今晨八時。在江灣西面。用大砲數十尊。會同飛機五架。向我江灣孟家宅及八字橋一帶陣地轟炸。同時並派步兵一千數百名。在大砲掩護之下。分三路向我本隊陣地衝鋒。我軍亦即分逃迎頭痛擊。激戰至十一時。敵始不支敗退。茲將戰況詳情。分紀如

下。

敵先用大砲飛機 今晨七時半以後，即有敵軍轟炸機三架。戰鬥機兩架。至八字橋及孟家宅一帶我軍陣地。先行投擲重量炸彈。同時敵軍砲兵隊。分佈於虹口公園及江灣跑馬場兩處。共有大砲數十門。猛力向我開砲轟擊。以期燬壞我軍防地。俾其步兵前進。

分三路向我衝鋒

至八時許。敵軍以爲我方陣地已被大砲飛機所燬壞。乃遣派步兵約一千數百名。分三路向我防線衝鋒。第一路約四百餘人。由持志大學方面前進。第二路約五百餘人。由江灣車站前進。第三路約五百餘人由江灣鎮前進。我軍前哨線。見有敵軍前進。即以來福槍射擊。抵抗數分鐘後。乃佯退至本隊陣地。引誘敵軍前進至相當地點時。乃羣起衝殺。同時用機關槍及手榴彈掃射。敵軍亦頑強抵禦。計持志大學方面之第一路敵軍相持僅三十分鐘。即行潰退。第二三兩路敵軍。人數較多。竟激戰至十一時。始被我軍擊退。十一時以後敵軍已停止飛機大砲之轟炸。我軍亦未窮追。據該處我方軍事長官稱今晨之戰。敵軍死傷甚衆。我方亦略有損失。

竹園墩戰三小時

今晨零時二十分。敵軍遣赴步兵約三四百人。乘黑夜向竹園墩方面偷襲。當被我軍發覺。立即進擊。雙方即在該處激戰至今晨三時餘。敵始不支退敗。嗣後敵軍雖無舉動。但我軍仍在該處嚴陣以待。

▲我軍繼續進展

天通庵路我軍取攻勢

拂曉 向平涼路挺進

日軍以大砲向我開北八字橋等處後方陣地轟炸。已歷二日二夜。中以昨晚至今晨爲最烈。日軍計發八百餘砲。同時敵機到處擲彈。惟徒苦我民。廬舍遭災而已。其兵士已久懾我軍威武。始終未敢深入。我軍於昨晚進展至淞滬鐵路北面。於今晨四時起。重又會合青雲路。天通庵路兩路兵士。繼續向淞滬路南面日軍陣地進攻。日軍深悉其步兵不足恃。乃以重砲爲利器。齊向我軍前線作猛烈之轟擊。我軍砲隊奮起還應。直向其後方施射。我軍卽利此時機。逐步進逼。手提機關槍密如連珠。日軍措手不及。紛向狄思威路施高塔路退却。我軍卽分路向狄思威路。施高塔路。包抄敵軍後方。因此敵軍砲隊被我逼退。敵軍見失砲隊掩護。頓覺戰鬥力。乃續向後潰敗。至清晨六時許。我已趨達虹鎮附近。時敵軍援軍紛到。乃起激戰。雙方砲火連天。雖在車馬市廛之租界中區。亦能清晰可聞。至十時許。敵被我重砲威逼後。力不能支。繼續潰退。同時宋公園路房屋因被敵機擲彈。有數處起火。敵機三架。於上午八時許。在開北真茹偵察擲彈。於十一時許被我軍擊退。

▲吳淞廟行沉寂

今晨敵艦並未開砲

廟行防線異常穩固

今晨一時起迄今日下午一時止。吳淞方較爲沉寂。敵艦未開砲。敵機亦僅偵察而止。未擲炸彈。蘊藻浜正面。時有斷續槍砲聲。然雙方並無接觸。至廟行我軍防線始終未變。今日上午亦無戰事。槍砲聲亦極稀疏。敵時有數十人小隊。進擾廟行正側面防線。均先後被我軍擊退。

第十六章 退師前之惡戰

(三月一日之戰况)

▲八字橋之血戰

陣地五失五得

閘北一帶大火

昨日敵軍傾其全力。猛攻閘北八字橋一帶。雙方晝夜血戰。我軍防線。凡三失三得。敵軍死傷。達三千人以上。戰事之烈。實較曹家橋江灣等役爲烈。可謂一、二、八以來第一大戰。而天通菴。竹園墩。小場廟等處。更爲敵軍砲火之焦點。鏖戰至今日正午。砲聲猶隆隆不斷。詎至下午二時後。敵軍竟收殘餘。增加援軍。第四次向八字橋迤北一帶等處。繼續猛攻。激戰之烈。尤甚於前三次。最後凡五失五得。我軍仍固守陣地也。茲將各方情形。探錄於次。

敵四次攻八字橋

敵軍在八字橋經兩晝一夜之苦戰。至今晨已力盡精疲。至九時

許。敵援軍又到。集中約三四千人。復利用其集團砲兵及三四十門之各式重砲。及大批飛機爲掩護。作第四次之猛烈進擊。砲彈到處。房屋立時起火。蓋敵軍所用完全爲硫磺彈及霰溜彈也。飛機所擲炸彈。無一彈在百磅以內者。加之鐵甲車威脅更甚。敵步兵得此最大之助力。更乘勢作猛烈之衝鋒。當時我軍見敵來勢過猛。爲避免犧牲計。僅以機關槍稍加抵抗。至正午十二時許。我軍卽向後撤退約一百米突。

收失地再度肉搏 當時我軍撤退一百米突後。立卽調動大批生力軍。向該處增援。至下午一時許。我軍更四度反攻。均視此處爲全線關係所繫。口師師長並親赴該處指揮。我軍士氣更覺百倍。人人均抱犧牲決心。全軍同時動作。以多數之手提機關槍爲前導。猛向敵軍陣地衝擊。喊殺之聲。震聞遠近。同時我軍大刀隊已滾進敵陣。刀光四射。血肉橫飛。應戰歷一時四十分。敵陣全潰。紛紛竄退。於是遂仍佔原有陣地。並檢獲敵軍機槍數挺。步槍三百餘枝。鋼帽子彈無數。嗣後敵卽用大砲不斷轟擊。無一分鐘之間斷。待至薄暮敵軍又取攻勢。迄至今晨。攻擊益亟。但我軍仍固守原線。屹然未動。

閘北一帶又大火 敵軍連日間所發砲彈。在閘北一帶落下者。都爲硫磺彈。因此每彈到處。大火隨之。八字橋方面。有三處大火。竟日未熄。

▲竹園墩之激戰

敵軍砲轟竟無片刻停息

我軍以敵屍作障蔽衝鋒

前日敵之主力攻我八字橋及沿閘北一帶。不能動我分毫。昨日拂曉。又日軍猛攻小場廟竹園墩。敵方大砲飛機偵察威脅經過。達十餘小時之久。敵我雖有一度進退。但結果我軍終將敵擊退。主陣線仍毫無變動。茲將戰情錄下。

竹園墩殘敵

敵昨日分三路猛攻八字橋天通巷至昨早十時。仍向廟行江灣間之竹園墩小場廟進襲。我軍駐防該處者爲口口師一部。見敵來即奮勇迎擊。戰約半小時。敵即派出兩大隊。一向江灣前進。一在竹園墩衝鋒。同時敵軍大砲砲彈密集。向同一地點轟擊。預計一句鐘內所落砲彈。近三百粒。空間並由飛機投彈。激戰之烈。較曹家橋一役有過之無不及。至十一時許戰更烈。我軍憑竹園墩東河浜而守。敵軍連續衝鋒。無間斷之時。我軍陣線一度稍稍後退約二百米之地。其時敵亦跟踪而進。來勢愈猛。當此緊逼關頭。我援軍開上。實行抄襲。敵祇得匆匆而退。然已不及。被我擊斃達二百餘名。

火綫之距離

廟行江灣小場廟竹園墩等陣線。敵我相距最近處僅二十餘碼。步槍亦失效力。上午十時。敵以攻八字橋之兵。改攻小場廟。據口口旅軍官談敵昨日攻擊最烈之處。爲廟行至竹園墩一段中。最近時雙方均以手榴彈撲擊。故一俟出壕。即與衝鋒。敵砲火雖烈。對我實毫無辦法。

敵屍作障蔽

敵在竹園墩廟行。遺屍纍纍。我軍屢退屢進者。幾數度矣。當我軍進攻衝鋒時。全以敵屍作障蔽。本日江灣以北至廟行一線。均有劇烈戰爭。

第十七章 我軍全師而退

(二月二日)

自一月二十八日日軍突然攻擊閘北以來。我軍爲自衛而奮勇抵抗。敵迭次總攻。均遭慘敗。乃四易其司令。陸續增派陸軍來滬應援。前後到滬者計第九第十第十四師團。軍艦六十餘艘。飛機百餘架。及海軍陸戰隊等。兵力在十萬人以上。傾其全國海陸空常備軍三分之一力量。以與我淞滬一隅之軍相較量。然經我軍迎頭痛擊。野心終不得逞。自白川大將抵滬後。改變戰略。注重側面。以軍艦三十餘艘。陸軍一師團。飛機三十餘架。襲攻我瀏河楊林口後防。抄襲我軍南翔真茹後路。昨晚激戰竟宵。我防軍兵力單薄。今晨六時後。敵軍陸續登岸。我防軍仍繼續奮勇作戰。同時敵在江灣廟行方面。復以一師團之兵力。向我正面壓迫。我軍以後路緊急。孤軍久持。終屬非計。遂於昨日下午四時。下令全綫撤退至相當地點。繼續抵抗。民衆方面。尤應力持鎮靜。積極援助。貫澈抗日救國之初衷。以圖最後之勝利。

▲我軍撤退經過

昨晨日軍在瀏河楊林口方面登陸後。雖經我軍奮力抵抗。然我軍之左翼卒受重大之壓迫。而全綫有被包圍之虞。十九路軍軍長蔡廷楷。遂於昨日下午四時。下令全綫總退。吳淞廟行江灣閘北等陣地我軍將士。奉令即開始引退。但仍留一小部份。亦全數撤退。

。同時我真茹方面之駐軍。亦全部撤至南翔。

▲南市撤退情形

至南市方面。昨晚亦奉令撤退。龍華淞滬警備司令部。亦於昨晚遷移。至南市之憲兵第六團及警察大隊。於今晨四時撤退至顯橋。地方治安。由保衛團及警察維持。

▲我軍撤退原因

據十九軍後方辦事處主任范其務君云。予誠不欲費詞。侈言我軍此次戰爭之如何如何。然予亦甚希望國人。應明瞭此次戰爭之嚴重性。吾人苟回溯我軍作戰一月以來之經過。則必恍然今茲退却之爲何種意義矣。蓋自一月廿八夜。日軍向我閘北開釁以來。其海軍司令鹽澤所率之陸戰隊六千人。立即被我軍擊破。終乃派植田中將統率陸軍第九師團約二萬餘人。前來增援。並運來大批坦克車五十輛。野戰砲兵一旅。飛機一百三十餘架。戰船四十餘艘。於前月二十號。向我軍下總攻擊令。在江灣廟行鎮一帶陣地。作猛烈的攻擊凡五次。我軍與之血戰數日。日夜不息。結果。植田所帶來之第九師團亦潰不成軍。而我方田開北以至吳淞之陣地。依然鞏固。絕不因日軍之猛烈攻擊。而稍有搖動。最近日方更派白川大將。帶領第十一第十四兩師團約三萬餘人。加入前線。向我八字橋廟行鎮等陣線急劇進攻。惟連日仍被我軍擊退。不能前進我陣線一步。惟吾人此次在迭勝當中。忽然撤退。此中當有緣故。請分別言之。(一)我軍自一月二十八日在閘北與敵抗戰以來。第一天在前線者祇數百人。其後我十九路軍共三師。先後調到

。繼後第八十八師及八十七兩師及稅警團等參加。自一月二十九日起。一直與敵人激戰。至于今。我方軍隊。僅有五師而已。而戰線則由開北拖長至吳淞。約二十里。且要兼顧南市及瀏河等處。軍隊不敷分配。可想而知。我前線之士兵。有與敵激戰數日夜而不得休息者。而敵方則援軍源源而來。最初鹽澤指揮陸戰隊六千餘人。商人義勇隊三千餘人。第二次野村帶來陸軍萬餘人。特別陸戰隊三千餘人。第三次。植田帶來陸軍第九師團約二萬餘人。第四次白川大將帶來第十一第十四兩個師團約三萬餘人。每次均附有大砲坦克車飛機戰艦野戰砲等無算。統計目下敵方戰鬥力。陸軍及陸戰隊商人義勇隊。不下八萬。雖迭次被我殲滅者不少。然尙源源而來。且尙有戰艦數十艘飛機百三十餘架。坦克車五十架。大砲數百門。與我軍比較。不但器械優劣之差異。卽我軍人數。亦不及敵人之半。敵之增援無窮。而我軍人數有限。此在作戰上我軍應暫時撤退。準備第一次之進展計劃。(二)因爲雙方軍隊人數之懸殊。故敵得乘虛。以萬餘人向我瀏河方面襲擊。我軍人數既比敵少。支配前方。尙虞不敷。對瀏河方面。自不容易兼顧。故此方曾被敵人乘虛攻入。惟瀏河地位。處我軍左後方。我前方軍隊。如不先事撤回。恐有前後受敵之虞。且敵人既深入。戰線已延長。我如縮短防線。與之作戰。則必操勝利。此無待軍事家亦可推測而知。此亦爲我軍撤退之一理由。况我軍之退。純有計劃的退。(一)我軍退却時。極有秩序。軍實方面。絕無損失。軍心極爲鎮定。精神仍極振作。(二)我軍退後。敵人還以我軍另有計劃。對於軍防地。截至現在。仍不敢輕進。

●第十八章 退師後之評論

▲國際之評論

柏林三日國民社電。今晨全德報紙對於上海中國軍隊爲戰略關係撤退吳淞閘北。咸以極有政治。重要的並一致聲稱。戰爭榮譽。仍屬中國軍隊。十九路軍能抵抗軍械遠勝之敵人。至於三十四日。其勇敢與膽略。常存天壤間。無有足以減損之者矣。柏林日報評論稱。中國軍隊之在日軍包抄行動猶未開始之際。卽行撤退。實屬最適宜時。若再死守不退。並無實益。亦未必能再增十九路軍之威望。最後又謂日當道苟能踐言。則和平當能於比較短時期內達到。中國軍隊在此時撤退。顯然係政治行動。足見中國政府準備獲得一榮譽之和平。波森日報亦預料可以早見和平。但謂上海事件恐未必能僅藉簽字解決。並逆料全國對於三十四日激戰之反響。以爲不論上海不宜而戰之結局若何。其直接結果。已使中國站在新紀元之門閫。該報又極重視中國政府決定與俄復交事。謂一旦中俄聯盟後。恐將成爲世界之威脅。

大陸報云。此間昨日接紐約電。謂紐約講壇報昨日有一社論。讚美蔡廷楷將軍及十九軍全體將士。謂其作戰之力。足以使日本改變態度。趨向和平。該報謂蔡將軍之光榮。防禦工作。予日本軍閥以展覽世界趨勢之機會。此種趨勢。使日本威名掃地。而同時又使世界輿論灼知扶助美國國務卿史汀生之宣言爲不謬。上海戰事。無論其最終結果如何

。其最令人注意者。即華軍已有充足之抗拒力。蔡將軍已將軍隊中所不可缺少之本質。盡量補充於中國軍隊云云。

▲軍事家之評論

某國軍事專家。論及我軍此次退師之適當。並贊譽我軍事當局。為智勇兼備不可多得之不將材。爰濡筆述如下。(以下皆軍事家語)在戰事開始之初。據吾人預測與觀察。愈以為戰事結束時間。至多不過在一星期與旬日之間。即可完全告一段落。初不料竟延長至三倍以上也。而雙方增援情形。又適成吾人預料中之反比例。蓋敵初日軍僅有海軍陸戰隊數千之衆。初試鋒芒。即遭重挫。嗣後竟四易其主纛。陸續增援達四個師團。近十萬之衆。實非吾人始料所及者。至於華軍方面。則衆寡懸殊。何啻霄壤。蓋除十九路軍主力以外。增援者僅得數千人。尚不及日軍半數。他如器械之優劣。砲火之利鈍。更不能與日軍同日而語。今竟相持逾月。日軍始終未能獲一次勝利。結果華軍全師自動引退。實屬難能可貴。設使華軍方面。亦能得充分之增援。犀利之器械。恐日軍早已失望而歸東瀛矣。再吾人所最引為不平者。即日軍始終盤踞租界為軍事根據地。攻則可進。退則可守。華軍則投鼠忌器。百事掣肘。不能自由發揮其天勇。設使雙方同一形勢。實力均平。照目前之結果。吾恐在開戰兩旬之間。植田尙未來滬之前。日軍將掃數敗登軍艦。即或不能立時退歸三島。但最低限度。亦必遁竄出黃浦。而離淞滬矣。惟此次雙方犧牲之比較。日軍實較華軍數逾二倍。故吾人為華軍着想。其覺值得。今華軍當局更能於

瀏河後方告急之際。從容不迫。一夜之間。全師悄然退去。其用兵之神速。更足令人驚嘆。且退時秩序井然。鷄犬不驚。尤堪令人起敬。實屬世所罕有之人傑。非智勇兼備之將材。不能得此。最後勝利。殆已完全獲得矣。

▲中日戰事領測

據服務於駐滬德國領署之某君云。日前有德國軍事專家赫士少將來滬至署。曾談及此次中日交戰預測之結果。據云：「凡行軍之道。必先佔一地為根據。後方乃可從容進取。上海之形勢。在日本可說十分不利。因上海為國際通商之險地。根本不能穩固。所以也更不能前進。長江當然是日本所必爭之地。但兩岸間。江面過長。日本開往中國之兵。人數有限。決不能兼圖兩岸。現在觀日本之目的。似在南京。但南京在江右。車站亦在江右。充其力祇有向長江右岸進攻。而該處附近。多村落相連。河流縱橫。溝渠雜置。日人所有之鐵甲坦克等戰利品。均不能適用。此外如戰時愈長。則情勢愈複雜。因此各國間干涉者亦愈多。在中國方面。儘可長期作戰。日本則決不能延長至一年半載時間」。又說「中國地方甚大。民族情形特殊。如欲以武力壓服。猶似用大力壓皮球。暴在被壓之處。雖略扁抑。但一放手。仍復渾圓如前」云。

●第十九章 十九路軍戰史

第四十八次戰役

全世界爲之震動

大美晚報云。今日由吳淞江灣開北退走之第十九路軍。在中國戰史上。堪稱戰績奇偉者矣。該軍於八年之中。歷大戰四十八次。共勝廿七次。該軍初爲粵軍第二旅。改編爲第十師。繼改編爲第十一路軍。卒乃成爲今日之第十九路軍焉。欲紀第十九路軍之歷史。當回溯八年以前。當時有廣東青年一團。編入粵軍第一師第二旅。歸年甫卅之勇健軍官二人統帶。一卽蔡廷楷。一卽蔣光鼐。今日一爲第十九路軍總指揮一爲第十九路軍軍長。已成中國之新英雄矣。是時粵局紊亂。陳炯明與林虎由汕頭進窺粵垣。圖逐孫中山。省當局派兵禦之。屢戰失利。旣而敵軍距省僅數日路程。省當局乃命粵軍第一師馳往迎擊。第二旅屬焉。一戰而捷。是爲蔡蔣受砲火之洗禮。戰後。陳銘樞任第十師師長。以蔣光鼐副之。蔡廷楷則任第二旅旅長。是年平亂有功。民國十五年。粵軍悉歸蔣介石指揮。率師北伐。第十師首入湘省。克長沙。汀泗橋一役。與吳佩孚之精兵作殊死戰。雖大獲勝利。而將士陣亡者甚衆。繼乃循江而下。佔漢口。旋於是處改編爲第十一路軍。以陳銘樞爲軍長。蔣光鼐副之。蔡廷楷陞任第十師師長。當吳佩孚下令作總退却也。全師入豫。獨劉玉春率精兵負隅武昌。國民軍屢攻無效。繼乃調第十一路軍。限一星期克之。受命之夜。陳蔣蔡商定策略。卽晚進兵。翌晨城上之五色旗已改爲青天白日旗矣。民國十六年秋。第十一路軍復奉命入贛。與孫傳芳之軍戰。師到不多日。卽克南昌。北洋派之最後督辦。從此一敗塗地。旣而因赤化份子把持江西省政府。陳蔣乃赴南京。

時國民政府已告成立。蔡則返粵。是年陳蔣奉命回粵討共。旋陳任廣東臨時省政府主席。直至去年四月。因甯粵分裂。始被迫下臺。蔣則任第十一路軍軍長。該軍後改編為第三師。歸南京政府直轄。以蔡為副師長。粵桂失和。發生內戰。蔣改任第六十一師師長。蔡陞任第六十師師長。衛守粵境。以禦桂軍。但未進攻。後一年。該二師奉命赴北。參加討伐所謂北方混合政府之役。是時乃改編為第十九路軍。蔣任軍長。以蔡副之。敗馮玉祥之勁旅。未幾。又一內戰發生。十九路軍奉命回贛。稍事休息。民國二十年秋。復負剿共任務。九月七八兩日。圍共首領龍之根據地興國城而大敗之。殺敵甚衆。陳銘樞被逐於粵省也。十九路軍猶在贛省。既而陳任京滬衛戍司令。乃調十九路軍防衛京滬區域。本年一月二十八日日軍進窺閘北。乃起與抵抗。是為軍所經第四十八次戰役。而令全世界為之震動焉。

◎第二十章 中委代表慰勞

自滬戰發生之後。各界踴躍輸將。慰勞物品。源源不絕且首都北平天津濟南青島長沙蚌埠各地。亦都陸續捐助。不特有裨軍需。亦可激勵士氣。故駐滬中委辦事處。於二十四日亦推孔祥熙 薛篤弼。方振武。傅汝霖。陳慶雲。五中委為代表。偕甘乃光。黃季陸。及職員十餘人。攜帶現洋二千元。香烟五千包。於十一時赴前綫慰勞。各報記者。附車同往。出發時。由後方辦事處派員引導。直赴某處晤蔡軍長。蔡軍長居一小室。室

中滿置沙袋。附近並掘有極堅固地壕。蓋為避飛機之擲彈也。軍長聞諸代表至。着大衣。拖鞋。態度安閒。精神奕奕。微笑可見。與各代表及記者握手後。相偕入室。各人首致慰勞之意畢。詢日來戰況。及告以聞日方屢戰屢敗。擬增兵二三師團來滬激戰等語。

蔡軍長表示 日增兵不足慮。謂自一月二十八日日人肇禍至今。敵我兩軍作戰。部隊人數相埒。而日人每戰必敗。自日方致哀的美敦書後。大舉總攻。恃其兵器之犀利。猛攻我陣地。以二十一日夜廟行鎮江灣之戰為最劇烈。廟行鎮一役。敵人死傷枕藉。陳屍二三千具。至今尙未完全掩埋。日人經此慘敗。為保其一等強國之盛名。增兵助戰。以圖一逞。自屬意中事。但我方抱抗戰到底之決心。無論敵人如何猖狂增援。我人必屹立不動。惟敵人師出無名。在滬作戰一月。迭次敗北。士無鬥志。不足慮也。談話間。敵機七架。軋軋之聲自遠而近。陡聞高射砲。機關槍。擊敵機之聲。蔡軍長即偕各人避入地窖。

華參謀談話

遠東社記者在地窖中詢高級參謀華振中君（前任十九路軍旅長）前晚今早戰況與敵我陣線情形。華君答謂。前晚敵人嘗來攻我廟行鎮東南面之小場廟。當時我軍沉默不發一彈。及敵人行近我陣線。我軍起而掃射。斃敵二百餘人。獲步槍二百餘枝。江灣前晚。亦有接觸。奪獲敵人機槍四架。現廟行鎮仍在我軍手中。聞北江灣陣線。我軍均有進展。二十一夜本已深追入日軍防綫。因無險可守。故退原防。今晨戰況稍似沉寂。華君并言嘗俘獲敵方一小隊長。問其何以日軍必欲侵略中國。彼竟謂係中國將

侵略日本。故日本必先征服中國。以免反被侵略之危險等語。可謂兇頑已極。現已將該小隊長移送後方。暫為安置云。及十二時半。日飛機已逃去。記者及各慰勞代表。致意蔡將軍隨時珍重。告辭而回。出門時。見西報記者三十餘人。及西婦三人。候見蔡軍長。蔡軍長步出接見。各西報記者脫帽為禮。口呼「將軍」。紛紛攝影。蔡軍長以屋外甚寒。接待入室內。記者偕慰勞代表驅車返。

中委慰勞函 敬啓者。此次日寇犯境。神人共嫉。貴軍全體將士。秉大無畏之精神。奮起抗敵。忠勇衛國。屢挫寇鋒。連獲大捷。凱歌傳來。舉國歡騰。敵處同人尤深嘉慰。茲推孔委員祥熙。方委員振武。薛委員篤弼。傅委員汝霖。陳委員慶雲。等代表前來。藉致慰勉之忱。除備現洋二千元。分給上海各院傷兵外。并具香烟五萬包。聊資犒勞。敬祈晒納。代轉各士兵。無任幸甚。此致十九路軍總指揮蔣軍長蔡。中國國民黨中央委員駐滬辦事處啓。二。二十四。

●第二十一章 西報讚揚我軍

▲蔡軍長招待西報記者

蔡將軍矢志服從中央

捍衛疆土為彼之天職

抵抗到底成敗所弗計

各西報記者一致讚揚

十九路軍蔡廷楷軍長。二十四日晨在軍次。招待外報記者。到英。美。德。法。各報駐滬通訊員及上海各西報各通訊社記者二十餘人。會見地點。頗爲幽靜。蔡將軍之舌人。用英語對客曰。『太太們。先生們。還有什麼問題要問嗎。』因知客已稽留多時而其中尙有女新聞記者在也。蔡氏此時壁背面火爐坐。諸記者則在烟霧繚繞中。手持鉛筆。且問且作記錄。爲狀威極專心。約一刻鐘後。客咸至園中少息。並進小食。此時此名滿中外之蔡將軍。卽爲大小鏡箱所包圍。言語談笑。一一成爲鏡頭所攝入。主人既有問必答。客亦歡忻異常。且其中有不少問題。極饒興趣者。某記者問曰。蔡軍長前在何處受教育。蔡氏答稱。余固未曾讀書者也。發問者乃曰。佳哉。不讀書乃能成良將。聞者爲之莞爾。又有某君叩蔡氏曰。將軍於治軍之外。亦兼營他業否。譯者述畢此語。蔡氏笑答之曰。余專心治軍。無暇更營他業也。關於此種問題。雖似細瑣。而蔡軍長必一一詳聆詳答之。此外關於各記者之問答。擇要紀錄如次。(問)軍長置身戎馬幾年矣。(答)近二十年。(問)何時始入行伍。(答)十八歲。(問)自二十八日與日作戰以來。華軍死亡若干。(答)約二千人。惟平民及婦孺喪生者。已不下六千人矣。(問)聞蔣介石氏曾來前視察。有此事乎。(答)現在十九路軍抵抗日軍。爲力已足。蔣氏尙無來此視察之必要。(問)將軍與蔣氏雙方感情何如。(答)十九路軍係中央所轄之軍隊。蔣氏爲參謀官。軍人天職。祇知服從。無所謂感情若何也。(問)現在前線作

戰之兵士人數有若干。(答)約三四萬人。(問)聞華軍中有德顧問。有此事乎。(答)絕無其事。譚至此。關於吾軍何不盡將租界中之殘餘日軍驅逐一點。各西報記者亦曾叩及。蔡軍長當答以爲公理人道而戰。不願以租界精華之區。膏砲火饜吻。故對於日人依據租界作戰。一再容忍。嗣各記者又(問)日本將派重兵來滬。將軍亦有所籌畫乎。(答)余係軍人。責任捍衛疆土。抵抗到底。成敗利鈍。在所弗計。中報記者至是亦叩蔡軍長以最近之前方消息。承答如次。閘北方面陣線續有進展。廟行方面。日軍被我包圍者。即可解決。昨晚(二十三)有日軍百餘名。衝入吾江灣北面陣線。全數被吾殲滅。無一生還。獲槍百餘支。記者又叩以美國飛行家薛脫在蘇殞命事。據答薛氏係送運吾國所購之「寶靈」號飛機來華者。與軍事無關。機身之外。亦無華機標識。更無機關槍及炸彈等之軍備。飛抵蘇垣時。忽被日本飛機架圍攻。薛氏因以身殉。殊爲可惜。至於美人是否將向日本交涉。渠未能回答云云。蔡軍長於招待外。又請來賓參觀吾方戰壕及軍事設備。事後華記者叩某外報記者一行所得之印象如何。某君曰。華軍戰壕之佳。得未曾有。遑論日兵萬不能於數星期內攻陷。卽數年之久。恐亦不能動搖其陣線分毫。此雖過獎之詞。然贊揚吾軍。亦可謂備至矣。

●第二十二章 日軍援軍彙誌

▲日本續到援軍

日軍司令植田。因總攻以來。屢次大敗。第九師團死亡甚夥。急電東京。續派援兵來滬。陸軍省。調派某師團來滬援助。第一批遣發者。業於昨日午後。由運送船春日丸長洋丸兩輪。星夜趕裝來滬。於二十一日下午五時到此。額不過四五千名。番號無從探悉。大美晚報云。據可靠方面消息。今日（二十二日）午後。復將有日本陸軍兩師團由日抵滬。聞其中一師團將 浦東登岸。今日所將開抵之二師團。聞其一為日陸軍第一師團。乃任東京募集者。

▲日本又派大將

日將派大將來滬 本埠日文報每日新聞云。軍部中央部鑒於上海事件之推移。考慮兵力之增加。一方為總括的指揮派遣軍。編成派遣軍總司令。軍司令官一職。已內定軍事參議官菱刈大將擔任云。

日有援軍抵滬說 上海泰晤士報云。昨夜（二十二日）可靠消息。日本復派援兩師團。刻正進備 上海附近登岸。一為第十一團。一為日本最稱饒勇之東京第一師團。乃拱 京師之勁旅。現皆開到上海。據駛過吳淞各船主言。見有日本兩運艦。昨日進口。一較大者。停在張華浜京滬鐵路碼頭。正有兵士大砲等運送登陸。另 艦昨夜在浦東卸去軍隊。料此項軍隊當係準備進攻浦東附近之第二十三路華軍。按此項消息。雖未經日司令部徵實。但係平日可靠方面傳出云。

十一師團續到

日本續派十一師團來滬二十五日上午。又運到三千餘名。均在

張華浜上陸。並有大批軍火。下午又有日本第二十隊魚雷一艘。於一時五十分進口。亦裝到日兵近千名。經駛進黃浦之大阪碼頭上岸。

杉山中將任司令

東京二十六日路透電云。陸軍省副大臣杉中將。被任爲現

在上海日兵師團之司令。

▲日軍十四師團到滬

日兵自滬戰迄今。已滿一個月。此三十一天中。日軍始用海軍陸戰隊六千二百名作戰。繼調二十六旅團。到滬後連遭潰敗。復調第九師來滬。於本月二十日。對我總攻。連戰。又經我軍擊敗。日軍續派十一師團。於二十四日起。陸續抵申。在廟行等處參戰。死亡殆盡。茲又加調十四師團。滬。全部士兵已於二十七八附日先後上陸。總額有一萬六七十名。聞尙有第二第六兩師團。亦派來滬助戰。刻正在途中。

▲白川大將抵滬

大美晚報云。日援軍第一批。已於上星期抄抵滬。其第十一師團與第十四師團之主隊。今夜（二十九日）均可開到。於是在滬作戰。日軍共有一軍團之衆。白川大將與其參謀人員且夕將抵。白川將代植出任總司令。由日開出之日軍行動。現嚴守秘密。惟悉迄今在張華浜鐵路碼頭登陸者。僅有兩三聯隊。援兵登陸既畢。上海日軍共將有陸軍中將五員。其二即隨十一師團與十四師團同來者也。

●第二十三章 日軍屠殺慘紀

▲西人目擊日軍殘殺記

大美晚報主筆薩格萊君。星期一（二十二）自江灣日軍前線觀戰。目擊日軍慘無人道之暴行。茲譯其原文如下。予今日視察江灣跑馬場。歸而不能無動乎中。以前所見賽馬盛況。中外仕女。熙來攘往。在日光明媚下作競馬之戲。今晨所見。一片慘毒而已。予入場處。陳屍纍纍。皆予所目擊。其慘死者。日軍司令部官報。常謂爲伏兵或爲間諜。是耶否耶。予不欲置辯。但其中有婦女焉。有孩童焉。婦女彈從背射入。所着棉衣。亦爲軍刀所洞穿。孩童滿身彈痕。鄉農裝束者亦積屍於地。地爲血染。若輩服裝。不類軍人。婦女孩童。更無謂矣。意者此卽官方所認爲伏兵耶。蓋日司令部及日使館中人。常告我力說。日本海陸軍非對平民作戰。亦非反中國政府或政府軍隊作戰。僅與廣東之十九路軍作戰而已。是則此輩無辜良民。當爲十九路軍所喬裝者。惟死者已矣。今安從起而爲之對證耶。屋宇被焚。比比皆是。更爲予目觀。日軍縱火。手術精妙。無出其右。看台下焚餘之屍體在焉。予步上看台。見步兵一隊。準備向江灣鎮肉搏。亦駐足與予同觀慘劇。其時農舍正在焚燒。火光熊熊。成爲被虜之火裏逃生者之佈景。一軍官牽一農裝者離羣。向日光下站立。但見軍刀一閃。刺入人體。深及刀柄。爾其人倒地矣。如是者一人復一人。更有身長而可愛之童子。日軍解脫其縛。強按兩屍間。面俯地。日軍

官六手槍齊發。自背而下。彈痕纍纍。槍聲息。彈子響。轉側地上之人。旋亦不動。另一人繼遭同樣命運。予不忍更觀。遂行。昨日該報著有社評。痛論此事。其言曰。上海之事。日本名爲「防衛」若然。則爲暴行防衛。爲日本製造之戰爭。若然。則真正防衛。似須家破人亡也。

▲江灣慘屠記

友人某曾於廿三日晨。隨同西報記者。至江灣一帶視察。目睹日軍屠殺我同胞慘狀。歸而與記者詳述所遇。謂江灣民衆。幾於無一倖免。日軍殘暴可見一斑。友人之言曰。二十三日晨十時三十分。余隨同二西報記者。赴江灣日軍陣地視察。余任汽車司機職。另一華友。則爲余之車副手。車抵江灣時。見附近民房。業被日軍焚燬一空。且有五六處尙在延燒者。烈焰騰空。爲狀至慘。道旁屍體。縱橫排列。均爲我哀哀無告之江灣民衆。男婦老幼。莫不具備。有屍體被劈爲半截者有頭部分裂。腦漿溢流者。慘狀不忍卒睹。女子多服布裙。伏屍道旁。就余所見。已在二百具以上。想見日軍之殘忍。無辜良民。均遭荼毒。余之心房爲之震動不已。余前日（廿二日）在江灣時。尙無如此景象。想日軍下此毒手。屠殺民衆。定係前晚（二十二日）慘敗。惱羞成怒所致。日軍江灣前敵司令部本設在復旦大學。昨日移設於江灣跑馬廳東北角闕帝廟之對面。某樓房內。四週設有高射砲。及機關槍。日軍往來巡邏。警戒異常嚴密。余等在此門前停車後。二西報記者卽入內。採訪消息。及請求戰地護照等。當時余及副手均在汽車內。見日軍往來

運輸。異常忙碌。車馬更爲擁擠。而軍士面目均顯出極爲慌亂之態度。想見前線慘敗。確是實情。同時槍彈由鐵路西段我軍陣線內。紛紛飛來。子彈由車頂擦過。虎虎作聲。余思脫離此危險地界。遂將汽車開後。停在離司令部約百碼之遙。半小時後。余副手下車小便。行未數武。忽聞銳叫。高呼余名聲。聲浪發顫。已失常度。知已發生意外之事。余即躍出車門。遙望數十步外。余友已被日兵三五。夾持而去。余情急。奮不顧身。疾行追及。以英語向日軍解釋再三。日軍瞠目不解。且益怒。一兵將余衣領捉住。擬捕去。此時實達萬分危險。適另一西記者由內而出。余爲素識。因大聲求援。經彼十分鐘之疏解。時同來二西記者亦聞聲趕來。同爲說情。始允將余等釋放。但只許在車中。不許出外。於是余等復上車。據西報記者實地調查所得。司令部左右之民房。全被焚燒。民衆不及逃避者殺者殺。槍斃者槍斃。已無一生存。現大部份日軍仍在鐵道之東。僅一小部份越鐵路。已被我軍包圍。江灣跑馬廳尚在日軍手中。置野戰砲多尊。余在車中。遙望有獨輪小車二百餘輛。滿載軍火。奔馳道上。車夫均爲我苦同胞。衣服背部畫一白圈。手臂纏一白布。亦有特殊暗號。余即詢以被日軍捕去經過。車夫還詢。你是中國人麼。余唯唯。車夫即熱淚奪眶而出。謂我們做工也是死。不做也是死。簡直是人間地獄。白日僅給一頓麪包。晚間則數十人拘留一宿。手臂均互相鎖住。以防逃脫。備用時。極爲客氣。且派兵保護。但不給一錢。不用時。或人浮於事時。卽一槍了事。可怖之極云云。余在車中。候至下午一時十分。日軍右翼正向我軍衝鋒。遠望大隊日軍。分

拾死傷日軍約百數十名。徐徐而來。日軍屢次謊報。對於死傷尤諱莫如深。今日目睹。可知敵死傷之衆。據一般推測。作戰以來。日軍死亡。至少當在五千人以上也。余於二時二十分返滬。

▲引翔鄉民被屠記

某善堂堂夫祝姓。弟兄兩人。其家宅在引翔鄉北首。適當戰區。家屬早已遷避。祇留胆壯兩男子。在家照料。但彼等在滬。時刻思家。冒險回。察視一週。即行返滬。有一鄰人同行。走至引翔鄉跑馬場傍。目見五六日本兵。拘捕三鄉民。兩中年一老者。雙手反綁。押令至跑馬場北面。使之跪地。該日兵等步槍刺刀齊發。三華人即應聲倒地。旋即拋棄於近處小浜中。祝氏弟兄等三人。視狀不敢正視。向前拚命。向租界直奔至安全地點。驚魂始定。據以告人。日人似是之兇橫。暗無人道。至此極矣。

又暨啞工藝學校在軍工路第一分院。於二十二夜十一時許。受日軍重砲轟擊。有二十餘彈之多。工場全部房屋。即於着彈後。立刻起火焚毀。並焚斃學生周玉泉將恆口二名。次如東西二宿舍及膳堂等處。雖未遇火。但已受毀多起。此外尚有數彈落於操場上。致未爆炸。其餘學生因事先已遷至總院教養。故未蒙此難。

●第二十四章 各界重要通電

▲林汪蔣馮等通電全國將士

林森。汪精衛。蔣中正。馮玉祥。張學良。閻錫山。李宗仁等。爲謀與暴日長期苦戰。決通電全國將士。相與効命疆場。文云。自國民革命軍成立以來。我武裝同志。奮其忠勇。以完成中華民國之統一。不幸國內建設。尙未就緒。而外侮洊至。現在國家存亡。間不容髮。舍屈伏於強鄰暴日之下。喪失主權。自辱辱國。則惟有出於積極抵抗之一途。望我全體武裝同志。念先烈之締造艱難。哀生命之罹於塗炭。以大無畏之精神。作長期間之奮鬥。以紕暴力。而申正義。保國家之人格。爲民族爭生存。在此一舉矣。數年以來。我武裝同志。因意見參差。所起糾紛。已爲精神團結共赴國難之一念蕩滌無餘。自此以後。生者相與戮力於疆場。卽死者亦必含笑於九泉。以觀吾輩最後之成功也。謹布腹心。其共勉之。(十六日專電)

▲三百萬市民擁護十九路軍作戰到底宣言

日軍不撤無調和餘地

堅決反對設中立區域

上海市民聯合會。昨代表滬市三百萬市民。發表鄭重宣言。對滬局表示反對設中立區域。暨全國動員自衛。擁護十九路軍作戰到底等四點。原文如次。自暴日憑其武力。侵略我東北三省後。猙獰面目。日益暴露。上月二十八日。駐滬日軍。於其國領事對本市府答覆。認爲滿意後。違背信義。引起戰禍。我十九路軍爲防衛國土計。誓死抵抗。血戰兼旬。屢摧強敵。我民衆敵愾同仇。故抱甯爲玉碎。勿爲瓦全之心。爲我國家民族爭一

線生機。各竭其力。爲我忠勇衛國之十九路軍後援。不圖在此浴血抗敵。千鈞一髮之秋。執政諸公。忽有依違和戰之間。舉棋不定之勢。日人亦竟敢不顧廉恥。提出種種無理條件。以冀我人屈服。遂使杯弓蛇影。伯有相驚。夫物必先腐而後蟲生。空穴來風。非爲無故。吾人苟抱定犧牲之決心。則公理終有戰勝強權之一日。物質損失。猶是小焉者也。敵會敢代表滬市三百萬市民。堅決作下列之表示。(一)非日軍先行退出中國領土。絕對無調和之餘地。(二)反對設立中立區域。(三)擁護十九路軍武力抗日到底。(四)全國總動員。實行正當自衛。拒絕日方任何要求。以上四點。爲今日最低之要求。如果不能達到。而竟致軟化。則此次上海千萬生命財產之犧牲。無異付諸流水。國家興亡。在此一舉。尙希我全國同胞各秉匹夫有責之義。督促當軸。一致奮起。勿令秦檜張邦昌輩復見於今日。國家幸甚。民衆幸甚。謹此宣言。

▲十九路軍將領通電

在大戰開始之日即本軍授命之時

使一卒一彈猶存則暴日決不得逞

國民政府各省軍民長官。全國民衆。暴日蔑視我國家政府。以挑撥造謠之卑劣伎倆。違反通例。單獨致本軍以蠻橫之最後通牒。本軍惟以鐵血答覆之。軍人報國。粉身碎骨。是分內事。大戰開始之日。即本軍授命之時。使一卒一彈猶存。暴日決不得逞。懣願全國朝野上下。人人懷必死之志。引偷生苟免爲無上恥辱。團結一致。前仆後繼。則本

軍之犧牲爲不虛。伏屍流血之戰士。必含笑於九泉矣。第十九路軍總指揮蔣光鼐。軍長蔡廷楷。淞滬警備司令戴戟。師長沈光漢。毛維壽。區壽年。副師長李盛宗。張炎。譚啓秀。旅長劉占雄。鄧志才。張勵。翁輝騰。黃固。暨全體官兵同叩。號。

▲十九路軍告全國民衆書

受國家豢養願以身殉

謀長期抗拒以待變化

十九路軍總指揮部參謀處告全國民衆書云。滬案發生。及今匝月矣。我軍以血肉之軀。與敵重兵利器相激盪。卒能迭挫兇鋒。屹然不動。國人創痛之餘。莫不躍然而興。色然而喜。以爲我國從此可抗強敵。躋高位。與列強分庭抗禮矣。而一部分人士之心理。則適與相反。皇皇焉恐戰禍之延長。貽國家萬劫不復之境。夫逆來順。萎靡不振。固爲國人之通病。誇大之心理。僥倖之希望。亦非吾人所應有。拯民族國家於危亡。伸公理正義於世界。此種艱鉅之工作。非一蹴可臨。尤非可以畏難而退者也。同人受國家豢養。以身殉國。義所應爾。及今以未死之身。願貢一言。爲國人告。

吾人欲知滬案肇因。懸揣將來之結果。必須明了日本之國情及世界之大勢。日本自山縣石淵。由田義一。遞及現在之犬養毅。其所謂大陸政策。始終一貫。而不少變。甲午之役。奪取朝鮮。實爲北進之發端。日俄之爭。樹立大陸政策之基礎。加以二十一條件之保障。郭松齡張作霖之被殺。日本在東北之勢。遂益形鞏固。其第一步之侵略。乃

告成功。於是伺機佔領東北。浸及中國內部之志。益不能忘懷。

歐戰以遠。各國經濟衰落。工商凋敝。關稅戰爭之劇烈。賠款問題之僵化。世界經濟恐慌之現象。益趨嚴重。加以蘇俄崛起。赤化大防。時虞潰決。而國際之間。復不減少其嫌猜。無論對內對外。各有其難言之痛苦。至於中國之混亂衰殘。則更無以況之。虎視鷹瞵之日本。豈肯放過此良好機會。於是去年九一八。一聲霹靂。遂摧陷瀋陽。囊括三省而去矣。

藩案發生。我國政府。隱忍退讓。信賴國聯。以謀和平正當之解決。惟是國聯之於各國。非能如臂使指。蓋國聯為腦。列強乃為腦細胞也。細胞不健全。而欲腦之有能力也。難矣。是以藩案發生之初。國聯固不乏人仗義執言。但不久即由曖昧而軟化。由軟化而袒日矣。

反觀我國社會。則爭奪者如故。依賴者如故。加以民衆憤激。越出常軌。輿論靡雜。莫衷一是。使執政者忙於應付。無所適從。既不能戰。復不能和。日帝國主義者。看透事實。更毫無疑義。而伸其鐵腕於中國內部。一二八滬變。遂以爆發。

敵軍衛戍京滬。且上海為吾國經濟中心。南京為中央政府所在。京滬不保。國脈即斷。是以毅然決然。以自衛之目的。與暴日相週旋。一月以來。敵之兇暴行為。日益加厲。吾國同胞。慘死於鐵蹄之下者。奚啻萬數。物質之被毀滅者。其價值且不可估計。然而吾國同胞。毫不因損失鉅大。而減少其勃躍情緒。且增加無限之希望。世界輿論。亦因

日寇之兇殘。及不惜擴大戰禍。而提出抗義。英美等國。積極干涉之態。且漸趨於具體而明顯。然後知惟有奮鬥。乃足以發揚民族精神。延展民族生命。惟有自助。以求自力之生存。乃能博得世界之同情。暴力雖強。終不能壓倒正義也。

雖然。中國之前途。即可告樂觀乎。英美各國。果爲正義出而裁制暴日乎。暴日即能翔然而變更其一貫之「國策」乎。吾人皆不能無疑者也。吾國物質利器之不及人。自無庸諱言。欲一戰而屈強敵。在理在勢。均有所未能。英國則素以穩健外交。著稱於世界。美國則鞭長莫及。望洋興嘆。且皆因國家經濟恐慌。不能自拔。而於對日問題。破壞其反俄陣線。亦不無顧慮。謂能出而積極制日。豈可遽信。至於日本軍閥之黷武主義。正如旭日之升。吾人遙聆出淵在美。謂美日兩軍。當在滬作球戲。及日軍閥謂十九路軍未知日帝國之威力。故敢與之拒抗之語。其氣燄之高。不可一世。即其國民大多數亦未減其信賴武力之心理。此次總選。政友會仍佔勝利。即可以覘之。欲其將所謂關係日本存亡之大陸政策。一舉而更張之。尤絕無希望者也。

願於另一方面以觀察之。則英美正以挽救其經濟恐慌。需賴中國巨大之市場。而不願中日戰禍之延長。尤不願坐視其東方商業根據地上海之陷於危險。更不願日本稱霸東方。破壞門戶開放機會均等之局勢。故雖有種種困難。終必有爲解決自身利害而奮起干涉之一日。再以日本未來之難測言之。日本自藩案發生後。海外貿易。一落千丈。國家財政。已陷於極困難之境。加以侵滬軍費總選舉會之臨時支出。美國名流更倡言對日經濟絕

交。蓋足令社會恐慌。金融混亂。嫉視者衆。外交孤立。國內輿情。漸趨非戰。勞師費財。持久作戰。戡自焚。豈可倖免。

吾人從此可知對日應取之方針矣。日方利在速戰。挾其利器重兵。欲一舉而屈服我國作城下之盟。操宰割之柄。我國則應謀長期之抗拒。以待國際之變化。及敵國自身之崩潰。毋以目前軍事之勝利。期僥倖之成功。毋懈戰禍之延長。生苟安之妄念。斂其氣而不肆。持其志而不解。日本一日不罷兵。外交一日不勝利。則我國一日不停止武力抗拒。至暴日屈服於公理之日。即吾國民族復興之時。夫法謀獨立。奮鬥百年。勾踐復仇。臥薪甘載。我國四萬萬同胞。誠能立下決心。誓死抗日。則或可不俟諸百年也。

▲蔣光鼐等通電

側面後方均受危險

全軍撤退第二防線

從事抵禦不與戴天

蔣光鼐蔡廷楷戴戟等通電云。中央黨部國民政府鈞鑒各報館全國民衆鈞鑒。我軍抵抗暴日。苦戰月餘。以敵軍械之犀利。運輸之敏捷。賴我民衆援助。士兵忠勇。肉薄奮鬥。傷亡枕藉。猶能屢挫敵鋒。日人猝增援兵兩師。而我以運輸艱難。後援不繼。自廿一日起。我軍日有重大死傷。以致傾全力於正面戰線。而日人以一師之衆。自瀏河方面登陸。我無兵抽調。側面方均受危險。不得已於三月一日夜。將全軍撤退至第二防線。從

事抵禦。本軍決本彈盡卒盡之旨。不與暴日共戴一天。浴血陳詞。尙祈鑒察。蔣光鼐蔡廷楷載暨全體將士叩冬。

▲十九路軍發表宣言

自動退守二道防線原因

日軍如來進攻必起抵抗

此次我軍全師撤退原因。頃由某高級長官發表宣言曰。此次在上海四週作戰之我軍。業已全師撤至第二道防綫。此舉乃基於以前之決定。而此決定之執行。不過一時間問題而已。此種戰略上之撤退。實由於第一綫之作戰。其便利盡屬日方故也。蓋我軍之原有防線。關北至吳淞。並非一軍事防線。其所以採取之者。僅因政治地位之重要耳。請言其故。(一)原來防線。無攻勢之可能。此則因我軍不願攻擊公共租界。雖公共租界已爲日軍用作軍事根據地。而我軍不願攻擊公共租界。(二)原來防線與滿佈日艦之黃浦江。成平行線。故該綫常爲日方重砲火力所威脅。(三)在上海四週之我軍。數字上雖與日軍約略相等。但因運輸之缺乏。實際上僅能用其半數于戰場。此因我國之抗日。概係舉國一致之行動。而日海軍復完全控制黃浦江及揚子江。故我軍勢必分佈兵力于受日軍威脅之各地。因此我軍之集中於第一道防線者。決不能如日軍所能遣來上海之衆。(四)所有公共租界之馬路及吳淞上海間之汽車路。均在日艦來復綫之內。且爲日方所佔有。日軍利用此項道路。易於使用坦克軍鐵甲車及重砲。而我軍則須往來於泥濘途滑之

中。以取得後方之接濟。且因日海軍控制揚子黃浦兩江。我前線乃易爲其登陸軍隊任意襲擊。至日軍之不惜鉅大犧牲。從事於徒勞無益之正面攻擊。適足見其缺乏戰略上之知識。蓋彼若在黃浦江揚子江沿線任何一處上岸。則我軍爲避免後防之切斷。勢必早已撤退矣。現日軍卒遣一師團在瀏河登陸。於我軍乃不得不自動退守第二道防線。我軍茲已到達第二道防線。日方以前之利益。乃因之盡得其反。蓋日軍此後之動作。既須遠離軍艦之保護。而其坦克重砲。又無大道可資輸送。且其兵士之一切行動。自必遠距其根據地。因而失其掩護。至於我軍則後防既得保護。此後每一行動。將較近根據地。因而軍實援軍。易於到達。且可盡得地理上一切利益。且下全世界所屬目者。厥爲第二步將如之何之一問題。我政府決不與日本簽定任何損害國家主權之協定。此已充分明瞭。毋庸贅述。今後日軍如進而攻擊我之第二道防線。則我必起而抵抗。設因其人數軍備之侵越。致我被迫再退。則我亦必向之再度作戰。總之現在距戰爭之終點尙遠戰爭實正在開始進行中。月餘以來。我國軍隊。對抗日軍武力。毫無畏懼。日軍携有坦克車飛機野砲最新式之重砲。凡人類知識所造之器械。無不應有盡有。而我國軍隊。祇有步槍及機關槍。以抵抗日本之激烈砲火。據某外國武官言。戰場之上。缺乏戰爭之嚴厲。實情有如假戰。蓋所有砲火。俱由日方發出。中國大砲。均被日機炸彈轟燬。中國軍隊。祇有靜居壕內。接受日砲砲彈日機炸彈。必俟砲火已停。日軍出而衝鋒時。始能以步槍機關槍應戰。上海附近戰事。業已證明兩點重要之事實。(一)證明日本海陸軍可畏之作戰能

力。不過一紙老虎。業經揭破。(二)證明日本優於盡量宣傳。每日世界均飽觀日軍個人之英勇。及日軍之英勇。因其有多數之飛機坦克車海軍砲火之協助之種種優勢。在如斯軍隊之中。倘有個人英勇可言。當用之於比較高尚之主義。至我軍之英勇。皆由外眼見所傳述。毫無偏袒於其間。蓋中國軍隊。並不僅以個人英勇見長。全軍均英勇奮發。無一例外。數萬健兒。誓保國家之榮譽。不惜以血肉之軀。抵抗新式戰器。誰謂如此英勇之民族。竟終於失敗耶。

▲南京外部宣言

和平倘仍失敗

責任當由日負

三月二日南京外交部宣言如下。茲鑒於日本援軍續到二師團。并在瀏河及吳淞復行總攻。特為重一之事實聲明如左。

查中日代表。因英海軍提督克萊爵士之斡旋。曾在甘特軍艦會商。立即停止敵對之基本條件。當經獲得諒解如下。(一)雙方同時撤退。(二)不得提議永久卸除吳淞或獅子林砲台問題。(三)雙方之撤退。由中日委員會會同中立國視察員監視之。(四)撤退區域。照舊由中國官吏治理。并由中國警察維持治安。(五)中國軍隊退至真茹。日本軍隊退至公共租界及越界築路地段。俟雙方上述撤退完竣後。中國軍隊退至南翔。日本軍隊退回艦上。(此最後一點。交由將來續開之會議討論之。)又議定。如中日政府

共同此項假定之諒解。則雙方正式外交及軍事代表。當舉行一正式會議。以完成此項辦法。

▲十九路軍將領通電

一德一心共抗暴日

蔣光鼐等通電云。(銜略)暴日縱兵遼瀋。轉窺東南。我十九路奉命守土。作緊急之自衛。與之相搏於滬濱者一月有餘矣。最初與敵之海軍陸戰隊及其初到陸軍。慶戰二十餘日。殺傷過當。敵不得逞。而其第二批陸軍運到。我駐在蘇浙之中央直轄第一軍兩師。亦加入作戰。相持者復一旬。殲敵者又六七次。彼虜仍不得逞。最後又以其白川大將。率領一師團來。而我始終在戰場者僅五師。爲數不滿四萬。敵則加倍於我。至是彼虜一面以講和形色。詭商停戰。欺騙國聯。一面以一師加入正面。一師由瀏河附近登岸。襲我後路。使我腹背受敵。而我運輸困難。援師不及。不得已乃東夕奉命。將前線陣地放棄。爲戰路的撤退。再圖反攻。此我十九路軍第五軍一月以來與敵苦戰之經過情形也。夫暴日挾其既。整個計劃亡我。我非全。動員。以極大之決心。作普遍之奮鬥。不能得最後勝利。我十九路軍與第五軍抗敵。非求一隅之勝負。與彼虜爭一日之短長。乃欲以我僅存血肉。供救國犧牲。作同胞馬前之遺卒耳。自政府遷洛。已決定長期抵抗政策。此全國軍民。正當秉承此旨。一致奮起。電擊響應。此仆彼繼。勿以滬海。偏隅進退爲念。勿爲敵人分化之詭謀所中。尤望我東北同胞。嗚爲虜之痛。急起遣兵。收復失地。

使敵備多方分。我十九路軍第五軍當竭此未盡餘勇。與強虜作最後週旋。藉收夾擊之效。土耳其苦戰三年。卒大破希臘十五萬軍。轉敗為勝。杜蘭斯雀一小部落耳。亦能血戰三年。不為屈服。況我以三萬萬方里之地。四百兆人民之衆。果能全國一體一心。不能殲此跳梁小丑。吾不信也。朝鮮之亡也。猶有陸軍數萬。卒被日人解散以盡。今我國現額之兵。統計不下百餘萬。與其待國亡後供彼宰割。何如及此未亡之時。作一光榮之犧牲。此次暴日蹂躪上海多時。炸彈所至。廬舍坵墟。死亡枕藉。子遺黎民。莫不同仇敵愾。不聞怨聲。此等悲壯之劇。可泣可歌。國土猶是也。人民猶是也。苟一旦主權既失。寄命於仇人之手。其慘狀又當何若也。惟願我全國父老兄弟。毋忘關北江灣。全國軍事領袖毋忘朝鮮及今日之東省。暴日何國際公關宣傳。詆我謂非有組織之國家。即謂我國人不知鴿原急難。擊首而尾不動。可以各個擊破也。而我全國軍民。猶以巢幕游釜為安。罔識圍牆禦侮之義。忘同屋之纓寇。作鄉鄰之閉戶。是誠為見仇者所快。而為見愛者所痛矣。我十九路軍第五軍。亦惟有收拾餘燼。背城借一。事之不濟。則捨命於沙場。以謝我炎黃祖宗在天之靈。不願為亡國之民也。敢曰乾時之戰。雖敗猶榮。尙幸國墨不亡。侵地終反。撰甲哀鳴。淚盡以血。惟我同胞。實昭鑒之。總指揮蔣光鼐。十九路軍長蔡廷楷。司令戴戟。第五軍長張治中。暨各師旅團長同叩。

▲留滬中委急電請援

迅速增援：收回淞滬

留滬中委孫科等致中央電云。限卽刻到洛陽汪院長蔣委員並轉中央諸同志公鑒。口實吾國抗日。以滬戰關係。重。影響最大。故日人陸續增援。至窮師十萬。正以中日問題之解決。其關鍵實繫於此也。我方初以十九路軍孤軍應戰。嗣加派第五軍。合計不過三四萬人。每戰尅敵。義薄雲霄。唯衆寡懸殊。益以疲勞。上海之危。早在意料。同人等在滬。觀察較切。迭電請援。屢以逾分之詞。督責當局。蓋本心所謂危。不敢不告之義。聲嘶力竭。血雨墨俱。不意竟不能一動當局之聽。以致爲敵所乘。陷我瀏河。牽動全線。觀十九路軍通電。後援不繼之語。孰令致之。當局不能不負責也。前事已矣。來者可追。同人不避厭憎。敢再爲率直之忠告。今黨與政府。均已到一嚴重關頭。當局前此畏敵苟安之心理。苟不痛切革除。則不特民衆之憤怒不可遏。抑卽黨內與同人同見解者。亦何能與當局同負此誤國之咎。上海一挫。影響之巨。實非筆墨可窮。竊謂爲今之計。當局卽宜下大決心。迅速增兵。收回滬滬。一面決定積極抗日大計。此爲中華民族唯一生路。苟再猶豫。前途顛危。有非同人所忍言者。旋轉之責。全在諸兄。同人目擊心傷。不自覺其言之過切。惟諸兄察之。孫科。陳友仁。楊庶堪。柏文蔚。程潛。陳嘉祐。張知本。梁寒操。馬超俊。陳慶雲。桂崇基。何世楨。劉蘆隱。黃季陸。熊克武。孫鏡亞。陳中孚。江。

●第二十五章

總退前後戰紀

▲我軍總退前後作戰真相

戰地記者十日特訊。我軍退却計劃在二十九日晚即已決定。當時聞北江灣吳淞三路齊退。秩序井然。確有不失一鎗一彈之精神。在左翼方面。一百五十六旅譚二將無恙。且全旅皆安抵新線。無一人損失。次晨敵軍不知我軍已退。尙放砲數百發之多。在中路方面。六十一。八十七。八十八各師退却秩序亦佳。敵軍次晨始明真相。獨石關北方面。六十師後衛第五團(收容部隊)因最後退出。故有一營之衆在北站方面與敵軍激戰甚烈。傷亡凡百餘人。三日晨。沈師長所部與敵軍戰於真茹。敗日軍前衛。四日午後三時。我六十師一二〇旅五團三營湯毅生營長復與敵戰於黃渡。敵軍雖有重砲八門。結果仍被我軍所敗。傷亡凡二百餘人。我奪得步鎗四十枝。傷亡僅三十餘人。後我湯毅生營即掩護本隊向安亭方面退去。五日。敵軍追至。我軍復挫之。後即無大戰。現兩軍相距凡一千四五百米。即鎗聲亦少聞見。

▲敵全綫實力十萬人

飛機二百架

輕重砲三百五十門

戰地記者十一日特訊。茲據確實調查敵方在前線之實力。確十萬人。其分配如下。

正式陸戰隊五千人

一由近衛師團所改編之陸戰隊一萬五千人。

第十二師團（二十四旅在內）全部一萬五千人。

第九師團（戰時編制）二萬五千人。

第十一師團。第十四團。（戰時編制）四萬人。

飛機二百架。輕重砲三百五十門。

●第二十六章 吳淞退兵情形

我軍既退出開北江灣。上海民衆。頗以吳淞之孤軍被因爲念。後經戰地記者拜訪翁旅長。記其詳情於下。

三月十一日晨九時。我們乘車由蘇州出發。沿着那荒寂的京滬鐵路。一值走到□□車站。下車後。步行約四里許。就到達一五六旅的旅司令部。由傳令兵將我們的卡片遞了進去。片刻。聞竹林內有高呼喚進之聲。於是穿過一條羊腸小徑魚貫而入。便和我們久尋未獲的寶貝！翁旅長和他的丘參謀長面對面地站着。

他已經瘦了許多

和記者初次在吳淞見面時相差很遠。一股隱憂顯然地罩着他那英武沉毅的面容。最妙的。就是他還認識記者。一見就嚷得出姓名。招呼請坐。足見他記憶力的神妙異人。接着。記者略略地敘述了一些退却後上海的情況。並帶着滑稽的口吻告訴他說。「路透電說。你和譚安塞司令因爲不守命令。死守吳淞。都已陣亡了。」等等。他聽見不覺笑了出來。連着說。

沒有這樣光榮。沒有這樣光榮。當初我和他（指丘參謀長）本來有這種計劃。在吳淞的後方。早做好了一道很強固的。弧形的陣地。並在各村落裏配置活動的支擋點。本意打算與一五六旅全體將士死守吳淞。打倒最苦最後的結果。必使敵軍受一大創。永遠永遠地忘不了。

中華民族的吳淞要塞

然而到了三月一日。因為中路危急。本來擔任這預備陣地的第五團全體被調往廟行一帶助戰。這種壯烈犧牲的計劃遂歸失敗。當時我們接到全線總退的命令。遂將全體集合。一日夜間一時。開始向楊行退却。計所部僅第四團全部第六團一營並義勇軍等。總數不及二千。經過楊行。劉巷。羅店等處轉往嘉定。至二日下午四時。敵人尚不敢回我們空虛的砲台移近一步。僅以重砲遙遙轟擊。直至三日夜八時。吳淞壘纔確實被日軍佔領。那時我們早已退到崑山附近了。翁旅長談到這裏。顯然有悲憤填膺的神情流露出來。恨他那

死守吳淞的計劃

沒有實現。一否則。至少也可表現我們一點精神給他們看看

。一翁旅長又繼續說。那時我們已準備完善。（全旅四千人。沿要塞四週劃成數個戰圈。每一圈裏配置決死的戰鬥羣若干。每一羣五人至十人。敵人前進。我們每一羣人和他抵抗。一值打到最後那中央的戰圈。連我自己也奮戰而死。最低限度。我們四千兵

也可以拚掉他一萬人

在戰史上留一不滅之榮譽。結果因第五團援兵兵力分

散。這種計劃遂歸失敗。以後機會雖有。恐已不易。真正可惜。

談話以後。丘參謀長又拿出地圖給記者看。過去情形都已明瞭。記者又曉得自一月二十八日開始到現在為止。一五六旅損失總數僅

七百餘人。遂默祝此英雄將軍前途勝利。滿意而歸。

●第二十七章 吳淞要塞血戰始末

十九路軍譚啓秀司令及翁照垣旅長。於鏖戰劇烈之時。繼鄧振銓氏之後。堅守吳淞。血戰匝月。卒以改變戰略。忍痛放棄。譚氏前日以要公來滬。昨日特往其私寓訪謁。承其接見。並由蕭繼旂氏。告堅守吳淞之經過甚詳。據云。吳淞守將。原爲鄧振銓。二月四日。鄧忽携同留守砲兵。去職赴嘉定。擬轉往崑山。時十九路軍駐淞。僅步兵一團。初未接鄧氏之通告。而鄧臨行之頃。有私函兩通。一致吳淞砲台台長。一致原有之守備隊。函爲駐淞之十九路軍所得。事始發現。十九路軍以敵人大軍壓境。要塞關係匪輕。倉卒之間。遂委譚啓秀氏繼任司令。率部一戰。譚奉命之後。星夜馳往。交替無人。幾至無從措手。即各砲台之地位形勢。亦均茫然無知。原有砲兵及守備隊士卒。於鄧去之後。泰半星散。機槍步槍亦遺失甚多。總計所留僅一百二十餘名。譚氏補充佈置。煞費經營。

南北砲台情形

查淞口一塞。共有南北二砲台。及獅子林三處。台成於遜清之季。距今已八十餘年。當時尙無水泥。台礎悉用灰沙。殊不堅強。砲身又經多年之風侵

兩艘。幾已不可復用。且吳淞要塞。當揚子吳淞兩江入海之交。爲一三角線。數面受敵。以兵法言。本爲難守之地。

日軍海空會攻 譚氏於受命之日。正敵軍以海空兩軍大舉進攻之時。原我南北兩砲台。共有十二生的以上之大砲二十四門。射遠僅達萬三千碼。但以火藥均係三十餘年前舊存。藥力早已過性。射擊力大遜。祇及九千碼。而日艦大砲。則可達一萬五千米突。相去已不止倍徙。且敵機一集。炸彈均屬五百磅者。多如雨下。一彈着地。轟然爆發。輒成深二丈圍五丈之巨穴。越宿則清水滿潭。要塞之區。頓添池塘處。

擊損敵艦六艘 吳淞戰事。起於二月五日。而六七兩日爲最烈。敵又增調步卒。以海陸空三軍會攻。陸軍由張華浜鐵橋處登岸。向砲台進逼。攻擊甚烈。相持久久。卒爲我軍所擊退。但當時操勝殊無把握。爲勢甚險。此卽吳淞一度失守傳說之所由來也。海軍方面。同時魚貫而來。在二月六日以前。敵軍不知我砲火優劣。怯不敢近。至是乃駛近離砲台祇七千碼。我遂下令開砲。砲彈驟發。敵不及備。目睹敵艦受傷者達六艘之多。其一尤重。幾至下沉。由其他二艘駛救。在兩旁挾持而逸。

大砲悉被燬壞 但敵卒藉空軍之力。將我大砲二十四門。完全燬壞。雖非悉被命中。但彈落附近地帶。砲身受震。均向下灘曲。不堪再用。七日以後。苦戰全恃步哨。犧牲之鉅。自不待言。獅子林方面。本有三十生的半大砲二門。二十四生的者四門。十二生的者四門。五、七生的者五門。共十三門。戰至二月二十五日。已祇四門可用。

至二十六日則艦僅兩門。至二十七日乃完全損壞。否則二十九日日軍欲至攝林口登陸。獅子林爲敵艦必經之地。萬不能如是易易也。

敵軍襲擊瀏河 至當時瀏河方面。言之痛心。因自開北至吳淞一帶。敵兵以十萬之衆。全線總攻。我十九路軍。全部不過三萬餘人。傷亡休養者。合計幾達半數。前有強敵。後無援兵。留守瀏河口者。惟步兵一連及少 馮庸之義勇軍耳。我獅子林砲台既燬。敵乃得長驅直入。無所顧慮。是日適四十七師上官雲相部一團。開抵嘉定。卽奉十九路軍之命。馳往增援。該團迨到瀏河。則敵已上陸。衆寡之數。相差懸殊。乃未發一彈。向崑山全師後退。至是十九路軍後方。將被敵全部截斷。乃不得不變更戰略。改守二道防線。

分兵兩路後退 譚司令與翁旅長。本有死守之決心。卒以民衆固請。含淚後退。但仍血戰至三月三日。當時係分兩路撤兵。一路取道西北。向月浦羅店以至嘉定。一路趨西南自楊行劉行以至南翔。此爲我方苦守吳淞之經過情形也。此次援絕後退。雖承見諒於民衆。終覺有負乎初衷。負罪滋深。抱愧靡已。

前線士氣甚壯 至現在前方兵士。仍不因後退而士氣稍餒。人人抱必死之志。長官決踐彈盡卒盡之誓。決固守現在防線。不再後退一步。敵如來犯。仍當盡力抵抗。且大批援軍。由口口開來。均已出發。不久可到。此次譚司令以要公來滬。但與和議無涉。日內卽返前方。返粵之說。恐係誤傳。張發奎開滬部隊。爲口口人。李宗仁加撥口

口。其近口口名。第二批不久亦將出發。向華軍隊。勇敢善戰。前方更足慮。現在糧食械彈。均皆充足。惟軍費稍感竭蹶。幸告民衆也云云。

●第二十八章 十九路軍重要軍官表

總指揮

蔣光鼐

軍長

蔡廷楷

總參謀長

趙一肩

▲六十師軍官

六十師師長

沈光漢

副師長兼參謀長

李盛宗

一百十九旅旅長

劉占雄

第一團團長

黃茂權

第二團團長

劉漢忠

第三團團長

黃廷

一百二十旅旅長

劉志才

第四團團長

楊昌璜

第五團團長

梁佐勳

第六團團長

華兆東

▲六十一師軍官

六十一師師長

毛維壽

副師長

張炎

參謀長

趙錦雯

一百二十二旅旅長

張厲

第一團團長

梁世驥

第二團團長

田國璋

第三團團長

廖起榮

一百二十二旅旅長

張炎

第四團團長

謝鼎新

第五團團長

黃鎮

第六團團長

鄭爲揖

教導團團長

鄒敏夫

▲七十八師軍官

七十八師師長

區壽年

副師長

譚啓秀

參謀長

李 儻

一百五十五旅旅長

黃 固

第一團團長

雷應霖

第二團團長

謝琮生

第三團團長

楊富強

一百五十六旅旅長

翁照垣

第四團團長

鍾經瑞

第五團團長

丁榮光

第六團團長

張君嵩

第二十九章

敵軍之空中戰

▲空中戰爭記

日海軍大尉小田原記

可為將來空中戰之炯戒

日軍此次藉飛機之力。破壞各地建築。阻碍我軍事進展。早為世人所周知。茲將指揮日飛行隊海軍大尉小田原俊彥氏。對於此次上海事變身歷空中戰爭之顛末。揭載於大阪朝日新聞中者。遂譯其梗概如下。足為我國將來軍事行動之炯戒。亦可為世界注意和平

人士之參攷。一月二十八日。因上海事態急變。在華北方面之我方飛行隊。奉命南下。至翌日（二十九日）即翱翔於閘北天空。惟敵軍雖衆。因乏飛機與我相抗。故受我方重大的脅迫。航空戰隊。亦懸加藤少將之旗。出現於上海空中。於是上海周圍。全被我海軍機所蹂躪。我攻擊機攜帶五百基羅格蘭姆之炸彈。飛翔於吳淞獅子林高橋等砲台之上。頻被我投彈炸燬。自是以後。連日搭載炸彈之戰鬥機。除轟炸砲台外。同時參加地上作戰。至二月五日。突海在戰線上。發現敵軍複座戰鬥機四架。使我軍忽起青天霹靂之感。是日清晨。我第一驅逐艦隊。在吳淞口外洋上。約離七十海里之處。亦有偵察機○架。戰鬥機○架。陸續進發。參加閘北陸戰。其中由平木大尉所指揮之偵察機。與所大尉所指揮之戰鬥機。即開赴真茹轟炸敵陣。不料與敵之哥爾水加式複座戰鬥機相遇。遂開始空中戰爭。斯役也。雙方均無勝負。嗣後我方據各種情報。與中國人之傳言。敵方有飛行大隊。將從南京出發。然我軍慣於海戰。始終不易發現敵軍陸上陣地之所在。六日。方欲低飛偵察敵陣。忽有敵機四架。竟迫近我偵察機而來。然空中戰爭。在於奇襲。此時敵機反讓一步。悠悠上昇。冀飛上方射擊。值俯瞰地上敵軍之所大尉指揮飛機隊。仰觀上空。有綠翼赤體。翼旁塗以青天白日之敵機。似有攻擊我偵察機之狀。所大急向閘北地上投下炸彈。再飛高以應敵機。未幾。加藤二等航空兵曹所指揮之飛機。亦為敵機所壓迫。而敵機忽見我戰鬥機馳至。乃轉身遠避。高隱北方雲間。時所機加藤機均向北方追擊敵機。平林大尉之偵察一號機。與田中大尉之偵察二號機。反復攻擊。彼

我兩方。相距僅五十米突。敵機突以機關槍。連續發閃爍之砲。我方亦發砲應之。交戰數合後。平林機突然取反擊之勢。此役我軍竟得優勢。敵反敗退者。係我軍之善於應變。有以致之也。嗣後我軍之戰鬥機。不復參加於陸上戰。專備對付敵之飛行機。而敵機亦不再來。我軍爲先發制人計。於二月七日。佔據上海郊外之飛機場。使敵機無安身之地。而我機之使用更爲便利矣。敵機自失據後。經一星期未見其影。至十三日。忽接情報。南京方面敵飛行隊。行將來滬。參加作戰。又據各種情報。謂廣東軍之戰鬥機爆擊機。已抵長沙。（閱者至此。必歎我方軍事行動之不密）。大約某日可到南京。而中國報紙與中國人。揚言廣東飛機於某日出發。受粵省官民盛大歡送。因此我方遂於事先。爲相當的準備。至二月中旬。探悉南京固有之飛機。亦將南來。吾人預料由南京至上海。直距離約百五十海里。度彼敵機之性能。必不能一氣由南京直到上海作戰。勢必在虹橋或蘇州停舶休息。故我方決從事兩地間之空中偵察。偵知敵方連日在兩地準備新設格納庫。我飛機朝夕伺候敵機之來。果於二十日。所大尉所指揮之戰鬥機。在蘇州飛機場附近空中。遙見美國最新式之波英克單座戰鬥機一架。疾馳西來。我軍遂勇躍進迫。敵機見我機追迫。亦飛迴應戰。惟敵機之特殊性能其上昇力較爲優。故我方遂處於被動的地位。敵乃利用上昇力。飛至我機之上。窺我之隙。急降直下猛射。我機回身反擊。交戰約二十分。未決雌雄。旋敵利用快速刀。飛向北方。我機因困於燃料。亦南飛歸隊。至二十二日。加賀小谷大所指揮偵察機。與生田大尉所指揮戰鬥機。再赴蘇州偵

察。適值該飛機場有一精巧飛機離陸。卽二十日與所大尉激戰之機是也。敵見我機飛至。仍如前日之狀。飛高至我機之上。急轉直下。脅迫小谷大尉之後。我方雖偵察機隊。加入作戰。不幸指揮官小谷大尉。突爲敵彈命中三發。指揮官機之銃手一等航空兵佐佐木。亦遭重創。機遂墮落。是役以望遠鏡探照操縱敵機者爲中國人。觀敵機過於勇敢作戰。遂被我機射落。廿三日。我軍繼續使用戰鬪飛行隊。擬破壞虹橋與蘇州之敵軍飛機場。迴念飛機場並無飛機。縱破壞之亦無所得。俄聞有粵機十八架。已飛集杭州。行將準備出動。於是我方爲先發制人計。急急編成襲空大隊。謀襲杭州之航空基地。由予（小田原）統率。連絡佐多大尉。安延大尉。所大尉。渥美大尉。等精銳攻擊機戰鬪機。秘密規定在離吳淞口百二十里之處集合。同時暗由航空艦某某等進發。約定白翌日午前五時起。直飛至杭州敵機之根據地。但此事最感困苦者。卽飛機中應裝燃料的最大限度。與離根據地附近距離地點二點。蓋恐深入敵之腹地。萬一發生障礙。必將陷於不可收拾之境。故當時頗爲焦慮。第已奉命必行。亦不計成敗。於是由攻擊機隊。掩護戰鬪機出發。隱密溯錢塘江口而上。在晨光微明中。突飛旋於杭州城天空。俯瞰杭州城外算橋飛機場。已瞭然在目。正欲投彈時。見敵機五架。急昇上空。與我機猛烈交戰。時一方飛機十五架。應付敵戰鬪機五架。綽有餘裕。故得從容炸燬敵之飛機場後。照預定地點。分隊飛集於錢江口外。先返者爲佐多隊。次爲安延隊。二號機。惟小田原隊因投下之炸彈不發。復因中途發生阻礙。歸隊最晚。此次被我炸燬。有六機。然吾人迴憶飛機

場中。敵機並無十八架。均極懷疑。殊不知敵之低翼單翼式飛機。早已飛航他處。及聞我機襲擊。遂跟踪而來。先與小田原隊交戰。因敵機巧妙。回旋昇降亦極輕快。且連合其他六架戰鬥機。節節進逼。時我渥美隊見事勢危急。加入應援。卒被我方擊燬數架其餘敵機。雖猛力衝突。而我方藉旋回槍之力。奮勇抵禦。敵始終卒不得逞。至是敵機乃向南飛行。我攻擊機亦受損害。繼聞安延隊長在錢塘江口三十里之地。向驅逐艦告急。並在該艦附近。有二機着水。乃皆歸隊而返。此為自上海事變爆發以來。空中戰爭之概略。要之空中戰爭之要諦。以三分技術七分精神為本。中國飛行隊之失敗。因缺乏航空技術故也。

●第三十章 敵軍之新武器

▲日軍侈揚新式武器具備

謂係使用於滿州上海事變者

但實皆殺人利器之進步而已

日本長崎日日新聞云。我陸軍於十日紀念日。舉行盛大祝賀式。溯自明治六年國家軍隊編成爲六鎮台以來。合計各種兵有二萬六千六百名。今已擴充至〇〇名。武器之進步。依時代而精良。曩時日俄大戰。歐洲大戰。時所用之武器。與使用於今日滿洲上海事變者相較。不啻有天淵之別。蓋從前飛機戰爭。既甚幼稚。鐵兜機關槍。亦未發明。各部隊間之通訊。多藉人力傳令。今則使用傳書鴿。偵探狗。並藉無線電報以爲聯絡。故

不論攻防兩種戰術。已有一日千里之勢。此次滿洲上海之戰鬥。(按滿洲之役中國軍隊並未與抗我軍器之精良。處處較敵為優勝。茲就我方新式武器之足以炫耀於世者。縷述如下。

(一)關於步兵用者。有三八式手槍。半自動手槍。能連珠射。輕機關槍。重機關槍。(一分鐘能發五百彈至一千彈)步兵砲等。(有平射曲射二種)平射砲專對露出敵之機關槍與戰車等。曲射砲乃用於敵之掩護戰壕。(二)關於騎兵用者。有騎砲對砲二種。騎砲使用迅速輕快。野砲可代山砲之用。(三)附屬於步騎兵者。有鐵甲車。坦克車。(戰車)鐵甲車為騎兵先驅的活動。富於運動性。每小時能行三十英里。坦克車有防禦砲彈之力。攻擊力尤強。衝鋒陷陣。多利用之。(四)關於砲兵用者。有加農砲。(山砲野砲)平射溜彈砲口徑均以十糎為主。至於野戰砲與重砲之區別。即一為十糎之加農砲。一為十五糎之溜彈砲。溜彈砲用以破壞堅固之建築物。以上各砲。皆可射達四里之距離。(五)飛行機。分偵察戰鬥爆擊三種。此次在滬作戰。以爆擊機之效力為最大。其他又有高射機關槍(對於一千米突高度以下時用之)高射砲等。(能射達至四千至一萬二千米突之距離)至於使用防禦飛機者。有探照燈。空中聽音機。測高器。(六)毒瓦斯。雖禁止使用。然各國仍秘密製造。因其性質之差異。遂有窒息。催淚。糜爛。等別。(七)防禦器。有鐵兜。防彈具。防毒器。等三種。鐵兜歐洲戰時尚未風行。最近使用於戰場。效益甚大。係用厚一糎富有強韌性之鋼鐵為之。防彈具為潛探伏探哨步哨警戒兵等之用。防毒器分人用馬用二種


世界新聞社云。據大阪每日新聞英文版載。此次日軍在滬作戰。頗得日本科學界新發

明之益。作戰中所用科學的利器之一。爲「空中攝影機」。極便於偵探工作。日空軍之每一偵探機皆備有E型自動空中攝影機一具。對於中國軍陣情形，用此機接連拍攝照片百張。即可得一忠實之報告。此機之鏡片。其聚光距。離爲二十生的米突在離地二千米突之高度能拍八百四十米突。長三百六十米突寬之地面一區。如對於所欲攝影之目的物欲其照片。縮至一千萬分之一。則飛機祇須保持二千五百米突之高度。凡地面之道路田野及掩飾之壕溝等。皆能纖悉攝出。倘以斜勢拍之。則照片上顯出。地面凹凸不平之形。日軍在江灣鎮對距離四基羅米突。外大場鎮之華軍陣地。所開第一砲。落下處離目標極近。此項成績即大半得空中。攝影機之助。又一新利器爲利用三色混亂對方目光之坦克車。此種坦克車在砲彈如雨之下。仍能穩定進行。衝破對方之壕溝鐵絲網等。三月一號韓家墩（譯音）一役。日軍卽利用此器。得爲三勇士復仇云。

●第三十一章 敵軍現在陣線

戰地記者 刻晤翁照垣旅長。談敵方陣線甚詳。敵方主陣線北自浮橋鎮起。西南迄岳王市。折東南經陸家渡橋而婁塘。折西南經黃涇外岡。折西南至黃渡。成一西字母W形。全線延長約計華里一百十餘里。浮橋迄岳王市爲其左翼。岳王迄外岡爲其中路。外岡迄黃渡爲其右翼。惟其中路在婁塘內陷。陣地至不隱固。故日來力攻太倉。苟太倉得手。則其陣地成一完整之弧線矣。敵方近正趕造永久作戰之堅固陣地。聞將集重兵二

敵方陣線圖



- (一) 真茹
- (二) 江橋
- (三) 南翔
- (四) 黃渡
- (五) 安亭
- (六) 白鶴江
- (七) 陸家浜
- (八) 崑山
- (九) 真儀
- (十) 唯亭
- (十一) 嘉定
- (十二) 太倉
- (十三) 樓塘
- (十四) 陸渡橋
- (十五) 瀏河
- (十六) 岳王市
- (十七) 白茆
- (十八) 常熟
- (十九) 支塘
- (二十) 茜涇營
- (廿一) 浮橋
- (廿二) 六河
- (廿三) 彭家橋
- (廿四) 福山
- (廿五) 陶山
- (廿六) 外崗
- (廿七) 黃涇

十萬進窺長江和議恐無誠意。

◎第三十二章 滬戰之第一夜

今日適滿二月

足爲信史一頁

兩月前之今日。閘北江灣吳淞等處。農耕於野。商趨於市。工勤於肆。弦歌之聲。聞於庠序。稚子嬉於庭前。少婦妝於樓頭。熙熙攘攘。如登春臺。詎意卽夜權禍遽降。不數日間。繁盛之區。化爲焦土。數十萬戶。毀滅無餘。無老無幼。慘遭非命。屍骸旣殲。犬復噬之。修羅之場。甯能過是。其幸而獲存者。漂泊無依。鰥寡孤獨。比比皆是。悠悠蒼天。此何人哉。爰將上海泰晤士報所紀一月二十八夜寇軍攻我閘北前準備之情形。補譯如次。藉作滬戰二週月之追念。其言且出於中立國人之口。作爲日人首先挑釁信史之一頁。昔者普法戰後。法人繪普軍獲勝法軍慘敗情形於油畫院。以爲暮鼓晨鐘之寄。卒以上下一心。發憤圖強。五十年後。摧強寇於疆場。而有凡爾賽條約之簽訂。返矢地於兩州。譯者不敏。竊師此意。亦願我國民毋忘滬戰之第一夜。而圖所以奮發自強也。

昨日（一月二十八日）午夜將近。日軍向閘北進攻。（注意）據日軍方面消息。夜十一時五十七分。日兵發第一彈。以回答華兵。（日人之言當然如是）日軍進攻迅速。卒

出不意。故在上午（二十九日）十二時十五分之前。即有兩卡車。載俘華兵。（譯者按此殆爲所拘之中國平民）馳至登陸隊司令部之庭前矣。夜中聞北邊界一帶。機關槍聲與來福槍聲。怒鳴不已。日軍第一大隊與第二大隊。已開始窺北四川路外之小街前進。槍聲一鳴。伏於各處牆隅之兵。齊起直撲華兵衛守之地點。隨手而下者數處。日兵之機關槍聲與歡呼聲相應和。日兵所擲之炸彈。炸力甚猛。四川路一帶之玻璃窗。受震多碎。遙想彼等所攻擊之區域。受創必重。附近華人所蒙之損失。今猶無法估計之。

進攻之兩大隊。似皆以北車站爲其目的物。第三大隊亦在豫備進攻中。第一大隊由北四川路公立學校穿橫街而進。與北寶山路商務印書館附近之華兵交鋒。另有若干人。在登陸隊司令部後與華兵接觸。第二大隊已在桃山咖啡館附近奧迪安影戲院後出四川路。兩大隊齊向鐵路方面進發。攻入上海市義勇軍防守之地。（注意）

昨夜（二十八日）十一時三十分。日水手與海軍陸戰隊約一千名。鐵甲車八輛。機關槍兵無數。炸彈兵數隊。同離北四川路海軍登陸隊司令部。埋伏於毗連華界之各地點。準備攻入華境。以鮫島大尉指揮全軍。將近午夜。各隊沿北四川路絡繹而進。以齊上刺刀五十人之小隊數隊。蹲伏租界邊線之屋隅。另以人數更少之數隊。潛入華境爲斥候。鐵甲車分駐各地點。候令前發。醫務隊携昇牀藥囊。伺於左右。機關槍兵則在守候之各隊前列。作預備放。惟時北四川路之景象。儼如比國之佛蘭特。所不同者。各隊軍官皆佩金柄之刀耳。

日軍之欲佔據中國土地也。租界中之日僑。早已喧傳矣。（注意）故在各隊由登陸隊司令部出發以前。已有日平民數百人。集於其地。紛向兵士歡呼。司令部垣內將士雲集。成一大營。上海泰晤士報代表。曾佇立司令部側汽車間之屋頂。以觀日兵之集隊。舍該代表外。場中無一西人焉。

夜十一時左右。第一次集隊之軍。號聲不鳴。登時庭前屋內。所見皆兵。卡車之聲。輾轉於途。滿載全副戰裝之大隊援兵。飛馳而至。頃刻間。庭園爲之人滿。機關槍兵曳其武器。列於庭之中央。長行之來福槍兵。雜以手榴彈兵。絡繹開入。廣場之中。有高臺。上立海軍參謀官兩員。監視戰士之會集。此時情狀。大類幻景。水兵紛自暗陬擁入。燈光照耀如白晝之廣場。其軍器磨擦作聲。其刺刀閃閃發光。身佩乾糧。與輕使應急器用。來福槍皆上刺刀。橫負於背。機關槍兵及饋送「吃人」之子彈者。亦然。軍官則踱步諸戰士中。狀殊閒適。（注意）維時只見鋼盔顛動。絕不聞語聲。卽下士亦不向士兵作怒斥聲。人人知其應處之地位而往就之。（注意）未及十五分鐘。各組列隊。皆立正待令。於是號角之聲。發自暗處。臺上軍官一員。向衆發言。語殊急迫。聲殊壯厲。余側之日譯員低聲語余曰。彼乃諭告將士。盡其責。（注意）非至急要。勿作無益之殺戮。非被擊勿開槍。（譯者按。既進攻矣。焉有不開槍之理。日軍官意中。聞北華軍。必如東北軍不戰而退。可不必開槍也。）並祝衆順利。言畢。全場寂然。於是有日本攝影師一隊。開始鎂光攝影。卽聞砰砰炸聲數次。衆目暫爲失明。繼由臺上另一軍官向

衆勉勵數言。（注意）於是號角之聲又作。接以砲步之聲。蓋繫泊浦江日軍艦之援兵疾趨入場也。就位既定。旋有四上刺刀之兵。擁一旭日旗之兵。步入亮處。於是聞尖銳之號令聲。宏壯之革履聲。又見諸軍官皆拔刀出鞘。臺上之二軍官。則注目於其手腕之時計。（注意）維時黑暗之一隅。忽大放光明。顯出鐵甲車多輛。左右皆立有戰士。車作橘黃色。橘形穹頂之小門半啓。一鋼盔之首。由內外窺。俄而號令之聲雜起。最前數行之戰士。卽躍登卡車。俄而機車軋軋。蓋第一卡車發動矣。餘車繼之。但轉瞬間卡車之機聲。悉沉沒於門外羣衆之狂呼聲中矣。不十五分鐘。廣場爲之一空。其間有一動人之短幕。試爲紀之如下。一袖綴三A字之老於戎行者。忽自其隊伍中趨出。在汽車之下沿牆向一少年奔去。既近其身。奪其手而緊握之。須臾。此灰色軍服之矮漢。又狂奔歸隊。蓋其隊伍已出動矣。少年旋亦他去。此二人殆係昆季也。（譯者按此二人必因出戰之後。不知能否復見。故依依不捨。嗚呼。誰無兄弟。如手如足。何屠殺他人時。則毫無惻隱之心耶。）最後一輛之卡車。駛出廣場。最後一隊之水兵。開步出發時。泰晤士報代表亦離其地。時門外集有日平民一小羣。而由人叢中擠出。頗不易易。若輩每見卡車或鐵甲車駛過。輒向歡呼。步行之隊伍經過時。則向鼓掌而狂號。附近日人家皆啓窗以觀。其中有女子「蘇牙那拉」（意卽再會）之呼聲。與道中男子狂號之聲相應和。水手與陸戰隊士兵。則皆揮手大笑以答之。五分鐘後。卡車均駛抵指定之地點。（注意）戰士紛由車上躍下。

尾隨戰士入四川路冷靜黑暗之區。摸索蛇行。以視若輩列陣。不啻握自己之生命於手掌。前進時。經過跪伏牆隅之許多隊伍。行近始能見之。稍一不慎。即將踐踏其身。蓋處處有之也。忽牆隅槍刺齊豎。軍官士兵躍起。操日語問話。語不可辨。繼出電炬。照見爲白人之面。乃復帖然。沿華界邊線一帶。滿佈此類匍匐之兵。鐵甲車則一無所見。顯已在步隊前駛入華界矣。但並未聞有槍聲。僅寂靜之中。充滿殺氣耳。（注意）發號之聲。既不之聞。而軍器亦不使稍作響動。日兵之行動。如黑夜之貓。異常謹慎。凡數人較多之隊伍所駐處。輒放哨於前。哨兵若干。在午夜時確已潛入華界。其同志緊躡於後。機關鎗則居前。以槍口向外。（注意）。

泰晤士報代表旋乘汽車歸。沿四川路向租界中心進發。途中時遇日兵小隊。直至蘇州河始已。若輩擎槍巡邏。其狀森嚴。如聞北邊線一帶潛伏之隊伍焉。（下略）。

譯者按本月二十二日日外相芳澤在議會演說。謂一月二十八日上海公共租界工部局集議。宣布臨時緊急狀態。而駐滬列強軍隊。皆於是日依照事前所定共同防衛之計劃。在租界各部分擔任防衛職務。日軍所任之處爲聞北。當日軍正在聞北區域佈防時。華人對之射擊。故日軍被迫採行自衛行動焉云云。查工部局所決議者。爲令日軍擔任虹口區之防務。而虹口西部。猶不屬之。今芳澤竟謂日軍所擔任之區爲聞北。噫。欺人耶。抑自欺耶。藉曰任聞北佈防。何必蚤夜爲之。如上海泰晤士報所紀。日軍直偷擊耳。而尙欲以「自衛」二字。以自文過。甯不異哉。

中華民國二十一年四月再版

十九路軍抗日戰史第二集

▲每部定價大洋四角▼

編輯者 戰地新聞社

校訂者 戰地新聞社

總發行處 上海戰地新聞社

分售處 各省各大書局

翻
印
有
權
究

上海图书馆藏书



A541 212 0015 9736B

上海圖書館藏書

080

2